

X Dupl  
I O A N N I S

B A P T I S T A E

S V S I I,

PHILOSOPHI, AC MEDICI

M I R A N D U L E N S I S.

L I B R I   T R E S.

De Venis Edirectò Secandis;

In quibus Matthæi Curtij præceptoris sui sententia  
defenditur, aduersus Andream Turinum,  
Benedictum Victorium, Victorem  
Trincauellium, & Andream  
Vesalium.



MEDICAL SOCIETY  
OF LONDON

CREMONAE,

In Ciuitatis Palatio, apud Vincentiũ Comitem,

M. D. L. I. X.



BRITISH MUSEUM  
SALE DUPLICATE  
I 7 8 7



A M P L I S S I M O

PRAECLARISSIMOQUE VIRO

FEDERICO GONZAGHAE,

IO. BAPTISTA SVSIVS,

S. P. D.



CRIPSERAM superioribus annis;  
Præclarissime FEDERICE, tres  
libros de Venis edirecto fecandis dum  
Bononiæ Philosophiæ, ac Medicinæ  
studiis operam darem, quos cum mul-  
tis antea rationibus statuissem potius apud me  
priuatim habendos, quam in publicum emitten-  
dos, factum est, vt ad hoc vsq; tempus illorum  
editionem distulerim. Duæ verò potissimum  
mei illius instituti fuere causæ, altera, quòd vix  
fieri posse videbatur, vt quicquam elaborati à  
me illo tempore, quo nondum vigesimum an-  
num attigeram, conscriberetur; altera quòd  
timebam ne in magnis viris increpandis, & illis  
præsertim qui & doctrina, & nominis celebritate  
magni iure haberentur, temeraria nimis, & au-  
dax mea videretur oratio. Quòd verò attinet



ad ætatem ; satis me solabatur Matthæi Curtij  
Præceptoris mei authoritas , qui cūm me ad id  
oneris impulisset , vt hisce libris , aduersariorum  
suorum scriptis & argumentis occurrerem , &  
mea præterea scripta veritati consona iudicasset,  
potui mihi ipsi quodammodo blandiri , & bono  
esse animo , quòd vix concedente ætate , ab ini-  
tiis , & fundamentis , quæ ille posuisset , firma  
quædam argumenta deduxissem , quibus aduer-  
sarium opinio reiiceretur . In ea verò cele-  
bratorum hominum confutatione , longè mihi  
magis excusatione carere visus essem , nisi ij-  
dem in Curtium celebriorem , quid verò dico  
Curtium ? nisi in Hippocratem , in Galenum ce-  
leberrimos , & de re medica optimè meritos ,  
sua scripta , immò verò sua tela direxissent ; Qua  
de re factum est , vt ego quoq; in tantorum viro-  
rum sententiis ab errore vindicandis audacior  
sim factus . His ergo rationibus statui hoc tem-  
pore consilium mutare , & plurimorum mihi a-  
micitia iunctorum monitis acquiescere , qui me  
ad edendos libros hortati sunt . Suffuratus igitur  
tantum otij , quantum ad relegendos magis ,  
quàm ad corrigendos libros satisfacere videba-  
tur , licet multis hincinde negotiis distraherer .  
feci tamen vt libri ad editionem parati essent ,  
neq; remouere me ab ea sententia id potuit , quòd  
ex illis , qui à nobis confutantur authoribus qui-  
dam postea aliter scripserint , quidam publicè

( vt



( vt audio ) veterem opinionem retractarint ,  
hoc enim me potius ad scribendum reddidit ala-  
criorem , quippè qui videbor in ipsas magis sen-  
tentias , contra Curtium ipso viuento editas ,  
quàm in homines stylum direxisse , & vtiliori la-  
bore easdem opiniones reiicere , quæ à suismet  
authoribus reiectæ sint . Quod certè scribendi  
genus Platonis , & Aristotelis summorum philo-  
sophorum autoritate comprobari potest; Quo-  
rum ille , nunc fictarum sententiarum , nunc so-  
phystrarum qui mutatis passim definitionib<sup>9</sup> de-  
certant improbatione , veritatem reddit illu-  
striorem; Hic verò in verba etiam ipsa dissimu-  
latis sententijs inuehitur , non vt summos viros  
( vt ego quidem opinor ) taxet , sed vt prauos sen-  
sus reiiciat , qui ex verbis perperam intellectis  
oriri possent . Dum verò cogito cui potissimum  
meos hosce labores inscribere , ac de more di-  
care debeam , tu vnus occurristi FEDERICE  
præclarissime , non ea certè ratione quòd pa-  
tre , & fratribus Ducibus , quòd patruis Princi-  
pibus & Cardinalibus , quòd præterea in-  
numerabilibus ferè tuæ istius amplissimæ , ac  
præstantissimæ familiæ viris , & viuentibus &  
vita functis , sis decoratus , sed quòd tua ipsemet  
virtute , & probatissimis moribus splendes , gen-  
tiliúmque , & maiorum tuorum memoriam red-  
dis ornatiorem . Accedit quòd mihi quoque  
dum Mirandulæ esses , benignus adeò , ac hu-  
manus



manus es visus , vt ingratisissimus planè sim , nisi  
simul meipsum , meaq; omnia in tui clientelam ,  
& patrociniū committam , testatumq; red-  
dam , quanti virtutem illam faciam , & probi-  
tatem , quæ plerosq; iam homines in tui amo-  
rem , admirationemq; traxerunt . Vale .

Mirandulæ kalendis Maij. M. D. LIX.



## MATTHAEVS CVRTIVS MEDICVS,

IO. BAPT. SVSIO. S. D.



**E**GI libros tuos De Venis Edirecto  
 Secandis, qui quidem mihi magnopere  
 placuerunt, tum quòd dogmata nostra  
 defendunt, tum etiam quòd tu il-  
 lorum author es, quem ego vti disci-  
 pulum ac filium vnicè diligo; Caue dubites il-  
 los quamprimum edere, nam tametsi sis ado-  
 lescens, præferunt tamen solidam quandam  
 grauemque doctrinam, eruditis omnibus sine  
 dubio placituram; Quòd autem illos in ea  
 quam nunc gerunt dialogi forma, aut potius  
 in perpetua oratione emittas, tuæ sit optio-  
 nis. Epistolam à me cum opere ipso imprimen-  
 dam, quæ illud commendet ( etsi opus seipsum  
 commendat, nec huiusmodi approbationem  
 exigit ) cum volueris habebis. Te in hoc Pisa-  
 no gymnasio esse percuperem, cum tua, tum  
 mea causa, iamque de ea re Campanius mecum  
 sæpius est collocutus: tuum erit aut philosophica  
 sensa, aut Theoricam medicinæ extra ordinem  
 explanare; Primo anno aureos centum accipies,  
 insequentibus verò cæteris, maiori semper mer-  
 cede cumulabere; me àq; domo haud secus ac tua  
 liberè vti semper tibi licuerit. Vale. Floren-  
 tiæ Non. Octob. M. D. XLIII.







5

IOANNIS BAPTISTAE SVSII,  
DE VENIS EDIRECTO SECANDIS;

LIBER PRIMVS;

ADVERSVS ANDREAM TVRINVM.



INTER eos, qui bonas artes, & præsertim Medicinam superioribus annis labefactatam, nostro tēpore renouarunt, vnus ac ferè p̄cipuus est MATTHAEVS CVRTIVS præceptor meus, qui multis iam annis, rectam medendi rationem cum opere ipso, tum frequenti prælectione, veritatis amatoribus patefacit; Galenique, & Hippocratis opiniones, quæ temporum iniuria, & hominum malignitate, penè oblitæ iacebant, tam clarè dilucideque aperit, vt iam vniuersa dignoscendorum, curandorumque morborum dogmata, in clarissima quasi luce posita sint; Huic amplissimo certè ac doctissimo viro, omnes quot quot veritatem amant consensere; suntque in nostra Academia adolescentes multi, ingenio doctrinaque præstantes, qui indies veras hæc doctoris nostri sententias addiscunt; sed tamen non desunt, qui tantæ, tamque præclaræ veritati tenebras offundere conentur, homines certè (ne peius dicā) aut hostes veritatis, aut proprii, & iam à puerro percepti dogmatis nimis amantes; Quorum placita nos quidem qui Curtium audimus, & cum ipso versamur, nihili quidem facimus, nulliusque esse momenti intelligimus. Sed tamen aliquid esse videntur apud idiotas, & vulgi homines, atque etiam eos qui in dogmatis hisce percipiēdis vel Curtij ipsius vel Curtianorum opera non sunt vsi. Cū verò multa sunt, in quibus mali nostro tempore medici aberrant, tum in hoc vno maximè hallucinantur, quod doctrinæ de venis edirecto secandis non consentiunt; quam tamen Curtius, & voce ipsa iam apud Ticinenses & Patauinos auditores, & opere



edito superiore biennio apud hanc Bononiensem Academiam præclare satis edocuit. Qua de re scripsere iam multi viri ab opinione Curtij dissidentes, Andreas in primis Turinus, Benedictus Victorius, & (quod magis mirum videtur) Victor Trincauellius, & Andreas Vesalius, vtriq; bonarum litterarum professores. Horum verò omnium iam extant libri, suntque nonnulli, qui illorum sententiam veram existimant, nulla certè ratione, sed sola hominum authoritate freti; Quorum sanè opinionem, ut ipse apud me falsam percipio, perperamq; à Curtij placitis dissentientem, ita illam euertere dignū duxi, pro mea erga veritatis amatores, & ipsum etiam præceptorem voluntate. Hoc verò onus, tametsi meis impar viribus videatur, attamen vel veritate duce, vel vno suadente Curtio, qui cum nobis instituendis, & ægrotis curandis distineatur, id mihi operis iniunxit, non potest à me detrectari: legant tantum, qui nos audituri sunt, editum iam à Curtio libellum, ne idem sæpius cogamur referre, qui aduersus eos scribere instituimus, qui in eisdem frequenter errores incidere videntur. Præstat autem initium facere à Turino, quando is primus Galeni mentem quæ, eadem est cum Curtij opinione, refellere conatus est. Scripsit hic vir librum de sanguinis missione, cui & epistolam adiecit, quam olim Curtio miserat; in hoc autem libro multa dicuntur, ut ostendamus, quæ hijs aduersantur, quæ in epistola scripta iam fuerant. sed librum primo, mox epistolam quo ordine in lucem edita sunt, refellemus; Primūque instituenda nobis est oratio, pro his authoritatibus intelligendis, quæ & secundo, & quarto libro de ratione victus acutorum morborū apud Hippocratem leguntur, nam cum Hippocrates directam venam in lateris dolore secandam consulat, hoc verum esse inquit Turinus, cum vigor morbi adest, non verò cum initium; Cum verò duplex sit vigor, qui & status morbi appellatur, alter quem penes concoctionem, alter quem penes symptomata intelligimus, venam in concoctionis tantum statu edirecto secandam in epistola ad Curtium Turinus scripsit; hoc autem loco statu concoctionis seposito, de symptomatū statu

Hippocratem



Hippocratem loqui autumat, quo quidem inquit venam edirectò secari præcipit, nec tamen prohibet oppositam secari, si morbi initium adfuerit, cui rei, & Hippocrates, & Galenus primo libro de ratione victus acut. mor. par. xxxiij. videntur consentire. Hoc idem quadam etiam ad Ioannem Marnardum epistola, Turinus inquit, in qua quidem Hippocratis aphorismum cuius initium, cum morbi inchoant, si quid videtur mouendum moue, de initio vigoreque, qui ad concoctionem referuntur, intellexit; Quadere, & incòstans, & sibimetipsi contrarius videtur: Quòd verò præceptum Hippocratis de symptomatum statu interpretatur, hallucinatur profectò, & Galeni sententiæ repugnat, nam in symptomatum vigoren ullum auxilium afferri solet, quod in prædicti aphorismi interpretatione sensit apertè Galenus; ac rationem quoque reddit, quòd illo tempore virtus multo labori succubat, maximèq; turbetur, vnde nihil illo tempore moueri debet. Quod etiam apertius aphorismo sequenti dixit Hippocrates, cum inquit morborum initijs vniuersa esse imbecilliora, in statu verò fortiora, vbi de symptomatis intelligit, & superioris aphorismi rationem reddit, vt Galeno placet; Quadere nulla ratio est, quæ nostræ opinioni aduersetur, cum venam edirectò secamus ante morbi statum, in quo quidem maxima solet adesse perturbatio.

HIPPOCRATIS verò dictum, quod in sui patrocinium Turinus attulit, nullo pacto nobis aduersatur, nam verba prædictæ particulæ. xxxiij. primi libri de rat. vic. acu. morb. quæ à Galeno in Commento dicuntur, hoc tantum docent, non esse exhibendam ptisanam, nisi prius dolor vel venæ sectione, vel pharmaco sit mitigatus, & præsertim si dolor intensus admodum fuerit, & vrgens. Hæc verò remedia satius vtiq; fuerit initio statim morbi adhibuisse, sed tamen si cuiuspiam ignauia omissa essent, vel dolor primis statim diebus non mediocriter increuisset, prius alleuari debet quàm nutrimentum offeratur; neq; deterreri debemus ex symptomatum vigore, in quo aliàs nihil mouendum Hippocrates præcepit, hic enim vigoris obliuisci ob cibandi ægri necessitatem cogimur, & dolorem pri-

*Præa Turini ratio*



mum sedamus, quàm cibemus; sed instat Turinus, nam licet  
 venæ sectio edirectò fieri deberet, id tamē nō sequitur, facien-  
 dam esse initio statim morbi, & repleto corpore & fluentibus  
 ad inflammationem humoribus; sicuti neq; sequitur, in angina  
 lippitudineque venæ secandæ sunt, hic quidem in oculorum  
 angulis, ibi sub lingua; ergo secandæ sunt initio, reple-  
 tis corporibus, & humore fluente. Ego verò Curtij ar-  
 gumentum hisce modis intelligi suppono, nam si vena edirec-  
 tò secanda est, cum dolor ex fomentis augetur, vel non mi-  
 tigatur, plenum omninò corpus erit, & humores ad inflam-  
 mationem fluent; Deinde cum primum remedium, quod do-  
 lenti lateri Hippocrates ministrari præcipit, sit fomētum; quo  
 non iuuante venam edirectò secari iubet, satis constat initio  
 morbi hanc adhiberi venæ sectionem; Quæ verò de angina,  
 & de lippitudine dicuntur nihil ad rem attinent, nam in illis  
 morbis duæ fiunt venarum sectiones, neq; aut in angulis ocu-  
 lorum, aut sub lingua venam secaremus, nisi ex cubito prius  
 sanguis detractus esset; Quare si & hi morbi lateris dolori si-  
 miles esse debent, iam Hippocrates alteram venæ sectionem  
 omisisset, cum vnicam duntaxat, eamq; edirectò præcipiat  
 in lateris dolore; vnde non esset ab Hippocrate tradita inte-  
 gra huius morbi curatio, cum tamen anginæ, & lippitudinis,  
 quod ad secandas venas attinet, absolutè tradita sit. Sed ad-  
 huc Turinum redarguamus, nam cum morbus inchoat ve-  
 nam oppositæ partis secandam consulit, directæ verò, cum  
 symptomatum status adfuerit, quid igitur fieri dicet, cum hu-  
 mores adeò cum impetu fluxerint, vt paucis horis intensissi-  
 mum dolorem reddant? nunquid quoniam symptomatum  
 status adest, venam secabit edirectò? qui non primis tan-  
 tum horis, sed etiam diebus oppositam venam secari docuit?  
 falsa igitur est Turini regula, quòd initio morborum venæ se-  
 centur affectis partibus non directæ; cogitur etiam sibimet-  
 ipsi contradicere; nam cum triplex sit initij morbi significa-  
 tio, vt Galenus docuit, prima momentum quo inuadit mor-  
 bus (quod à curandi ratione abest, ex naturali illa ratione, qua  
 monemur vniuersas actiones in tempore faciēdas) alia primo-  
 rum



rum dierum morbi; tertia initium quod dicitur vniuersale, in his certè temporibus possunt in vigore esse symptomata; Quare si Turino credimus venæ edirectò initio morborum secabuntur; Quod si dicat, nequaquam se loqui de his fluxionibus, quæ magno cum impetu fiunt, sed de pacata quadam quæ paulatim fiat, fluxione, quæ dolorem nō statim, sed multo interiecto tempore adaugeat, quo quidem casu deriuatione magni impetus ommissa, moderati fluxus reuulsionem adhibebit, nihil certè vel sibi ipsi, vel Galeno etiam diceretur repugnantius; nam cum quarto lib. de curan. morbis, tum ad contraria reuellendum Galenus consulat, cum valenter irruat fluxio; hic vir contrā facit, nam in quieto pacatoque defluxu reuellit, non verò in valentiori, & qui cum magno impetu mouetur. Sed & infrā cum secundam conclusionis Curtij reprobat, adhuc hallucinatur, ibi enim venam inquit Hippocratis sententia edirectò secandam esse, cum vniuersus humor defluxus est, & affectus in vtroq; statu; oppositam verò cum humores fluunt. Quid enim fiet, si vigor sit morbi, & fluant humores, nec augeatur dolor? Etenim fieri potest, vt dolor in vigore nouas ad sese fluxiones trahat, quas suo calore dissoluens, nullum sibi addat incrementum, quod ferè contingit in ea feбри, quam medici vocant omotenam, quæ quidem cum in dies nouæ humorum accendantur partes, non videtur augeri, illis omninò vel suo calore, vel distatione insensibili dissolutis. Idem igitur sit in morbo laterali, nec enim euadet Turinus, nam si venam edirectò secabit, cur fluentes humores exceptit? sin oppositam, cur symptomatum, qui in vigore sunt non recordatur?

SED aggrediamur ad secundam rationem. Inquit enim ex Hippocratis verbis manifestè constare, directam venæ sectionem transacto principio adhibendam esse, nam supponit Hippocrates grauitatem quandam brachio, mammæ, & partibus supra transuersum septum molestant, quæ cum post initium appareant, venæ etiam directæ sectio post initium adhibebitur; Ego verò si hic post initium intelligit post primam morbi inuasionem, rectè certè illum sentire arbitror; nam post  
*Secunda ratio Turini.*  
 eius-



eiusmodi initium sunt vniuersa, quæcunq; in morbis percipiuntur. Sin autem primos dies, aut primum vniuersale morbi tempus intelligit, manifestissimè constat eiusmodi initijs cuncta quæ dicta sunt apparere; quæ si adsint, venam directam Hippocratis consilio secabimus, etiam si vigor symptomatum adesset, nam omninò redarguendi essemus, si offerremus alimentum, antequam dolor alleuatus esset.

*Tertia  
ratio Tu-  
rini.*

SED instat Turinus atq; inquit, venæ directæ sectionem effatu dignum subsidium non afferre, nisi multa sanguinis copia ad altiores partes percurrat. cū verò morbi initio fluxiones modicæ sint, non vtiq; educi rectè poterunt per directam sectionem; præstaretque per oppositam sectionem aliò auertere humorum cursum, neq; directam secare venam, nisi multus sanguis in parte affecta collectus firmata iam fluxione reperiretur. quæ opinio, Galeni sententiæ & rationi aduersatur, nam cū motus sanguinis ad superiora tendat, illicò educi debet, ceu natura curationis modum suo motu indicante, & fluxu sui initio ad exitum paratiore; duci ergo debet vnde natura repetit per directam sectionem, & morbi statim initio, non in statu, nisi subsidium omissum esset; Quod verò inquit, parum initio defluxisse, id fortè veritatem habet in fluxu illo, qui ab adiacentibus partibus ad ipsam inflammationem fertur, sed minimè verum est in altero fluxu, qui à quapiam, vel ab vniuersi corporis partibus fit ad partes inflammationi adiacentes. multa enim in vicinis inflammationi partibus sanguinis copia continetur, etiam si modica, modiceque ferri possit ad inflammationis locum; ipsi verò iam defluxis ad vicina loca humoribus opitulamur. Docuit enim Galenus in libro de temperie inæquali, & tertio libro artis medicinalis, lib. quoq; de tumoribus præter naturam, duas esse in inflammationum ortu defluxiones, alteram prius qua venæ vicinarum inflammationi partium replentur, ac distenduntur, alteram ab his ad locum inflammationis, quæ & Curtius declarauit, & hi, qui nō animaduertunt, frequentissimè decipiuntur.

*Quarta  
rō Tur.*

SED addit Turinus, cū omnium ferè authorum consensu, vniuersalia quædam auxilia afferri debeant, antequam particularia



cularia & localia afferrantur ; quid prohibebit aliquam, & oppositam venæ sectionem, quæ ante fomenta adhibita sit, ab Hippocrate prætermitti, atq; à nobis in eius oratione subintelligi debere : sed profectò ignorat cur ab Hippocrate adhibeantur fomenta, si nāq; tanta esset plenitudo, quæ necessario vacuationem exposceret, fomenta non adhiberentur, adhibentur verò vt humorem vniuersum insensili distatione discutiamus, vel saltem de plenitudine alia auxilia requirente certi reddamur, quo fit, vt fomentorum vsus curationem vel absoluat, vel tentet, vt alijs postea subsidijs vtamur, atq; hoc quodam Galeni testimonio probari potest, qui Commento xxxi. sexti aphorismorum libri securissimum remedium fomentum appellat, & aliquā omninò afferens vtilitatem, vel tanquam signum dignoscendi, vel tanquam causa sanandi morbi, quo fit, vt & in lateris dolore cum fomenta Hippocrates adhibet, vel plena curatio, vel plenitudinis dignotio debuerit expectari.

LONGE magis errat Turinus, cum ideò oppositam venæ sectionem in lateris dolore præcessisse opinatur, quia & in angina, lippitudineque brachij sectio reuulsiva venarum linguæ vel anguli oculorum deriuatiuam præcedat, nam non sequitur, Diuertendum prius est, quàm deriuandum, ergo oppositæ partis prius vena secanda est, quàm directæ; nam directarum venarum sectiones magnum vsum reuulsionibus præbent. Quòd si in dextræ partis angina per venam dextram cubiti reuellis, quæ ratio est, vt idem fieri non putes in lateris dolore dextro : hæc enim venarum sectiones in eundem vsum adhibentur, quod & ostendit Galenus secundo lib. ad Glauconem, vbi venæ sectionem sub lingua quæ fit in angina correptis, similem esse inquit cucurbitulis, quæ in lateris dolore super affectam partem apponuntur, quo fit, vt & cubiti sectiones, quæ in vtroq; affectu præcesserunt, minimè inter se dissidere possint.

NEC obstat Galeni locus commenti. xix. iij. lib. de rat. vi. acut. morb. quo sexto loco Turinus vtitur, nam inquit, in quacūque inflammatione venæ sectionem pharmacis esse præferendam,

*Quinta  
ratio Tu-  
rini.*

*Sexta rō  
Turini.*



dam, quod si descendente dolore quo tempore pharmacum exhiberi Hippocrates consulit, venæ sectio præcessit, erit profectò non directà, quando de directà ante facta est ab Hippocrate mentio; Sed non animaduertit Turinus binas esse, & in lateris dolore, & in reliquis huic similibus morbis indicationes, alteram, quæ ex humore qui, sanguis est, alteram, quæ ex inclinatione & motu naturæ præsumitur. Humori enim venæ sectio semper competit; naturæ inclinationi nunc venæ sectio, nunc pharmacum; Magnus enim omninò est in omnibus morbis naturæ motus, quo fit, vt sicuti ascendente dolore venam secamus, ita descendente non possimus ab exhibendo pharmaco excusari, quod si alios à sanguine humores educere pharmacum videatur, eligi tamen debet, & Galeni primum consilio primo lib. ad Glauconem, cum inquit nullam vacuationem sanguinis tentandam esse, si febris fluxus ventris est coniunctus, & Auicennæ quoq; qui ventre bis, vel ter fluente, sanguinis missionem omittendam consuluit. Si igitur inferiores corporis partes natura euacuans tentarit, maximum afferremus detrimentum aliò humores trahentes, an verò descendente dolore venæ aliquādo sectio adhiberi possit infra clarius exponemus.

Septima  
ratio Tu  
rini.

Hic quoq; alium Turini cauillum effugere facilè licet, nam si fomenta inanitis corporibus adhiberi debent, videbitur aliqua euacuatio fomenta in totum præcessisse. Nec enim vt antea quoq; diximus fomenta adhiberentur, vbi certa esset plenitudo euacuationem exposcens; adhibentur verò, vt vel modicam plenitudinē dissoluamus; vel aliorum quæ requiruntur subsidiorum certi reddamur.

Octaua  
ratio Tu  
rini.

Quod si Gal. in lib. de cur. rat. per sang. miss. alteras esse inquit initij, alteras status morborum venæ sectiones, non ideo sequitur, oppositam venæ sectionem initio doloris lateris accommodari, nam altera omninò est venæ sectio cubiti, quæ reuel- lit, altera cucurbitularum appositio ad læsam partem, quæ proportionē quadam respondet secundis venarum sectioni- bus, quæ in angina, & lippitudine fieri paulò ante dicebamus.

Nona rō  
Tur.

At verò Turinus inquit, si in renum affectibus remotis in parti- bus



bus venæ reuellentes quæruntur, in proximis autem deriuantes, qua ratione, idem in lateris dolore fieri nō dicemus? Sed tamen errat, primū, quòd librum de renum affectibus Galeni esse putat, qui tamen & christiani authoris est, & à Galeni dicendi modo alienissimi; deinde hallucinatur maximè, quòd loci distantia, & propinquitate reuulsiones, & deriuationes metiendas esse opinatur; nam non ex positu partium, sed ex humorum motu reuulsio, & deriuatio intelliguntur, vt Curtius demonstrauit. & postremò ea adscribit eius libri authori, quæ nec ille quidem somniauit; nam hoc tantū inquit author, forte virtute, venas poplitis, debili, cubiti venas secandas esse; quæ verba Turinus ita accipit, quasi author dixisset, humore fluente venas in cubito, defluxo verò in poplite aperiri; quod si concederetur, nihil etiam inde sequeretur incommodi; nam in renum affectibus, sicut & vtero patiente, reuellimus p venas in cubito dissectas, p venas verò poplitis deriuamus; in his autem affectibus directas semper morbo venas eligimus, non oppositas. In lateris autem dolore, quoniam ex affectus situ varijs venarum sectionibus vti non possumus, vnica duntaxat vtimur sectione, quæ tamen et reuellendi, & deriuandi vsum, vt infra quoq; monstrabimus, præstare potest.

Cum verò non vnicus duntaxat sit reuellendi modus, qui per longitudinem fieri solet, sed alter quoq; per latitudinem corporis, miratur Turinus, cur priorem tantū reuellendi modum, non etiam posteriorem eligamus. sed minus mirabitur postea, cum multa hac de re à nobis dicentur, & id in vniuersum hoc loco animaduerti debet, cum verè vtraq; reuulsio reperiatur, rarò adhiberi quæ ex latitudine intelligitur, sicuti si alterum crus patiatur, quoniam ex ipso patiente sanguis mitteri in initio non potest, alterum eligimus. Quæ verò per corporis longitudinem fit reuulsio, non certis casibus, vt altera, sed frequentissimè fieri debet, quod non poterit à quopiam qui mente valeat negari.

MINVS mirandum est si nrām venæ sectionem, quoniā ad latus quoddam corporis esse videtur, deriuatiuam non appellemus

X. ratio  
Turini.

XI. ratio  
Turini.



mus; nam intelleximus iam à Curtio per eandem directam venam & reuelli sanguinem, & deriuari posse; cum hæ rationes à motu humorum, non à situ partium intelligantur, vt & infra manifestius ostendemus.

*XII. rō. Turini.* Ex his itaq; perspicuum esse potest, quàm vanè à Turino afferatur illa græcorum authorum subscriptio; nam neq; Orisbasius, nec Aetius, nec Paulus Aegineta, quippiam contra nos expresserunt, & quod ait de coxendicum dolore ex Paulo, simile quodammodo est ijs, quæ antea de vtero dicebamus. neq; enim concedere oportet ex sola locorum distantia, vel propinquitate reuulsionem, & deriuationem intelligendas esse, sed ex humorum (vt diximus) motu. Sicuti etiam fatendum est, Arabes authores non admodum à græcis in hoc quo de agimus negocio dissidere, quod planissimè Curtius ostendit. Hæc hætenus pro duodecim rationibus refellendis, quibus quidem confutatis, videamus iam cum in castris eligendis Turinus aberrarit, quidnam possit cum nostras acies nititur oppugnare.

*Prīa solutio Turini.* PRIMVM verò nobiscum sentire videtur in prima solutione, nam fatetur venam directam non posse secari, nisi vicinæ inflammationi partes repletæ sint; hallucinatur verò cum putat illis repletis partibus, fluxoque ad illas humore, non posse id initium affectus existimari; nam Galenus in locis quæ paulò ante attulimus, vicinas inflammationi partes non initio modo, sed ante inflammationis ortum repletas esse fatetur; si igitur repletis vicinis partibus, directam sectionem Turinus approbat, iam velit nolit in nostram sententiam trahitur; neque officiunt ea quæ affert loca, si quidem fatemur. à læsa & repleta parte humorem abducendum esse, quo fit vt vicinæ partes per directam sectionem sint inaniendæ.

*Secunda sol. Tur.* His autem omisis, proluxa satis oratione de fomentis applicandis pertractat, putatque illa adhiberi non posse inchoantibus morbis, & dum humores fluunt; contenditque falsam esse Curtij rationem. Quæ ramen ratio longè secus & poni, & intelligi debet, quàm fiat à Turino; nam hoc pacto adducenda erat. Tunc sanguinem ex directa parte mittit Hippocrates



pocrates, cum dolor fomentis non sedatur, sed pleno corpore & humore fluente tam ad vicinas partes, quam ad locum inflammationis, dolor quandoq; non videtur sedari, ergo repleto corpore, & humore fluente, sanguis ex parte directa mitti poterit. Hæc verò Curtij verba vtcunq; male afferantur, adhuc Turinum vel inuitum cogunt contra semetipsum sentire; nam fatetur directam venæ sectionem adhibendam, cum vniuersus humor ad vicina loca defluerit, licet portio quæpiam ad affectam partem feratur; addo ego hoc tempus initium appellari, tum Galeni sententia libro de vniuersalibus morbitemporibus, tum ipso etiam Turino teste, ad huius initium libri; Itaq; venæ sectio, quæ edirectò fit, & repleti erit corporis, & inchoantis morbi. Sed aberrat adhuc Turinus cum vigorem, & statum morbi ideo existimat appellandum, quia dolor fomentis non sedatur; nam hoc quidem dicendum esset, si nulla doloris alleuatio contingeret; sed secus euenit, & non ita intelligendus est Hippocrates, vt nulla prorsus doloris remissio percipiatur; alleuatur enim ex fomentis aliqua ex parte dolor, licet postea ob humorum multitudinem augeatur, & intensiori modo affligat. Quæ doloris intensio nobis inditium est multo plus humoris attrahi, quam diffilari, quod ferè fit initio morbi, aut prima incrementi parte, tempora certè, directæ venarum sectioni aptissima iudicanda. Si igitur vniuersus humor ad loca vicina defluerit, neq; inflammationis locum sit ingressus, dissoluent illum fomenta paulatim, nisi quicquam ab vniuerso corpore ad illa loca feratur. si verò aliqua iam portio dolorem punctorium faciat, & affectus inchoarit itidem sanare possunt fomenta, dissoluto, qui iam fluxit humore, auulsoque illo, qui inflammata petebat partem. Idem vsu venit in oculorum inflammatione, sicuti Galenus sexto aphoris. libro Commento xxxi. vt antea quoq; monstrauius, testatur; duo nãq; in eiusmodi affectu sunt humores, alter in ipsis oculorum tunicis, morbum faciens, alter qui in adiacentibus oculo venis, continetur; vtriq; verò ex fomētis diffilari possunt, si nihil præterea à capite fluat ad ea loca. Quo Galeni exemplo in dolo-



re quoq; lateris vñ sumus, cū diximus, & lxi loci, & partium vicinarum humores ex fomentis dissolui posse, nisi nouæ fluxiones à reliquo corpore ad vicinas partes descendant. Hanc verò horum affectuum similitudinem peruertere Turinus videtur, illam aliter, & confusius fingens; ait enim simile esse cū in inflammatione oculorum nihil à capite ad oculos fluit, & cū in lateris dolore nihil feratur ad vicina loca, & horum et locorum sit humor dissolutus; quæ similitudo ipsis etiam cæcis dissimillima esse videretur; vt verò omnia in vnum colligamus, dicimus humorem posse, & ad vicinas partes, & ad locum inflammationis defluere, cū fomenta non proficiūt, iccirco venæ directæ sectio, initij morbi subsidium dicenda erit.

*Tertia solutio Turini.*

QVAERENDVM postea videtur, nū initio morbi an post initium dolor lateris clauiculæ communicetur, qua in re, cū Turinus ex studioforum quorundam scriptis, quæcunq; hoc loco affert excerpserit, toto aberrat cœlo; hoc enim sensu scriptum erat, multam humoris copiam in inflammatione contineri, cū non sedaretur fomentis dolor, qui vel superioribus, vel inferioribus partibus, communis esset; cuius rei inditium sumitur ex tensione membranæ costis subtensæ; nam si modica esset humoris quantitas, iam quoq; modicam tensionem fieri necesse esset, neq; dolor alias partes occuparet; sed sola in parte grauitas perciperetur; Qua ratione nos humorem in vicinis partibus contineri iudicamus; modicumque omnino, vel nullum fortè ad inflammandum locum fluxisse. si nāq; multus fluxisset, iam non grauitas modò, sed dolor etiam punctorius, & tensio perciperentur, quæ vel superas, vel infernas partes molestarent; His casibus venam directæ partis aperiendam scriptum erat, nec aliter aut scriptum, aut auditum fuisse dici potest; Non igitur, vt Turinus existimat, ex grauitate sola modicam humoris absolutè quantitatem, arguimus, sed modicam tantum illius, qui defluxit ad inflammatam partem; nam si multa esset, nō modò grauitas, sed tensio quoq; sentiretur, sed ad rem redeamus; Falsissimum est initij tempus præterisse, quando cum grauitate tensio quoq; percipitur



percipitur, nec vlla hoc suadet ratio, nec vsus; nisi initium primum affectus instans intelligatur. Quare primis morbi diebus, & vniuersali etiam initio, & grauitas, & tensio simul adesse potest. Quod verò de fomentis inanito corpori adhibendis Turinus addit, iam ante confutauimus, cum subsidij hoc genus tentandi gratia parandum censebamus; neque illis vsus esset Hippocrates, nisi existimasset aliquando sanare posse; leue quidem nonnunquam auxilium afferunt, sed id tamē præ cæteris tentandum Hippocrates & Galenus consulere.

SEQUENTI quoq; loco minus percepit Turinus Curtij opinionem, cum ipsum repræhendit quasi dixisset ex accessionibus tertianis, quæ in lateris dolore fiunt, argumentū haberi quòd humoris fluxiones nondum firmatæ sint. accessionum .n. inquit Tur. causa non ex humoris motu est per circuitum, sed ex firmati iam humoris proprietate. Qua in re fallitur, nec enim negauit Curtius motum humoris accessionem facientis, illo iam fluxo posse quiescere; sed primis morbi diebus humorem fluere existimauit, qui per directam venæ sectionem debet educi. Quòd verò humor iam fluxus sua natura, & proprietate accessionum circuitus efficiat, falsissimum est, & Galeno extremò secundo libro de febrium differentijs aduersatur; Qua de re aliquot antea mensibus orationem publice Curtius habuit, qua quidem fatuam illam Iacobi, Gentilisq; & quorundam authorum sententiam, explosit, quæ in circuitu accessionum declarando, proprietate humorum nitebatur. Sed aliàs fortasse commodiore loco ea de re pertractabimus, nunc id tantum animaduertisse sufficiat, aberrare quoq; Tur. cum iterum inquit, non sedato fomentis dolore statim adesse morbi; nam hac de re supra egimus, & iam ostendimus cum dolor qui fomentis aliqua ex parte videbatur remitti, rursus intenditur; eo ipso tempore vel directam venæ sectionem, vel pharmacum non expectato statu desiderari.

MINVS effugit Turinus aliud argumentū Curtij, nam cum Galenus xij. lib. de curan. morb. initio statim morbi cucurbitulā applicandam censuerit; sequi inquit Curtius oppositam venæ sectionem non semper esse initio morbi præmittendam; Turinus

*Quarta  
solu. Tu-  
rini.*

*Quinta  
solu. Tu-  
rini.*



nus verò, non de attracto humore, sed de eo, qui dissectis venis sponte fluat, verba se facere respondit, quæ exceptio parum prodest, nam vel attrahantur humores, vel sponte defluant, curatio non videtur mutari, sed fluens humor quomodocunq; fluat reuellitur, & ad motus sui contrarium trahitur. Eadem igitur occurret vena cùm ab inflammatione vel facta, vel futura fluxionem aliò trahere voluerimus: rectè igitur dictum est à Curtio, oppositam venæ sectionem non semper in dolore lateris, Galeni sententia præmittendam esse.

Sexta  
solu. Tu-  
rini.

IN alio quoq; argumento moderando fallitur admodum Turin. nam cùm Curtius dixisset nihil in statu morbi Hippocratis cōsilio mouendum esse, inquit ille, nihil ob hoc Hippocratis dictum obstare, quin in symptomatum statu vena directi lateris secari possit; cùm Hippocratis dictum de eo statu morbi loquatur, quod ad concoctionē essentiāq; morbi refertur, & in ijs præterea morbis verificetur, qui vniuersum humorem ad vnicam expulsionem reseruant, inter quos lateris dolor nō numeratur. Hic verò omissum facio quòd falsissimū sit Hippocratis aphorismum de statu concoctionis verba facere, cùm antea quoq; hoc ostenderimus Galeni testimonio, qui in Cōmento, dolores, & vigilias, enumerat inter ea, quæ quiescendum esse monent; Sed quid dici, aut excogitari peius potest, quàm Hippocratem eo loco loqui tantū de reseruantibus humores ad vnicam expulsionem morbis? legat, oro, Galeni verba extremo libro, qui de optima secta inscribitur, ibi .n. præuū hunc Turini sensum reñcere videtur; nam reddens rationem, cur inchoantibus morbis aliquid moueatur, non verò cùm ad statum peruenerint, hoc ideo fieri inquit, quia morborū initijs virtus fortis est, in statu verò ex summo symptomatum, & causarum vigore fatigata; quæ ratio morbis, etiam per vices humores expellentibus, accommodatur, nisi hos affectus (quod fatuum omninò esset) initijs magis affligere quàm in statu, existimemus. Sed præterea, conuinci etiam potest Turinus suomet dicto, nam concedit pharmacum, & initio ad reuellendum, & in statu concoctionis ad euacuandum, exhiberi posse. Cùm igitur idem sit tēpus



pus secandæ venæ, & exhibendi pharmaci apud Hippocratem, hac sola distinctione ascendens, vel descendens doloris, vena edirectò, ipso statim morbi initio, & in vigore concoctionis, ascendente dolore secari poterit. Turinus ergo sibi ipsi aduersatur, & falsum dicit, cum in symptomatum solum statu directam venæ sectionem, non reliquo statu neq; morbi initijs permittit adhiberi.

IAM verò hoc idē paulò post refertur à Turino, in vigore symptomatum directam venæ sectionem adhiberi; fallitur verò ut prædiximus, nam licet hoc fieri aliquando ob cibandi ægri necessitatem concesserimus, ubi tamen liberè agere permittitur, non est hic status à medico expectandus, sed initio statim morbi, vena edirectò est aperienda.

*Septima  
solu. Tu-  
rini.*

PEIUS est & dubio procul abhorrendum quod sequitur, nam in statu potius morbi, quàm in initijs sanguinē inquit ad animi defectionem vsq; mittendum. Quis enim sanæ mentis, hoc symptomatum statu maximam fatigationem adderet virtuti fatigatissimæ?

*Octava  
solu. Tu-  
rini.*

QVAERIT deinde an in symptomatum vigore cum ascendit dolor, humor, qui vicinas inflammationi venas repleuit, per propinquam loco dolenti venam, educatur? Hic respondere Turinum operepretium esset, num ille humor educatur, quia vigor sit, an quia fluxus; Sed tamen opinor intelligere illum posse nihil fauere tali euacuationi vigorem; immo verò obesse, cum in ipso virtus maximè sit imbecillis. Educetur igitur humor, quia fluxus, nec aliter dici potest; Ergo initio morbi, si contingat humorem ad vicina inflammationi loca defluxisse, & inde paulatim ad ipsam ferri inflammationem, quam dolor ascendens sequatur, vena erit edirectò secanda, quod nunquam hic vir nisi inuitus fatetur. Hic quoq; eadem esset ratio referenda, quam de eodem tempore secandæ venæ, & pharmaci exhibendi supra attulimus; sed quantum licet breuitati potius consulamus.

*Nona  
solu. Tu-  
rini.*

Ex his itaq; patet, fatente Turino, in exhibendo pharmaco duo esse opportuna tempora initiū, cum humor fluit, & status, cum firmatus, & concoctus est; & dicente Hipp. sanguinem

*X. et XI  
solu. Tu-  
rini.*

mittendum



## DE VENIS EDIRECTO SECANDIS

mittendum si ascendat; pharmacum exhibendum si descendat dolor, posse initio morbi & humore fluente sanguinem mitti, quod ipsi lubentes neglecto statu cōcoctionis eligimus; si verò quis idem mittendi sanguinis, & exhibendi pharmaci tēpus non putaret, satis hoc indicant Hippocratis verba, quæ absolutè prolata sunt; inquit enim; Si fomentis dolor nō sedatur, & ascendat, mitte sanguinem, si descendat, exhibe pharmacum, alioquin, si Turino fauisset, dicendum erat, si dolor ascendat, & humor fluxus sit, sanguinem mittas; si descendat, & nondum humor fluxerit, pharmacum dato. Sed multo clarius reffelli potest Turinus Galeni sententia primo libro aphoris: comēto XXII. cū inquit; Tales itaq; humores euacuare conuenit, hoc est, qui agitantur, & de loco ad locum mouentur, ac transfluunt; eos verò qui in aliqua corporis parte firmati sunt, neque alio auxilio mouere oportet, neq; medicari. Hæc Galenus, qui humores iam in parte aliqua firmatos, neq; venæ sectione, neq; pharmacis ducendos voluit, vt missa faciam quæ à Curtio ad hoc ipsum approbandū adducta sunt. Hæc autem ratio, non solum in ijs humoribus intelligitur, qui ad ipsam inflammationem defluerunt, sed in ijs quoq; qui ad vicinas partes; nam illi idem humores, qui vicinas partes replent, rursus ad inflammationis locum fluentes, doloris lateris initium efficiunt, quo tēpore, vt diximus, vena edirectò secanda est: Esse verò id initium ex ante adductis Galeni locis apertè constat, cū docet quonam pacto inflammationes oriantur. Hoc igitur initio, quo à vicinis partibus ad inflammatam partem humor fertur, remedia Hippocratis paranda sunt, adhibita distinctione vel ascendentis, vel descendentis doloris; Putat autem Turinus quia pharmacum exhiberi non debet, nisi fluente, vel concocto iam humore, ideo nec dolore descendenti exhiberi posse, quia humor fluxus est, & inconcoctus. Qua in re decipitur, nam humor, qui in vicinis partibus continetur, non omninò firmatus est, immo verò fluit ad inflammationis locum, quo tempore si dolor descendit, tutò exhibetur pharmacum, si ascendit, vena secatur. Quod verò addit, iij. lib. de rat. iu. acuti. morborum



morborem, præter directam venæ sectionem, alteram Hippocratem præsupponere, chimericum est, & multis iam rationibus à Curtio confutatum.

**A**ERRAT igitur Turinus, & hac in re, & duabus præterea solutionibus, quæ sequuntur, vidisse tamen operæpretium est eam lib. partem, vbi à Curtio quinque priores modi Hippocratem intelligendi refelluntur, ex qua certè, cum multa possunt haberi ad hanc rem intelligendam, tum illud maximè, nihil magis à veritate abhorrere, quàm dicere fomenta, quæ ab Hippocrate præponuntur, reliquis esse remedijs postponenda; ut aliud omittam falsissimum, quod hic inquit venâ directam, vniuerso iam in vicinis partibus fluxu firmato, secandam esse.

XII. C.

XIII. sol.

lu. Tur.

**A**DSCRIBIT verò Curtio errata quædã, atque summam inquit, fomenta trahere adhuc posse, licet corpus plenum non sit; & verum non esse, quod in statu symptomatum maior humoris pars resoluatur, quàm attrahatur, quibus verbis, cum nihil planè contrarium à Curtio dictum sit, sed sint illa quidem efficta, non est quod hoc loco in illis redarguendis elaboremus.

XIII. sol.

lu. Tur.

**C**UM verò Hippocrates non sit complexus vniuersa lateris doloris remedia secundo libro de rat. vi. acut. mor. Sed quarto libro venæ sectionem addiderit, de qua non fuerat in secundo locutus, quid prohibet, inquit Turinus, quin oppositæ venæ sectio xvij. particula. iij. libri intelligatur, præsertim cum venæ sectionem pharmaco exhibendo præponamus? Hic verò lubens admitto sanguinis missionem, præ ferri pharmaco; Sed hanc tamen edirectò faciendam contendo, ut reuellere simul, ac deriuare possit, Hippocratis enim verba, vnâ non binas sanguinis missiones proponunt, quæ non iuuante pharmaco moderatè exhibendum docemur. Quod si opposita ex parte sanguinem primò misissemus, iam in symptomatum vigore altera fieret venæ sectio; vnde non unica, sed binæ factæ essent sectiones; Si verò de curatiuis tantum remedijs, non verò de præseruantibus in libris de rat. vi. acut. mor. Hippocratem locutum fuisse Turinus contendat, & hac ratione de reuulsione, quæ per oppositam uenam fit non fecisse

XIII. sol.

lu. Tur.

D mentionem



mentionem, fallitur admodum; nam Clysteria primis diebus adhibuit, quæ ad præseruationem uidentur attinere.

V. sol. **C**v' M uerò inquit, ad absoluendam doloris lateris curationē, quam secundo libro de rat. ui. acu. mor. Hipp. docet, addi debere Clysteria, sanguinisque missionem, de quibus habetur mentio iij. libro, assentimus profectò; sed cum nullibi de opposita uenæ sectione Hippocrates pertractarit, sequitur in absoluta lateris doloris curatione, oppositam uenæ sectionem non contineri. Cur uerò quodam casu crure uel brachio inflammationem patiente, non è patientibus, sed ex alteris sanguinem Galenus mittat, iam à Curtio satis apertè declaratū est. Fallitur etiam Turinus, cum Hippocratis reuulsionem, quæ fit in angina correptis, opposita dissecta uena fieri suspicatur; nam reuulsiva quidem est hæc uenæ sectio, sed in brachio parti affectæ directo fieri debet; neq; mutanda est in latere dolente curatio; sed (ut antea quoq; diximus) reuellimus, & deriuamus per directam in brachio sectionem, ac deinde cum affectus inclinarit, cucurbitulam pectori affigemus.

VI. so **I**TAQVE si nihil iam è. iij. libro Hippocratis de rat. ui. acu. mor. contra nos afferri potest, sed uniuersa ad nostram sententiam accommodari uidentur, incassum laborat Turinus, cum adhuc aliquid inde quærit, quod contra ueritatem, quæ à Curtio dicitur, adducat.

VII. so **S**ED in intelligendo. xxij. aphoris. vi. libri multis errat modis, primū quidem cum putat uenæ sectionem quæ fit currentibus à dorso ad cubitum humoribus, fluxo iam humore adhibendam, cum Galenus apertissimè dicat; Hippocratis sermonem uerificari, quando humor fluens apparet; deinde fallitur cum illam uenæ sectionem ideo directam non dicendam putat, quia id Galenus non dixerit; nam hoc omninò addi debet, uel enim sit affectus in anterioribus, uel in posterioribus costis, uel pectoris, uel dorsi dolor furculæ cōmuniceť, nihil interest ad sanguinem edirectò mittendum. Præter hæc autem, Galenus in commento rationem reddit Hippocratis dicti; nam inde ducere oportet, quò uergit natura, ergo inclinante ad cubitum humoris motu, uenæ edirectò affecti lateris



teris aperienda est.

**R**VRVS Turinus in loco interpretando primi lib. de rat uir. acu. mor. particula. xxxiij. Curtium calumniatur; Qua de re cum ipsi initio satis superque fuerimus locuti, nihil hic addendum uidetur, nisi forte replicemus, eo tantum casu uenæ directæ sectionem in statu symptomatum fieri debere, quando esset omissa, & cibandi ægri necessitas vrgeret. Sed nec villa reddi potest ratio, cur in symptomatum potius vigore, quam morbi initio venam edirectò secemus, cum utroque tempore humor ad vicina inflammationi loca peruenerit.

XVIII.  
sol. Tur.

**A**T. verò locus sexti Hippocratis libri de vulgaribus morbis, nostram sententiam multò clarius confirmat, quam à Turino euertatur; cum namque Hippocrates pro leuandis doloribus proximos sanguinis ventres secari consulat, quæ fieri potest, quin in lateris Doloribus ipso statim initio eiusmodi subsidiū afferatur, cum præsertim primis diebus maximi dolores excitari possint? Scimus quidem & ipsi, quiescentibus humoribus, è parte proxima faciendas esse vacuationes, idque Galeni testimonio. iij. libro art. medicinalis, ubi & reuulsiones ad longiores quæ possint esse partes faciendas inquit; sed has tamen reuulsiones ad motus humorum contrarium faciendas dicimus, cæterisque seruatis quæ in vniuersis venarum sectionibus præscripta sunt. Quòd autem humor fluens secta edirectò vena, neque reuelli aut deriuari possit, id verò Turinus adhuc non probat, quanquam multis utitur verbis, quibus authorem quendam impudenter, ac perdita opera condemnat.

XIX.  
sol. Tur.

**R**VRVS quoque reuulsuam ex opposita parte venæ sectionem xviij. particula. iij. lib. de rat. vi. acu. mor. contineri putat; atque illud quoque refert, ijs additis, quæ scripta sunt hoc. iij. libro, absolutam lateris doloris curationem. ij. libro tradi; quod & ipsi pridem concessimus; sed tamen ne vnicum quidem verbum de venæ oppositæ sectione apud Hippocratem reperitur, & venæ directæ sectio, Galeni consilio reuellit fluentem humorum cursum, ab inflammatione ad sui motus contrarium auertens.

XX. sol.  
Tur.



CXI. *MULTA* verò sequenti loco effundit verba, sed erroribus adeo  
 plena sunt, ut planè dici nequeat. Id autem mea quidem  
 sententia, maximum ac omninò redarguendū videtur, cum  
 existimat Galenum proprio libro de curandi ratione per san-  
 guinis missionem, quas & quibus temporibus venas secemus,  
 nō docuisse. nā initio statim lib. proponitur, declarandū esse q̄  
 & qbus in morbis venæ secādæ sint; & an vniuersæ nullo disci-  
 mine vniuersis affectibus pdesse possint; deinde adducta à Cur-  
 tio sententia clarè ponitur venā edirectò sectā lateris dolore la-  
 borantibus maximum attulisse subsidiū, oppositam verò vel  
 nullum, vel non nisi magno temporis interuallo. Quæ si mor-  
 bi initio vera non essent, maximam errandi præbuisent occa-  
 sionem. licet enim Galenus initij mentionem fecisse apertè non  
 uideatur, aberrasset tamen, si remedium, quod Turino teste,  
 soli vigori accommodatur, & initio quoq; ( ut inquit ) obest,  
 absolutè prodesse diceret. Item si oppositæ venæ sectio initio  
 iuaret, in vigore obesset, Cur vel non iuare, vel non nisi  
 magno temporis spatio, existimatur? Hic profectò parum  
 exercitatus est Turinus in dignoscenda Galeni opinione, sicuti  
 cum credit librum de renum affectibus esse Galenicum, quo  
 in errore non antea modò ( ut diximus ) sed hoc quoq; in lo-  
 co versatur. Cæterum id iam ex Curtio didicimus, magnū  
 esse discrimen inter oppositi brachij, & directam venæ sectio-  
 nem; metiri enim rectitudinem corporis longitudine oportet,  
 cum quidem dextra dextris, sinistra sinistris respondent; vn-  
 de parte dextra patiente, vena sinistræ partis dissecta non erit  
 edirectò, ut infra etiam ostendemus. Contrarij verò nomen,  
 quod frequenter vsurpatur à Turino in declaranda reuulsio-  
 ne, motus humorum contrarium intelligitur, non pars cor-  
 poris opposita; ita Reulsio de qua loquimur intelligenda est;  
 Deriuatio quoq; non ex humore fluxo iam, & quiescente, ut  
 Turinus inquit, sed ex latere motus humorum dignoscitur,  
 quod enim reuellitur ad contrarium motus, ad eius latera de-  
 riuatur; ut Galeni sententia apertè habet; qui ut hanc rem aper-  
 rius indicaret exemplo vsus est humoris ad palatum fluentis,  
 qui per nares deriuatur v. libro de cur. mor. ut reliqua omit-  
 tam



tam testimonia. Cum verò venæ edirectò secundæ morbi initium, & corpus plenum & humorem fluentem accommodamus, id ratione, vt ante dictum est, efficimus. nam cum fomenta non possunt, hanc eligimus Hippocratis iussu venæ sectionem, ex qua non plenitudo modò corporis emendatur, sed humorum fluentium motus in contrarium statim trahitur; quo fit, vt initio morbi sit adhibita, & vnica dūtaxat ab Hippocrate proposita, quasi optimè & initio affectus & reliquo etiam tempore conueniret. Galenus quoq; .xiiij. libro de curand. morb. edirectò, & inchoante morbo venam secat. Qui in vniuersum in quocunq; affectu plures ac dissidentes venas secare conuenit, quas primùm & quas postea secaremus indicauit; distinctè enim, & tempora, & venas in angina secandas, edocuit. idem fecit in lippitudine, in dolore capitis, in renum affectibus, & hic inflammationis meminit recentis, & inueteratæ, & præterea capitis dolorem incipientem, ab eo qui in vigore est, & ab inueterato, seiunxit, cum hîc aliæ; ibi aliæ, venæ sectiones requirantur. In affectibus etiam iecinoris, lienis, vteri, vesicæ, & coxendicum vnicam semper secandam venam consuluit, vel antiquus vel recens esset affectus, licet in vtero secus sensisse videatur Auicenna. Quæ ergo ratio est, vt solus lateris dolor, sicut & reliqui affectus, quod ad hanc temporis distinctionem pertinet, non curetur? Magno profectò negligentiæ crimine Galenus accusandus esset, si cum tot affectus percensuisset, in quibus quas & quo tempore venas secamus edocuit, lateris dolorem, periculosum alioquin affectum præterisset. Non igitur multæ venarum sectiones (quod Turinus contendit) in dolore lateris fieri debent, sed vnica apud Hippocratem & Galenum proposita est, quæ initio & reliquo morbi tempore conueniat. Sed & ipsum proprijs rationibus vincamus; cum nanq; recenti renum inflammatione venam in cubito secandam dicit, non verò in recenti coxendicis, vteri, vel vesicæ. Quam in vtero secandam dicet? Si enim Galenum sequatur, & hoc proprio libro, & xiiij. de curan. morb. cogitur omninò in recenti vteri inflammatione, poplitis, vel malleoli venam incidere. Hic verò rur-

sus



sus interrogo, num hæc sectio reuulsiva est, an deriuativa, vel utrunq; ? Si reuulsivam dicat, Galeno contradicit, qui in secundo libro ad Glauconem venæ inquit incubito sectionē vtero patiente reuellere, in poplite verò vel in malleolis deriuare; Si deriuativam appellat, iam sibi ipsi aduersatur, qui morborum initio deriuantes venas non secatur; Sed has ad morbi finē, reuellentes verò ad initium accommodat. Demum si hanc venæ sectionem utrunq; subire munus & reuellendi, & deriuandi simul existimat, iam ruere necesse est dogma illud à Turino erectum, & frequenter usurpatum, Nullam venæ sectionem reuellere simul ac deriuare posse.

**XXII.** *sol. Tur.* **NONA** verò declaratione quæ Turinus addit egere non videntur; Si quidem locus Galeni. xij. libro de curand. morb. aperte loquitur de morbi initio, in quo plenum corpus esse non dubitamus. Fatuum verò omnino est, quod Turinus indicaturum se aliquando pollicetur, rectitudinem ex oppositis partibus intelligi posse; nam si dextri lateris cum sinistro, vel sinistri cum dextro oppositionem intelligas, hæc nunquā ad illam rectitudinem de qua Hippocrates & Galenus tractarunt, & quæ in eadem longitudine corporis consistit, referri potest.

**XXIII.** *sol. Tur.* **SED** Curtium adhuc nititur redarguere, primum quidē, quod fluxionem vacuari dixerit, deinde quod locū III. libri de constitutione art. med. firmatā oīnō fluxionem præsupponere nō aduerterit, cū vena edirectō secatur. Curtius verò fluxionem non inquit vacuari, sed id tantū cū fluxiones firmatæ sunt, directam venæ sectionem, ut humor educatur competere; hæc autem vena, quam proximam Galenus appellat, in inflammationis quoq; initio secāda est, ut vniuersalis quædam inflammationum curatio declaretur, quæ reliqua à statu tempora non prætermittat. Cū verò inquit, fluxiones in coxam decumbentes, per politis vel tali venas educemus, intelligi debet, quando fluxus fuerit in coxa firmatus. Quare & quarto libro de curand. morb. vniuersaliter loquitur cū ait. Si fluxio valenter irruat, reuellere ad contraria studebimus, sin restiterit, atq; in membro figatur, deriuare opus est per vicina. Aberrat enim Turinus cū interpretatur fluxionem



nem restitisse, cū nihil præterea fluit, hoc etenim admissio, mā-  
 cus esset Galenus, qui id tantum docuisset quod fieri debet  
 in vehementi fluxu, & quando nihil adhuc fluit ad affectam  
 partem; Quid enim inquam agendum, si fluxio tardè mo-  
 ueatur, & iam aliqua ex parte non vniuersa membrum obfi-  
 deat? Hæc enim fluxio nec valenter irruit, nec cessauit pror-  
 sus, unde longè melior est, & amplior Curtij interpretatio,  
 quàm Turini; si namq; sit fluxio vehemens reuellemus in cō-  
 trarium, si restiterit .i. non adeo valenter, sed tardè mouea-  
 tur, & iam in membro sit firmata, vel quippiam fluat adhuc,  
 vel non fluat, deriuandum dicimus per vicina. ita verius, &  
 vberius Galeni sententia intelligetur, & ad fluentium hu-  
 morum, quiq; fluxerunt modos adaptabitur, qui modi non  
 per duo, vt Turinus voluit, sed vt Curtius docet, per tria quæ-  
 dam tempora declarantur; nam cū primo tempore humor  
 fluat, nec ad huc ad passuram partē deuenierit; secundò verò  
 adhuc fluat, & in ipsa parte iam figatur. & tertio præterea in  
 membro fixus sit, & firmatus, primi temporis tertijq; men-  
 tionem fecit Turinus, omisit verò secundum, quod tamen  
 ad hanc rem perfectè intelligendam requiritur. Si verò fluē-  
 tem humorem absolutè reuelli ad contraria Galenus voluif-  
 set, non addidisset id verbum valenter, sed dixisset tantum  
 cū fluit vt Turino faueret, qui fluentem absolutè humo-  
 rem reuelli vult, & illum qui penitus fluxit, deriuari.

IN verbis quoq; tertij lib. Medicinalis artis interpretandis, lon-  
 gè magis aberrat; cū namq; Galenus inquit, aut reuellendum  
 est, aut certè deriuandum, putat Turinus non posse redargui  
 qui sermonis disiunctim prolatis, quam malit partem elegerit,  
 ita deriuatione omissa suscipi posse reuulsio videbitur. Sed fal-  
 sum hoc est, & huic planè simile, si quis cū Galenus diceret  
 vel sectione venæ, vel pharmaco curandum, proprio capi-  
 te, nullaq; ratione, quam malet curandi rationem sequeretur.  
 Itaq; , & ipsi fatemur Galenū ibi voluisse, vniuersum aliquan-  
 do corpus euacuari, aliquando verò omissa vniuersi corporis  
 vacuatione, solam adhiberi reuulsionem. Si affectus magnus  
 sit, & repletū corpus, totius euacuatio primū fiet, sin affe-  
 ctus

XXIIII  
 sol. Tur.



ctus minor fuerit, neq; plenitudo multa, sola reuulsio adhibe-  
bitur. exiguus enim adeo nonnunquam color lateris est, vt solis  
fomentis curari possit, in hanc ergo sententiam illa Galeni  
verba sunt intelligenda: Falliturq; adhuc Turinus, cum ver-  
ba Gal. quæ disiunctim iacent, copulati interpretatur, & id  
verbum, aut, pro deinde, poni contendit; verba enim mani-  
festè extorquentur; atq; licet certis casibus vniuersum prius  
corpus euacuemus, deinde reuellamus, repellamusq; præte-  
rea, ac tandem dispergamus, non tamen hæc omnia semper  
fieri oportet, vt ex Galeno potest intelligi, qui ad affectum  
sanandum, solam nonnunquam reuulsionem sufficere posse  
inquit. atq; si ille ordo actionū semper seruandus esset, omni-  
nò redargueretur Turinus, qui morbi initio per oppositi  
lateris venam sectam semper reuellit, operatur enim contra  
Gal. mentem, qui vt ipse inquit, totum prius euacuare docet;  
deinde ad contraria reuellere.

**XXV.** FALLITVR quoq; in interpretando Paulo, nam putat illum non  
*sol. Tur.* morbum quidem, sed dolorem curare, maximum præfer-  
tim, & qui sit in statu cum directam adhibet venæ sectionem.  
Hic verò miror primū cur tot præclarissimos authores calu-  
mnietur, remediaq; quæ ipsi in vniuersum, & statim facien-  
da docēt, ad solum morbi statum velit coarctare. deinde, vt  
omittam Hippocratem, & Galenum, si Pauli verba II. libro  
legantur, Turini apertè redarguetur opinio; vult enim Pau-  
lus citissimè sanguinem mittendum, non verò statu expecta-  
to, ac præterea rationem reddit cur citò admodum sanguinem  
mittat, vt .s. securè vtamur repellentibus, quæ ratio statui  
morbi conuenire non potest, quo tempore nulli medici repel-  
lentibus vtuntur. præter id, quòd Galenum sequitur, & ab  
ipso verba videtur exscribere, cum in tertio libro Medicinalis  
artis totum corpus primò docet inaniendum, ad hæc ambo. i.  
vt euacuatio, & retrocessus fiant. & multò clarius III. com-  
mentario ij. libri de vulgar. morb. in interpretatione v. ægrī.  
post tempestatem. Sed agè verba Pauli referamus. cum  
„ ( inquit ) doloris causa extrinseca non est, considera ac per-  
„ pende acuratiùs uictus rationem præcedentē, num ignauior  
minorq;



„ minorque sit, quàm pro consuetudine recepta, aut cibis pluri-  
 „ bus maximeque nutrientibus æger vsus sit, aut euacuatio so-  
 „ lita remoretur; nam si quid horum, aut omnia simul ap-  
 „ pareant, exuperantiam affluentiamque doloris causam puta-  
 „ bis, & proinde quàm fieri potest citissimè hominem euacua-  
 „ tione exonera. Hoc enim modo licebit tibi, ipsæ quæ dolentiū  
 „ partium fluxus repellunt, summa uti cum securitate, si qui-  
 „ dem sanguis naturæ modum superet, vena continuò secanda  
 „ est affectam propè particulam. Hæc ille, quæ vel cæcis qui-  
 „ dem remedia citissimè, & ante morbi statum paranda  
 „ viderentur.

SED omisis græcis, cum Curtius pio quodā officio Arabū au-  
 thorum placita cum veritate concordasset, hic etiam carpitur  
 à Turino, & primùm in Auicennæ opinione, qui cum aper-  
 tè venam pedis, quam Saphenam dicit, in lateris dolore se-  
 cari consulat, non potest nobis non aduersari, qui huius secā-  
 dæ venæ nullam omninò facimus mentionem. Hic verò re-  
 ctè, ut opinor, respondit Curtius, eam venæ pedis sectio-  
 nem non ad curationem, sed ad præseruandi munus pertine-  
 re. Sed dictio illa, oppositum, aduersum nos esse videtur,  
 perperamque à Curtio interpretari, quasi oppositum idem  
 quod directum significet; Sed hoc tamen Curtius non dixit,  
 immò verò triplicem nouit oppositi significationem, quæ tri-  
 nam corporum dimensionem respiceret; inter has verò signi-  
 ficationes ea quæ est per longitudinem oppositio, directæ ab  
 Hippocrate, & Galeno dici solet. Quòd si Auicenna oppo-  
 sitam etiam dextræ & sinistræ partis intellexit, possintq; ve-  
 rè certisque casibus inter hos terminos reuulsiones reperiri,  
 frequentior tamen est directæ illa per longitudinem reuulsio;  
 rara admodum posterior, & quæ ferè nunquam, ut declara-  
 bimus, adhibetur. Non igitur Curtius idem esse oppositum,  
 & directum apud Auicennam existimauit, sed hoc tantum  
 voluit, cum trahendum ad oppositum in libris arabum lega-  
 tur, idq; verbum absolutè prolatum sit, intelligi debere de  
 ea quæ est per longitudinem oppositione, quasi hæc oppositi  
 significatio potior sit, & vsitatior. Qui verò dextræ, ac si-

*Prima  
 Tur. re-  
 spon. pro  
 Auicē.*

E sinistra



## DE VENIS EDIRECTO SECUNDIS

nistræ partis oppositionem semper intelligunt, hallucinari.  
 Hanc Curtij opinionem Galenus primùm comprobat, quin-  
 to libro de curan. morb. & Auicenna quoq; prima, nona, & vi-  
 gesimaprime partibus. iij. libri. Sed alio rursus argumento Tu-  
 rinus instat, putatq; non posse directum cum opposito con-  
 uenire, quoniam cum quarta parte primi libri inter quatuor  
 conditiones quæ in sanguinis missione qualibet seruari solent,  
 vna sit quæ directæ, alia quæ oppositæ partis rationem habē-  
 dam velint, non videntur idem esse posse oppositum, & di-  
 rectum. At qui dissident profectò directum ac oppositum;  
 sed non ita tamen intelligendus est Auicenna, vt sicuti in  
 mittendo sanguine rectitudo seruetur, ita seruanda sit opposi-  
 tio, nec enim hoc dicit, nec tam absurdè sentire potest; Sed  
 hoc loco opposita pars intelligenda est, quæ altera sit diuer-  
 saque; nam non debet ab ea ipsa quæ afficitur parte sanguis  
 mitti; sed altera querenda est, quæ aliqua oppositionum præ-  
 dictarum opponatur, inter quas rectitudinem dicebamus esse  
 præcipuam. Sunt igitur in mittendo sanguine quatuor con-  
 ditiones attendendæ. Prima est partis diuersitas, quæ, & op-  
 positio (ne de nomine contendamus) dici potest; secunda af-  
 finitas, tertia rectitudo, quarta opportuna distantia, quæ in-  
 ter se dissident, & à Curtio declarantur. Alter verò locus  
 prima parte. iij. libri, nostram sententiam confirmat, neq; reij-  
 citur à Turino. Putat enim Curtius oppositi siue contrarij  
 verbum idem quod directum aliquando significare, idq; Aui-  
 cennæ testimonio, qui adducto iam loco ita inquit. Et cadat  
 in contrario partis capitis; vbi de contrario secundum rectum  
 Iacobus Foroliuiensis magnus quantum sua ferebat ætas me-  
 dicus, interpretatur. Non igitur ignorauit Curtius contrarias  
 inuicem esse anteriorem, & posteriorem capitis partem, sed  
 contrarij verbum aliquando secundum rectum exponi voluit,  
 quod iam testimonio Iacobi comprobauimus. Sed iam ad ip-  
 sa Auicennæ verba accedamus, in quibus intelligendis lis  
 versatur. Inquit. Ex rebus communibus est phlebotomia. i.  
 sanguinis missio per venæ sectionem; Hoc idem & Curtius  
 fatetur, Cum verò & magnæ venæ secari possint, & multæ  
 quædam



quædam parue scarificari, Turinus scarificationem quæ fit cum oppositæ sunt cucurbitulæ, commune remedium esse negat, idq; fingit non agnouisse Curtium, qui tamen sanguinis missionem commune remedium appellauit. Vbi verò cucurbitulæ ab Auicenna excludantur, erit sanguinis missio commune dubio procul remedium in pectoris & pulmonis inflammationibus. Addit Auicenna; Sed in principio ex latere diuerso, inquit verò Turinus hic Curtium interpretari, i. non à loco læso; quod falsum est, si eius liber legatur. Miratur deinde cur Curtius dixerit quosdam morbi initio Cucurbitulas dolenti loco affixisse, & tamen qui nam hi fuerint, ibi quoque declaratur. Sed demus Turino, ea verba ex diuerso, idem quod ex opposito significare; quid enim consequetur? nam vt ille, secundum latitudinem, ita nos secundum longitudinem id oppositum intelligimus; illa verò verba; Et magis festina ex saphena, vera esse dicimus in præseruatione. Vnde iure omnes condemnari debent, qui initio morborum remotas & nihil iuuantes venarum sectiones aggrediuntur. Omitto dicere, quòd eodem capite, & curatio, & præseruatio tradi possint, quod iam Curtius indicauit. Id verò videndum magis, num distantes venæ præseruationibus, proximæ curationibus propriæ sint, hoc enim putauit Curtius, cui aduersatur Turinus; nam in podagricis eadem videtur esse vena secta cum præcauemus, & cum curamus. At hic Curtij opinionem nō intellexit; In præseruatione enim distantes venæ secari debent; sed tamen primū reperiri illas oportet, aut nihil ob stare quominus illas secemus; Exemplo sit dolor capitis, in quo venæ crurum præseruandi gratia secantur, cubitorum autem curandi; Hoc idem in podagricis fieri deberet, sed proxima caremus vena, nisi quis in ipsa affecta parte secare vellet, quod fieri non potest ob illam rationem, quia proximæ quidem venæ, non verò ipsius affectæ partis secandæ sunt. Hic igitur vnica erit vena distans, qua podagricos curemus, & ab affectu præcaueamus, idque fiet nobis inuitis, qui proxima caremus vena magna, magnam dico quoniam è paruis nil mentione dignum educi, Galenus putauit. Cum igitur in lateris dolo-



re partes illæ in quibus magnæ venæ secari solent , affectu libera sint , poterit vtrique præservatio in pedibus , & curatio in cubitis disiectis venis tentari , & variæ omnino venæ erunt curandi affectus , & præcauendi . Sed ad Auicennæ verba redeamus . Et post ipsam de basilica opposita in latitudine .i. ab eadem parte ; hanc interpretationē adscribit Turinus Curtio , qui tamen proprio libro aliter exponit , nec etiam iure reprehenditur , si quidem oppositum in latitudine , & in longitudine , in eadem dextra vel sinistra parte intelligantur , nam dextra ipsa pars latitudinem propriam habet longitudinemque & profunditatem , quarum singulæ duobus oppositis terminis continentur , ac sit ex duabus latitudinibus vna latitudo , sicuti ex duabus partibus vnum corpus . Quid ergo prohibet quin ipsi Auicennam cum Galeno & Hippocrate conciliantes , oppositum in latitudine , in eadem latitudine dextræ vel sinistræ partis oppositum intelligamus ? Sequitur Auicenna ; Deinde post aliquos dies ex latere contrarietate in latitudine scilicet mittatur sanguis ; Exponit Curtius hoc fieri cucurbitulis affectæ parti affixis ; sed obstare videtur Auicenna , qui postea inquit ; Et quandoque ponuntur ventosæ supra pectus cum scarificatione , etiam ita ut attrahatur materia ad exteriora , & minoretur , & proprie cum præmissa sit phlebotomia . Si ergo hic de cucurbitulis loquitur , quo modo supra alia de re non erit intelligendus ? Hic dico potuisse Auicennam bis de cucurbitulis mentionem fecisse , nec hoc inconuenit , immò varias ob causas , & primum , & postea affigi possunt ; Prioribus igitur cucurbitulæ iam fluxo humore , & morbo inueterato conueniunt , humoremque educunt , qui in affecta parte continetur , posteriores , initij morbi sunt , & fluentis humoris , qui hoc modo nonnunquam reuellitur , ut Alexander Trallianus est author . erit ergo sensus , Quandoque .i. cum multa non est copia sanguinis , ponantur supra pectus ventosæ cum scarificatione , ut materiam diuertamus , & propriè cum sanguinis missio præmissa fuerit . Et hoc pacto Auicennæ opinio cum clarissimorum virorum scriptis conueniet . Turinus verò inconstans omnino est , nam inquit sanguinem qui in colore mu-

tatur



catur omninò è vena affectæ parti directa vacuari, sed tamen præintelligi reuulsiones debere, vt. s. primò mittatur sanguis ex pede, deinde ex affecta parte, si prior missio non sufficiat. Sed cur Auicennæ decretum non seruatur; qui se teste, sapientiam prius, deinde oppositam, demum affecta ex parte venam secat? si verò hoc fiat, quantæ fient missiones sanguinis? Quàm etiam perperam intelligetur Auicenna, qui sequenti capite eandem venam eadem parte vbi prius secta fuit, docet aperiendam? Sed & venæ vulnus oleo et sale præparari docet, vt sanguinis missio reiteretur; non ergo multæ missiones sanguinis adhibendæ sunt; sed in pede, vt diximus, præcauendum est, & incipiente affectu vena secundum rectitudinē opposita eligitur, è qua semel, aut iterum sanguinem auferemus; demum cucurbitulæ affectæ parti affiguntur, ita Auicenna à sapientum decretis non recedet.

AD Auenzoar accedamus, qui & ipse sibi patrocinari creditur à Turino; in quo intelligendo primùm quærit Turinus qua in re, vt Curtius inq̃t, Auēzoar à quibusdā medicis dissideret? Hoc verò dissidium non aliud erat, quàm quòd illi rectitudinem non seruari, nec vilius esse ad sanandum momenti credebant, at Auenzoar contrà, & seruandam, & maximi faciendam consulebat; Nec enim solam superioris inferiorisq; contrarietatem sufficere, sed rectitudinem adhuc & affinitatem in secandis venis requiri. vnde in capitis affectibus cephalicam, quam nos humeralem appellamus, secandam docet, directam certè, & communicantem; priores verò medici rectitudinē, quæ communicantiam, & propinquitatem dicit omittebant, & seruata duntaxat superioris & inferioris contrarietate, venam mediam, quam medicorum vulgus communem appellat, in affectibus capitis secabant. Cùm verò infert Turinus idem non esse directum, & oppositum, rem proprio capite effingit, & refellit; nec enim alius præter Turinum hoc affirmavit; lōgè verò magis increpandus est, cùm in vteri affectibus brachij venam directam, oppositamq; dici fatetur, pedis verò directam quidem, sed non oppositam; nam quæ ratio discrepantiæ potest esse? vt enim vterus brachio collatus deorsum est,

*Cōcordia  
Auenzo  
ar cum  
Græcis,  
male dā-  
natur à  
Turino.*



& oppositus ; ita si conferatur cum pede , sursum , & oppositus erit ; Accedit quòd in chiragra affectis , venæ pedum initio secantur ; erunt igitur manibus pedes oppositi , Turino esse consentiente , qui oppositas venas morborum initijs secandas iubet . Pedes ergo ita vtero opponentur sicuti manibus , nec villa in re videbuntur differre , præterquam distàtia , quæ maior multò est inter pedes & manus , quàm inter pedes & vterum ; Quòd verò inchoantibus vteri morbis , pedum vena secetur , id apertè Galenus inquit . xiiij. libro de curandis morbis ; Non igitur effugiet Turinus , quin pedes vtero oppositos fateatur , si morborum initijs oppositæ semper venæ suo consilio secandæ sunt . Ludit autem Turinus cùm idem videri inquit , si quis oppositum directum dicat , & Deum Diabolum appellarit , nam quo sensu directum quandoq; dici possit oppositum , supra docuimus ; quod idem directum Hippocratis & Galeni consilio , & natura præterea , quæ primus est medicus , consentiente , commendatur . Fuisse verò medicos qui morbi initio cucurbitulas affixerint , antea quoq; meminimus , cùm Auicennæ verba , ad Alexandri Tralliani sententiam Græci , & nobilissimi medici reduceremus ; Scarificationem quoq; minuitionem appellari Curtius ostendit , quam certè missionem sanguinis cum cucurbitulis Galenus appellauit . lxxviij. Commento quinti libri aphorismorum . Sed hæc missa faciamus , cùm à Curtio fusius explicentur .

Concordia  
Rhazis ,  
cū græ-  
cis perpe-  
rā cōfuta-  
tur à Tu-  
rino .

IN Rhazis quoq; concordia cùm Curtius ea verba interpretatur , Ex contraria parte in qua est oculus infirmus .i. ab eadem parte , repræhenditur à Turino , sed perperam ; nam ea pars in qua oculus est , dici potest contraria in qua est oculus infirmus , si contrarium secundum rectitudinem intelligatur . At inquit Turinus idem videbuntur esse & contrarium , & idem latus ; cùm igitur rursus in lateris dolore , qui à sanguine fit , venam oppositam Rhazis secat , cur hic rursus de contraria secundum rectitudinem non intelligitur ? Ego verò primum dico non dixisse Curtium idem esse contrarium , & idem latus . Et deinde id animaduertisse in Rhaze exponendo , Rhazim venam directam in bilioso lateris dolore consulere secandam ;



in eo verò qui fit à sanguine venam primùm alterius brachij, deinde directam, vnde apertè liquet, oppositam in parte nō affecta non esse semper secandam, vt Turinus arbitratur; nisi Rhazim quoq; in bilioso morbo de statu tantum loqui putet, in sanguineo de statu, ac initio, quod omninò absurdum esset. Quòd si dicat alteram oppositæ partis venæ sectionem præsupponi in affectu qui fit ex bile, fallitur etiam; nam ratio reddi non potest, cur eodem loco vbi de vtroque lateris dolore habetur mentio, alterum altero absolutius curaretur; Sed] & idem Rhazis. ix. libro qui inscribitur ad Almanforem, venam ab eadem parte secandam docet, nisi multo sanguine corpus abundet, quod exponi debet, cū affectus à sanguine oriatur, vt à Curtio didicimus. Errat verò Turinus, cū putat corpus repletum esse non posse, nisi lateris dolor ortum ducat à sanguine. Sed hæc missa faciamus, & illa præterea, quæ aduersus Haliabatis opinionem Turinus affert, quæ cū exactè ex Curtij verbis refelli possunt, ad solutiones rationum Curtij, quæ à Turino allatæ sunt accedamus.

PRIMVM verò deridendum est figmentum quoddam Turini, quo ex tribus corporis partibus amplis quidem & capacibus, quas ventres appellat, reuulsiones ac deriuationes in morborum curatione variandas esse putat, pro ea quæ est inter ventres hos varietate. Hæc enim cū ex multis quæ supra diximus confutari possunt, tum ex Galeno præcipue, qui. xij. libro de curan. morbis, vbi iecur, pectus, pulmo, & cor inflammationem pati inceperint, eandem venam secandam monet; non ergò ob infimum iecinoris, & medium præterea cordis, & reliquorum ventrem, quod ad secandam venam attinet, varia debet esse curatio.

IN secunda verò ratione cū Curtius venæ sectionem quæ fit in angina, cum ea quæ fit in dolore lateris contulisset, dissimilem prorsus putat Turinus esse similitudinem, ea præsertim ratione, quòd alia distantia est venæ humeralis & anginae, alia internæ & lateris doloris. Hæc verò nulla prorsus videtur esse varietas, cū internæ venæ ortus tantum distare à dolentis lateris loco possit, quantum humeralis ortus ab angina; va-

*Prima  
sol. Curtij  
rationum  
diluitur.*

*Secunda  
sol. Tur.*



## DE VENIS EDIRECTO SECANDIS

rijs enim pectoris locis, dolor lateris oriri potest, & quandoq; ita potest ab internæ venæ ortu distare, quanta est colli magnitudo, quæ inter anginam & venæ humeralis ortum continetur. Mitto quòd à cubito ad anginæ & dolentis lateris locum eadem ferè intercapedo loci videtur, quo fit, vt eisdem saltem modis, si non venis, vtriusq; affectus reuulsiones, & deriuationes fiant.

**III. sol.** **D**YPLICI deinde fundamento tertiam Curtij rationem refellere nititur, primùm quòd particularis est casus materiam dicere pro parte fluxam esse ad vicinas inflammationi partes, antequam fluat ad inflammationem; præterea quòd ex adducta Gal. auctoritate parum est omninò quod initio affluxit. Cui respondemus, Galenum voluisse non quodam casu, sed in vniuersum in omni inflammatione facienda, venas vicinas repleri, priusquàm humor ad ipsum locum inflammationis feratur. Quòd verò parum initio affluerit, id si de loco inflammationis intelligatur, verè dicitur, si de locis quæ inflammationi circumstant, multis Gal. locis quæ ante adduximus refelli potest; Qua de re verba facere necesse non est, nobis præsertim, qui directam venam secamus, cùm circumstantes inflammationi partes repletæ sunt.

**IIII. so.** **C**UM verò quartam Curtij rationem non refellat, sed aliquid in eam se dicturum aliàs profiteatur, videamus quid dicat ad aliam, in qua certè mirum videtur, quòd adscribat magnum quoddam erratum Curtio, quod ne quidem somniauit; nam inquit Curtium voluisse reuulsionem fieri ad motus humoris contrarium, euacuationem verò læsæ partis, ad partis contrarium faciendam; Fuit autem Curtij sententia, vt cùm humores ad loca contraria trahuntur, reuelli quidem dicantur, si ad motus contrarium sint tracti; in hac verò ad motus contrarium tractione, quādoq; à læsa parte euacuationem fieri contingere, quandoq; minimè; quæ verba à nemine sanæ mentis negari possunt, sicuti nec illa, cùm eandem venæ sectionem dicebamus reuellentis simul, & deriuantis nomen subire posse. His verò omisis, multas eligit conclusiones Turinus, quas nullo seruato ordine modò confirmat, modò refellit. Sed vt

lectores



lectores rem clarius intelligant, liber mihi initio à prima factō, reliquas sub solutionum nomine subtexere, & illas quidem quasi ad quinque superiores apponere.

PRIMVM verò contendit Turinus venæ sectionē incubito quæ fit in lippitudine affectis, reuulsuam esse, licet non hoc tantum sed deriuatiua etiam dicatur à Curtio; Cum igitur utroque consentiente reuellat, qua ratione id faciat Turinus querit, non videtur autem reuellere, inquit ipse, quia à primo ad mediū ventre trahat, nam potius ad extra trahit; neque quia ad contrarium motus humoris (ita enim à sursum deorsum trahimus, ut humor à suprema capitis parte tendit ad oculos) ergo reuulsua erit, quia ad contrariam trahit partem; Sed hoc planè somnium esse videbitur, si ea ad memoriam reuocemus, quæ de reuulsione ad motus contrarium dicta sunt; Præter hoc autem refelli potest, quia si hoc ita haberet, venarum sectiones quæ vtero patiente in poplite, vel malleolis fiunt, reuellentes appellari possēt, cum ad partem contrariam humores trahant; non minus enim sursum est vterus si conferatur cum pedibus, quàm sit caput respectu brachiorum. Si uerò reuellentes dicantur, iam planè à Galeni placito discedemus.

*VI. sol.  
Tur.*

Nonnullæ postea afferuntur authoritates à Curtio, quas effugere videtur Turinus hac ratione, quòd humorem iam fluxum esse supponunt; Eius autem opinio in fluentibus humoribus verificatur. Sed multa hic memoria repetere oportet, et illa maximè quæ diximus de fomētis quæ, in fluentibus etiā humoribus, & adhiberi, & sanare possunt; Item repellentia initis tantum morborū apponuntur. Et cucurbitula quoque, non secundum reuulsionem, sed per solam partis euacuationē, ægritudine aliquando liberauit. In moribus etiam canum ad quos humores omnes feruntur, à fixa cucurbitula sanari homo potest, etiam si nulla humorū reuulsio præcellerit. Quare fallitur Turinus, qui reuulsionem præcessisse ante partis vacuationem in quolibet affectu, existimauit. Item fallitur cum si à dextra parte humor ad sinistram feratur, humorē ad dextrā reuellendi gratia trahendum putat, ita enim ad motus contrarium trahi videtur. Falluntur quoque, & Benedictus Victorius,

*VII. sol.  
Tur.*



## DE VENIS EDIRECTO SECUNDIS

& Victor Trincauellius hac in re, & reuellendi modum videntur ignorare; nam humor ad eam partem trahi non debet unde primò discessit, sed sola duntaxat tractio ad motus contrarium in reuulsione requiritur. Quòd autem dextra vena in dextro dolore lateris magis ad contrarium motus trahat, & reuellat, quàm sinistra, id Hippocrates, & Galenus multiq; præclarissimi viri crediderunt, & optima sanè ratione, vt probauimus. Sed præter hæc, ortus ille inflammationum, de quo antea locuti fuimus, ad memoriam reuocari debet, in quo quidem maiores primùm venæ, deinde minores, & demum læsa ipsa pars repletur, hic enim si retrahere humores velimus, vena edirectò secta, vicinas inflammationi venas vacuamus, in quas paruarum humor retrocedit, & is demum reuellitur, qui ad inflammationem fluebat, sed hac de re cùm negotiùm erit cum Vesalio, diligentius pertractabitur.

III. so.  
Tur.

Ex his ergo corruere videntur quæ postea Turinus supponit, nō enim ad motus ortum humor trahendus est, cùm reuellitur, sed sufficit quòd ad contrarium motus ducatur. Sed instat Turinus, si retrocessus fieri debet ad longinquam partem, cur non magis distans vena quàm proxima dicetur eligenda? Hic verò non negamus, quin si fieri posset distantissimam ad partem reuellendum esset, sed hoc dicimus aut fieri non posse, aut rarò, aut magno fieri cum detrimento; atq; non ob hoc reuulsio tollitur, quæ proximè fit, sed omninò reuulsio dici debet, si retrocessus fiat, isq; vel ad proxima, vel ad longinqua fiat reuulsionis nomen meretur. Cur verò in dolore lateris sanando, proximas magis quàm remotas venas eligamus, ratio redditur à Curtio, ea præsertim, quòd nimiam sanguinis copiam educere oporteret, si reuellere per distantem venam vellemus, præter id quòd Hippocrates, & Galenus aliquid etiam initio à læsa parte educere consuluerunt, quod fieri nequit nisi in affectibus proximas semper venas secemus, præsertim si nil rectæ huic rationi obsistere posse videatur.

IX. solu.  
Tur.

SED obiter ea etiam refellenda sunt, quæ hic in authorem quendam dixerunt, qui asseruit morbi iudicium ac permutationem

quæ



quæ fit à natura secundum directam partē omninò fieri; Contra Turinus id quidem nonnunquam fieri dicit, sed non eo tempore quo in permutatione morbi, ab vna ad aliam partem directam, humor à parte vel à toto ad aliquod membrum expellatur. Quæ verba expressè aduersantur Hippocrati, qui. vi. libro de vulgaribus morbis aphorismo. vii. secundæ partis rectè factum esse inquit, cum dextra angina in dextrum lateris dolorem permutata sit, quòd si in sinistrum migraret, iam non esset angina in dolorem lateris permutata, sed id à nouo humore factum esset; quoniam natura è dextra ad sinistram partem non expellit, sed ab eadem ad eandem. Quare & ipsi dicemus venam secundum rectitudinem secundam esse, cū à læsa parte aliquid educere voluerimus, atque hoc alia præterquam directa vena fieri nequit, vt dictum est. Accedit quòd non solum reuellere in dolore lateris intēdimus, sed à loco affecto trahere, vt Galeno pareamus, hoc idem secundo libro de rat. vi. auct. morb. Commento decimo consulente. Itaq; vnicam adhibemus venæ sectionem Galeno teste, è qua cito à læsa parte humor educitur, qui iam ex parte fluxus, alium ad se doloris, calorisq; ratione aduocabat.

Cum verò inquit Turinus Curtium voluisse ex Gal. quoq; testimonio, libro de reuulsione, humorem qui à dextra parte fluit, trahendum esse ad sinistram, figmento prorsus vtitur; nec enim ita iacent Galeni verba, nec ita Curtius locutus est, sed hoc potius modo; Cum humor ad dextrum fluit, ad sinistrum trahatur, nam ad dextrum fluere dici non potest, nisi fluat à sinistro. si enim humor à iecore ad dextram pectoris partem feratur, ob dictam causam non dicetur ad dextrum fluxisse, cum, & id pectoris latus, & Iecur in eadem sint dextra parte, hic autem motus non ad dextrum, sed sursum versus fieri dicendus esset. Et si verò Galenus, humorem ad dextrum reuelli dicat, qui à dextro ad sinistrum fertur, attamen cum rarò admodum hi fluxus fiant, qui dextræ, & sinistræ partis terminis cōtinentur, cumq; nulla sit inter has partes rectitudo, nullaq; affinitas, non videtur nostra ratio, vt & antea diximus, reprehendi posse, si quidem ad motus humoris op-

X. sol.  
Tur.

F 2 positum



positum verè reuellimus, atq; magnis euacuatis venis, paruas quoq; inanimus, quadam humorum successione; Et derivationem quoq; vnà cum reuulsione effcimus, aliaq; permul-  
ta, quæ iterum referre non oportet; Neque Galeni regula in paucioribus videbitur verificari; nam fatemur humores omnes fluentes ad oppositum semper reuellendos esse. Quòd si rara quædam dextrarum & sinistrarum partium oppositio reperiatur; hinc fieri non potest, vt Galeni regula falsa dicatur; nulla etenim veritas ex ijs quæ rarò accidunt impeditur. Et vera est defectus lunæ causa, etiam si rarò contingat; ita nos ad oppositum reuellendum esse consulimus, ramer si motus quidam vel exilis vel rarus, inter dextram & sinistram partem contingat.

**XI. sol.** **Tur.** **SE** D. cum illo postea fundamento Curtius vsus esset, quòd dolor statim remoueri, vel mitior reddi debet, idq; melius fieri per venam directam, quàm per oppositam, occurrit Turinus, atq; inquit, paruum initio dolorem esse, magnam verò plenitudinem; illo igitur omisso hanc auferendam, tanquam præcipuam fluxionis causam, opinatur. Sicuti & in febribus, si paruus adsit calor, illo prætermisso ad obstructions remouendas accedimus, quibus remotis, febres ex sese sanari solent. Hic verò paucos omninò dolore lateris ægrotantes Turinus se vidisse indicat; nam vniuersi ferè primis statim non diebus modò, sed & horis, intensissimè affligi solent, & cruciari. Sed demus paruum etiam dolorè esse; non ne & ex ipso quoque paruo, non modica fluxio excitabitur? Testis planè Galenus est. v. libro de curan. morb. cum inquit nihil posse inflammationes augere, & fluxiones excitare valentius, ac facit dolor. Hoc idem verò & in paruulo aliquando vlcere conspeximus, quod magnas ad sese fluxiones trahebat, præter id quòd curationes ab his quæ magis vrgent inchoandæ sunt; quod testatur Galenus. vii. libro de curan. morb. & alibi, & Auicenna etiam. iiii. parte primi libri, & cōmunis schola medicorum. Cum igitur in dolore lateris humor adsit fluens, isque qui in inflammatione continetur, & dolor, qui non tam fluxionem excitat, & morbum auget, cum ægrotan-  
tem



tem non affligat modò, sed admodum etiam debilitet, à dolore curationem inchoamus, Hippocrate præsertim teste, qui fomenta, venæ sectionem, & pharmacum doloris maximè causa videtur adhibenda consuluisse. Galenus quoq; .xij. libro. de curan. morb. doloris curationem non symptomatis, sed affectus curationem esse dicit, quoniam dolor fluxiones excitat, & morbo parat incrementa. Quæ verò de febribus Turinus inquit, aduersus ipsum faciunt, vt enim ipse obstructionem remouet, ne noua accédatur putredo, ita nos dolorem sedamus, & lenimus, vt morbi causas remoueamus, quæ ex ipso pendent; Neq; plenitudinem omittimus, vt hic vir existimat, quinimò eam simul cum dolore remouemus, quæ alioquin tanti faciendæ non est, cùm ex sese nisi à dolore excitaretur nullam fluxionem, neq; ad læsam magis quàm ad non læsam partem irritaret.

ALIO deinde Auicennæ testimonio Curtius vtitur, quo modo XII. fol. nemur dolorem antea mitigare, quàm humores ad oppositum Tur. reuellantur. Sed inquit Turinus, non sequi ob hoc venam edirectò secandam esse, dolor enim non in totum auferri debet, præsertim cùm paruus sit morbi initio, atq; si penitus delēdus esset, non ea est directæ venæ vis, vt dolorem prorsus auferre possit. Ipsi verò hoc lubentes admittimus, non esse penitus auferendum dolorem, neq; facilè id fieri posse; attamen magna ex parte sedari, ac mitigari admodum debet, quod et fomenta efficiunt, & venæ sectio edirectò. Hoc autem subsidium longè fomentis est efficacius, quandoquidem post adhibita fomenta, dolor qui remitti videbatur, rursus augetur, & vehementius affligit. Quare tutiori subsidij genere vtentes, venam edirectò secamus. Quòd autem dolor censeretur non debeat paruus morbi initio, id ante à nobis ostensum est. In Auicennæ verò verbis figmentum planè est quod Turinus attribuit Curtio, nam tantùm abest quòd Curtius oppositum idè quod directum sit interpretatus, vt nec vlla etiam oppositi mentio sit in Auicenna; sed diuersi magis vtitur nomine, quàm oppositi. Diuersum verò nihil aliud significare videtur, quàm non idem, & diuersa pars intelligitur, quæ non eadem est cū affecta



affecta; Itaq; non proficientibus fomentis pro doloribus sedādis, vena secabitur directa, quod & Auicenna prorsus voluisse videtur, etiam si non admodum clara sit eius oratio. Directæ enim venæ hoc præcipue munus est, vt dolorem sedet, quod si secus Turinus fecerit, suo aduersabitur Auicennæ, qui ad diuersum trahi non concedit, nisi dolorem quibus poterimus ingenijs mitigauerimus.

XIII.  
sol. Tur.

IN Galeni quoq; verbis non minus errat Turinus, cū enim XII. libro de curan. morb. Galenus inquit optimum esse remediū cuius libet doloris remissio, quæ vel morbi causam penitus remouet, vel ex parte remittit, id inquit Turinus in dolore lateris, qui per defluxum humorem fit, veritatem non habet, sed in alijs fortasse morbis, qui per defluxum non oriuntur. Quod si Hippocrates, & Paulus aliter sentire videantur, iam inquit eorum opinionem fuisse declaratam. Sed quā Hippocrates quāq; Paulus aduersentur Turino, iam expositum est. Hic verò nil dici potest alienum magis à veritate, quā Galenum adducto loco de morbis qui per humorum defluxum fiunt non loqui; nam si quis ab illa sententia excludendus esset morbus, solus is esset retinendus, qui per defluxum oritur, qui, vt ante diximus, ad augendos dolores, ac trahendos humores maximè aptus videtur; quo enim crebriores humorum fluxus fuerint, eo facilius ad dolentem partem feruntur, vnde in his humorum fluxionibus, morbi uehemētius inualescunt.

XIIII.  
sol. Tur.

QVID verò cū Galenum proprio de reuulsione libro vsum impropriè fuisse nomine reuulsionis existimat; certè nil dici ab eo potuisset, quod magis abhorreret à veritate.

XV. sol.  
Tur.

XVI. sol.  
Tur.

CUM verò putat corporis in tres ventres diuisionem, ad reuulsiones intelligendas vtilē esse, & in longitudine tantū non etiam in latitudine ponendam, rem planè fingit; Itaq; figmētum hoc suo authori relinquamus. Ea verò diuisio à nobis suscipienda est, quam Hippocrates, & Galenus, in plures, quā Turinus nouerit partes tradiderunt, de qua II. parte VI. libri de morbis vulg. habetur mentio. Porro neq; latitudinis diuisio inutilis est, vt in Arabum placitis declarandis, ipsi supra monstrauius,



monstrauimus, neq; multi facere oportet Turini inuēta, neq; ea, quæ aliās aduersus Manardum dicturum se pollicetur, quādo ex his intelligi potest, nihil illum adhuc attulisse vel allaturum esse quod refelli non possit.

**S E D** laborādum non est vt sequenti Turini dicto occurramus, XVII.  
 cū antea id quoq; confutatum sit; variæ enim omninò venæ in curationibus, & præseruationibus secari debent; idq; vt plurimum fit. In podagra verò cū nulla reperiatur proximior secanda vena, quàm cubiti, vnica ipsa cogimur, & curationi, & præseruationi satisfacisse. sol. Tur.

**P L A N E** verò fingit cū inquit Curtiū voluisse tunc ad longissima reuellendum, cū propositum est reuellere sine vacuatione; nec enim putauit illam reuulsionem sine vacuatione fieri, si vena ad reuellendum secta fuerit, sed humores duplici modo reuelli dixit, primò cū è vicinis partibus educuntur tantum, neq; ulla portio eius, qui iam in loco est inflammationis, vacuatur; deinde cū vnà cum hoc vicinarum partiū humore, aliquid ex ipsa inflammata particula retrocedit; Prior reuulsio tantum dicitur, & reuulsio sine vacuatione, nō absolutè quidem, sed sine vacuatione læsæ partis. Quæ si dicatur sine vacuatione, ita intelligi debet; Priori igitur utimur cū ad longissima reuellimus. Et sunt præterea quædam reuulsiones, quæ sine corporis vacuatione quandoq; fiunt, vt frictiones, ligaturæ, & eiusmodi, quas simul cum prædicta reuulsione puras, vel reuulsiones ea tñ ratione possumus appellare, q̃ nil à parte q̃ afficitur educūt. Minus verò mirari debet Turin. si humorē qui reuellitur, & extra corpus educitur, quasi ad longissima reuulsum Curtius dixit; Potest .n. & hic humor longissimè omninò ductus existimari, cū, & extra corpus sit eductus, & ad affectam partem fluere adhuc nō potest. Quæ verò in oculorum angulis venæ secantur, etiam si extra corpus sanguinem emittant, reuellere ad longissima dici non poterunt, cū nullo pacto reuulsionis nomen mereantur. XVIII.

**S E D** ad eas responsiones accedamus, quas sibi ipsi Cutrius dedit, sol. Tur.  
 in quibus refellendis, cū priores Turinus omittat, quasi I. & II.  
 alicubi Tu. resp.  
& deside-  
rantur



## DE VENIS EDIRECTO SECUNDIS

alicubi de illis verba facturus, illas quidem verè, & doctè traditas existimabimus.

*III. re-  
spō. Tur.*

Cum verò quærit, qua ratione Hippocrates venæ sectionem quæ dolore descendente ante pharmaci exhibitionem fieri debet, silentio præterierit, & hoc loco quoq; fallitur, frustra quoque conatur tanti viri authoritatem in suam sententiam trahere; nā Hippocrates pharmacum exhibet descendente dolore, quoniam humor qui & inflammationem efficit, & vniuersum corpus replet, inferiores ad partes fertur eò inclinante natura; Hunc ergo humoris motū insequi medicus debet, licet fortè ex alia quapiam indicatione sanguinis missio præscriberetur. Cum item sursum repunt humores, tunc illos naturam etiā imitantes, per venæ quæ supra sit sectionē educemus, & placitum Hippocratis exequemur. Quod verò Turinus inquit, fuisse quosdam sapientes qui, in Hippocrate intelligendo venæ sectionem, ante pharmacum adhibitam præsupponunt, res planè fictitia est, aut si quis ita existimat, in sapientum numero non debet haberi. si autem hæc oppositæ venæ sectio, vt Turinus, inquit præintelligi debet, cur eodem pacto in iecinis affectibus non præsupponitur? Quod si fiat, quid ab Hippocrate, quid à Galeno, quid à veritate magis abhorret? Fatemur verò reuulsuam venæ sectionem Hippocratem non expressisse, secundo præsertim libro de rat. vi. acut. morb. sed tamen mentionem non fecit nisi directæ sectionis, cum maximè id addatur quarto libro, quod fuerat in secundo prætermissum, atq; cum hac de re multa quoq; supra dixerimus, laborandum non est, vt rursus monstremus quid de ea viri sapientes existimauerint. Cum verò ait pharmacum purgans exhiberi non posse, nisi facta iam concoctione, vtinam & Turinus & multi hoc tempore medici, hanc sententiam magna saltem ex parte sequerentur, vix enim dici potest quanta incommoda superiori & nostro etiam tempore secuta sint, ob intempestiuas pharmacorum exhibitiones, quas mali medici aut ob inscitiam, aut lucri cupiditatem, non semel tantum, sed multis etiam vicibus, in singulo quoq; morbo præcipiūt, cum tamen id in vniuersum docuerit Hippocrates concocta

mouenda



mouenda, purgandaq; non cruda nisi turgeant. Quo fit, vt duo tantum tempora pro pharmacis exhibendis statuenda sint, alterum cum turgent humores, alterum cum iam concocti sunt, non verò vnicum, vt Turinus hoc loco videtur existimare. Præter id, quod non agnouit idem præcise esse tempus ( vt & antea quoq; diximus ) secundæ venæ, & exhibendi pharmaci, adhibita tantum distinctione quod ascendat dolor vel descendat; neq; Galenus opinioni Hippocratis aduersatur, vt intelligi planè potest ex ijs, quæ extremo quasi libro sunt à Curtio pertractata.

*VI. solut.  
Tur.*

**COGIMVR** obscure multa, & cōfusè dicere, cum & Turini ordinem sequamur, & breuitati studeamus; attamen diligenti lectori, quiq; nostræ opinionis ea fundamenta intellexerit, quæ posita sunt à Curtio, plana satis, & aperta erit oratio.

**DOLOREM** verò, quod sæpe antea cōfutauius, paruū esse morbi initio putat Turinus, qua in re non videtur intellexisse summos sæpe, & vehementissimos morborum initijs dolores, excitatos esse, qui curationem ad se trahentes, prima remedia exposcere videantur, & præsertim cum Galenus dicat dolorē vehementius reliqua omni re, & fluxiones irritare, & inflammationes augere posse.

*IIII. Resp.  
spō. Tur.*

**REDDIT** rursus ad reuulsionē longissimam, sed confusè admodum, & obscure. Qua in re reuocanda sunt ad memoriā quæ supra diximus, vbi reuulsionem puram appellauimus quæ sola fit, non purā quæ cum deriuatione coniungitur. Item reuulsionem cum euacuatione de qua loquimur, sine vacuatione cū ligantur vel fricātur extremæ partes. Demum quæ cum euacuatione fit, vel cum læsæ partis vacuatione iungitur, vel læsam partem non attingit. & hi sunt in totum modi reuulsionum. Qui igitur ad oppositum motus humorem trahit, simulque euacuat aliquid à læsa parte, hic non longissimam sed proximam facit reuulsionem; qui contra, nihil à læsa parte ducit, venamq; secat remota in parte, ad longissima dicetur reuellere, idq; Hippocrates, & Galenus senserunt.

*V. Resp.  
Tur.*

Fallitur ergo Turinus cum putat voluisse Curtium, longissimam reuulsionem sine vacuatione absolutè fieri, nec enim ab-

G solutè



solutè sine vacuatione dicimus, sed sine vacuatione affecti lo-  
 ci. Fallitur quoq; cùm eandem venæ sectionē reuellentē simul  
 ac deriuantem reperiri nō posse credit; nam si reuulsio ad mo-  
 tus oppositum fit, deriuatio ad latera, quī, fieri poterit vt vtroq;  
 nomine venæ sectio non appelletur, quæ ad oppositum, &  
 ad latera simul trahat? Hoc idem & Galenus comprobat II.  
 libro ad Glauconem, cùm patientibus membris extremis, ex  
 alteris, & coniunctis euacuandum censet, vel reuellendi gra-  
 tia vel deriuandi. Vt cōsultò præteream eandem vacuationem  
 quam Galenus III. & V. libro de curan. morb. deriuatiuam  
 appellat, rursus proprio de reuulsione libro reuulsiuam appella-  
 ri. Neq; obstat reuulsione ad remota vt plurimum fieri,  
 deriuationem ad propinqua; & hanc firmatis pro parte humo-  
 ribus, illam valenter irruentibus; hæc enim vt & ante dixi-  
 mus, in reuulsionis, ac deriuationis ratione non intelliguntur,  
 cùm, & ad proxima reuelli, & ad remota deriuari possint hu-  
 mores, modò vel ad oppositū vel ad latera motus trahantur.  
 Humores igitur firmati nō propriè reuelli, aut deriuari dicētur,  
 sed à loco vacuari, licet et impropriè hæc educitio deriuatiua di-  
 ci possit, quasi de riuo educēs. Sed priores appellationes magis  
 propriæ sunt & ad vsum dicendi magis accommodatæ. In hoc  
 eodē errore versari vidēt, illi qui reuulsionē ac deriuationē simul  
 coire nō posse existimāt, quasiq; putāt nō aliud esse deriuatio-  
 nē quàm euacuationē à læsa parte; Hoc verò confutatur prædi-  
 cto Galeni loco II. lib. ad Glauconem, cùm patientibus mem-  
 bris extremis à coniunctis vacuandum monet, siue reuellere  
 velimus, siue deriuare. Et alio etiam loco eiusdem libri, cùm  
 patiente vtero in cubito reuellit, in pedibus deriuat. qui tamen  
 pedes tam longè ab vtero videntur distare, quàm cubiti. Et  
 adhuc nulla ratio assignari potest, cur reuulsio ad contrarium  
 motus fiat, deriuatio ad latera, & non motus; Cùm verò  
 Galenum adducit, qui reuulsionem ad longinqua, deriuatio-  
 nem ad proxima fieri dicit, dicimus hoc ideo dictum esse, quia  
 reuulsio secundum longitudinem vt plurimum fit, deriuatio  
 verò secundum latitudinem, quæ longitudine multò minor  
 est. Quod verò inquit deriuationem fluxorum, non verò fluē-  
 tium



tium humorum medelam esse, fallitur; neq; ita Galenus intellexit; nam humores aliquam partem obsidere possunt, & adhuc fluere, vt Curtius & ipsi etiam supra diximus, sed ad propositum redeamus.

**T**VRINVS tandem in intelligendo Celsi multis errat modis, *Vlt. Respō. Tur.* primum quidem cū ea Celsi verba, si totius causa. i. plenitudo totius, eaque partis causa. i. plenitudo partis interpretatur; nec enim Celsus de totius vel partis plenitudine loquitur; sed de communi vel particulari morbo; vnde si totius causa sanguinem mittere oportet. i. causa affectus, vt verbi gratia, febris totum corpus occuparit, tunc ex cubito sanguis aufertur. si partis causa. i. cū particularem partem morbus inuaserit, tunc vel ex illa eadem affecta parte, vel ex quāproxima sanguinem mittimus, vel repletum sit vniuersum corpus, vel minime. Hanc interpretationem Celsi verba confirmant, cū inquit; Neq; ignoro quosdam dicere quamlongissimè sanguinem inde vbi lædit esse mittendum; & reliqua; hic enim vtitur verbo lædit, non verbo replet. Quod, & ratio vniuersalis ab eo adducta confirmat; vel enim totum sit, vel non sit repletum, sectio venæ proximæ fluxum non aduocat ad locum læsum, quoniam proximus primū sanguis educitur, & læsa pars inanitur. Si verò dicas ille qui in vltioribus est partibus succedit, & euacuabitur in idipsum quod grauat; contra (inquit Celsus), suppressa vena nulla fieri potest euocatio sanguinis in vltioribus partibus contenti, ad ipsam læsam partem; non enim à seipso venire potest, neq; trahitur vacui necessitate, quia cessat eiusmodi necessitas suppressa vena. Si ergo succedit, nō erit alia reddenda ratio, nisi quod ab alijs partibus trāsmittatur, sed si ita sit, iam non erit sectionis venæ causa, quod Celsus ostēdere probareq; proposuerat. Nō ergo Celsus, neq; vllus antiquorum medicorum opinioni Turini patrocinari potest, quod quia satis credimus ostensum esse, pleniusq; procedente oratione poterit explicari, iam hoc omisso libello, ad refellenda reliqua aggrediamur.



DE VENIS EDIRECTO SECUNDIS  
ADVERSUS TURINI LIBELLVM,  
QVI EPISTOLA AD CUR-  
TIVM INSCRIBITVR.



N Epistola Turini quā ad Curtium in-  
scripsit, non leuiora, neq; pauciora er-  
rata continentur, quā in libello de san-  
guinis missione in pleuritide, quæ tam-  
etsi videantur refelli posse ex ijs rationi-  
bus quas adstruximus in eo libello refel-  
lendo, possintq; multa inde erigi funda-  
menta, quæ nostram opinionem ab illis  
argumentis tutam reddant, quæ primū

Turinus excogitauerat, attamen, vt res planior, & dilucidior  
appareat, statuimus in hunc quoq; libellum aliqua in studio-  
rum gratiam commemorare, quæ tanto breuius pertracta-  
bimus, quanto superiora huic eidem rei accomodari, & adhi-  
beri posse videntur; Vtemur verò Turini verbis libri margini  
appositis, vt nostræ rationes cum eius dictis facilius conferri  
possint.

Verba Tu-  
ri. Nulli  
dubiū es-  
se debet  
&c.

PRIMVM igitur cū de fluentibus, & fluxis humoribus ver-  
ba facit, primam eius suppositionem ita moderandam opina-  
mur, vt fluentes humores dicantur cū iam non firmantur in  
determinata parte, nec inflammationem inchoarunt; nā vna  
& eadem pars humorum simul moueri, & quiescere non pōt.  
Rursus humores membrum aliquod obsidere dicimus cum in  
ipso infiguntur, & tumorem gignunt, licet adhuc fluant, &  
tumori addant incrementum. Fluxos verò humores esse, ni-  
hilq; præterea fluere, ab eo quod est membrum obsidere lon-  
gè differt. Cū igitur Galenus inquit humores partem ali-  
quam obsidentes educi per deriuationem, non ita intelligit, vt  
nullo pacto fluant, sed vt diximus, reuulsionis, & deriuatio-  
nis ratio aliundè sumi debet, quā ex fluentibus vel fluxis  
humoribus; atq; humores qui fluunt non reuelli tantū pos-  
sunt,



sunt, sed & Hippocratis, & Gal. sententia deriuari.

QVAE verò sequuntur id conantur adstruere, vt reuulsio, & deriuatio non vnica quidem, sed varijs venarum sectionibus efficiantur. Qua in re fateor primum reuulsionem prius, quod ad tempus attinet, requiri, quàm deriuationem; deinde, & vtranq; varijs posse modis adhiberi. Sed licet venæ sectio quæ fit propè dolentem partem aliquid humoris in læsa parte contenti reuellat, & deriuat, humorem tamen prius reuellit, & deriuat, qui est in proximis inflammationi partibus, quàm illum qui in læsa parte continetur. Motus enim confundi non potest, neq; sine tempore comite reperiri. Cùm igitur secatur vena prius ille exit sanguis, qui sectioni vicinior est; nec id argumentum tenet, ante vacuationem læsæ partis, fluxus humoris inhibendus est, ergo variæ his in muneribus venæ secandæ; non enim in his modò, sed longè etiam pluribus vnica venæ sectione poterimus satisfacisse. Fatemur quidem alio pacto reuelli humores in dolore lateris, cùm plenitudo totius, & dolor, quæ fluxionis causa sunt, & aliqua etiam portio læsi loci remouetur, aliò humorem qui in affecta impactus est parte extrahendum, sicuti cum cucurbitulam affigimus, vel sputo educimus, vel insensili difflatione discutimus; Vnde nil contra nostram sententiam ex tertio libro medicinalis artis afferri potest, cùm & ipsi cum Galeno fateamur, prius euacuandum esse totum corpus, aut omninò reuellendum, quàm repellentia, scarificatio, discutientiaque possint adhiberi.

SED & locus secundi libri ad Glauconem minus rectè affertur & intelligitur à Turino; Non enim Galenus ait fluētes humores reuulsione, fluxos deriuatione curandos esse, sed fluentium humorum retractio medela est, eorum verò qui aliquam partem obsiderunt, deriuatio. Non ergo loquitur de his qui absolutè fluxerunt, sed de his qui adhuc fluere possunt, & aliquam partem obsidere. Porro si penitus fluxi essent, iam non deriuatione (nisi impropriè loquamur) sed euacuatione à læsa parte educerentur; atque nihil prohibet, quin eos qui fluunt humores & reuulsione, deriuationeque simul vacuamus, insecta scilicet vena quæ ad oppositum motus, & ad

latera

Ducatur  
etiā vlt  
rius &c.  
Dicatur  
et a nobis  
&c.

Nec silē  
tio per-  
transibo  
&c.



latera simul trahat .

In mediū  
autem  
Ec.

**C** V M verò Galeni affert locum ex proprio libro de curandi rat. per sang. miss. vbi reuulsiones faciendas docet ante deriuationes, diesque aliquot inter vtrunq; officium interponendos, nihil nobis aduersatur, siquidem volumus eam reuulsionem, quæ tempore præcedit deriuationem, longè magis conferre, sed eo tamen tempore cum sola reuulsio requiritur. In dolore autem lateris hæ non præbentur induciæ, vt munera illa adhibeantur separata; Sed statim reuellere oportet, simulque deriuare, & à læsa educere parte, vt sedetur dolor, quæ vniuersa, vel vnica vel iterata venæ edirectò sectione, comple-ri possunt.

Illud et  
memoræ  
Ec.

**Q** V O D si Auicenna venam pedis secandam consulit, id ipsum in præseruatione intelligendum esse antea diximus, neq; hinc inferri potest, vt cum faciendus, vel factus fuerit morbus hæ remotæ reuulsiones sine deriuatione, & partis vacuatione fieri possint. Accedit quòd & solam reuulsionem, quæ in præseruatione adhibenda est, Galenus non ommisit; nā proprio libro de curandi rat. per sang. miss. venam pedis secādam docet, cum præcauere ab hoc quo de agimus affectu voluerimus.

Nec sile  
bo quæ  
Galenus  
Ec.

**I** D E M ferè dicimus ad Galeni authoritates, & quartilibri de curand. mor. & de curan. rat. per sang. miss; nam ante diximus humores aliquod membrum obsessisse, cum iam tumorem vel inflammationem inchoarint, ita vt pro parte fluxi sint, & pro parte etiam fluant; Addebat verò Galenus. At si perpetuum est quod ab Hippocrate didicimus, fluxionem scilicet incipientem reuellere, fixam verò iam in laborante particula euacuandam esse, vel ab ipsa particula, vel ex ei quamproxima. Quibus ex verbis manifestè sumi potest, quòd si humores ex parte fluxi sint; & ex parte fluentes, reuulsio simul cū deriuatione adhiberi debet, vnde hanc multiplicē indicationem explentes, venam edirectò secabimus. In vlceribus autem è quibus facilius humor educitur, quàm ab inflāmatione, venam remotam initio secamus, exinde ab ipsis vlceratis partibus vacuamus; Cum verò oritur inflammatio, tum quidem reuellendum esset, sed aliquid simul ab inflammata par-



et trahendum, si id (vt ferè accidit in initijs) conuenienter fieri potest. Demum cum inflammationes iam inueteratæ sunt, ex illarum partibus, vel certè ex quamproximis vacuandum, sicuti in dolore lateris cum affixis pectori cucurbitulis, quoniam à subcingente membrana vacuare nō possumus, humorem læsæ partis educimus; In huius igitur affectus initio contraria non est quærenda vena, nam & illam Hippocrates, & Galenus prætermiserunt, & iam ostensum à nobis est quā directa venæ sectio curandi muneri sit apta. In angina etiam cum venæ secantur sub lingua, partis læsæ vacuationem fieri diximus, non verò humorem reuelli, vel deriuari, talemque sectionem ei quæ sit affixis pectori cucurbitulis, in dolore lateris respondere.

RABI Moyses etiam, non nostræ opinioni, sed Turino aduersatur, nam inquit eandem venam, & initio, & incremento, & vigori morbi conuenire, quam tamen appellat oppositam. Si igitur oppositam intelligamus non directam, aduersabitur Turino, qui in vigore saltem morbi venam edirectò secandam consulit, sin oppositam secundum rectitudinem intelligamus, iam nostræ fauet sententiæ, & hostis efficitur aduersarij. Quod verò addit, in inueterato morbo à læsa parte ducendum esse, iam sæpe à nobis approbatum est, quare non est, vt quid ad hoc Turini dictum replicemus. In Celso autem & Auenzoare intelligendis satis multa supra allata sunt; quare ad reliqua properemus.

*Hæc puto sufficere. &c.*

PERPERAM infert venam edirectò in statu tantum morbi, & in dolore ascendenti Hippocratis consilio secandā; iam enim hanc interpretationem reprobauimus, & clarè ostendimus nostram edirectò sectionem initio, incremento, & vigori quoque inflammationis conuenire, cum ad contrarium motus reuellt, deriuatq; , & euacuet; Quod autem in quacunq; inflammatione Hippocratis sententia vena secanda sit, id verum omnino est, si indicatio ab humore qui sanguis est sumatur; neque opposita eligi vena potest, sed edirectò; nam & Galenum III. libro de curan. morbis ad contraria reuellendum docentē, non de partis, sed de motus humorum contrario intelleximus.

*His vir eximie, &c.*

In



# DE VENIS EDIRECTO SECANDIS

In vigore quoq; symptomatum, nihil mouemus nisi coacti, & iam ostendimus ante hunc vigorem leniri dolorem oportere, vel venæ sectione, vel pharmaco; Quare minus videtur Tur. hasce clarissimorum virorum sententias intellexisse.

Itē phlebotomia.  
Etc.

**ERRAT** quoq; cum deriuationem adhibendam, eo tantum tempore opinatur, cum fluxus humorum restiterit, quo tempore vigorem adesse morbi suspicatur; nam vt sæpe diximus, etiam si humores fluant, possunt ad motus latera deriuari; Deriuatur etiam is qui proximè pro parte fluxit, & adhuc fluit humor, quod ferè fit in initijs, & incremento inflammationum.

His igitur temporibus vena edirectò secari poterit quæ deriuat, quam etiam sectionem in vigore quoq; qui cito aduenerit, præsertim si initio fuisset omissa, adhiberi posse supra docuimus.

Restitisse igitur fluxionem ita intelligimus, cum humor proximè fluxit, & parti adhæret, licet fluat adhuc aliqua ex parte, & hoc tempore venæ edirectò secari debent.

Item si Hippoc.  
Etc.  
Etiā ratio hoc idē Etc.

**NEQVE** ob id nostra hæc sectio reuellere nō dicetur, quia humorem sursum repentem educat, vel quia inter brachium, & pectus contrarietas non ponatur; nam si dolor ascendat venæ edirectò sectio sursum quidem humorem trahit, sed eo tamen natura inclinante. Reuellit etiam pro parte illum qui ad dolentem locum attrahitur, & demum ad motus latera, partem etiam humoris deriuat. Non etiam ratio illa admittenda est, vt deriuatiua venæ sectio morborum initijs non conueniat; cōuenit enim vt diximus, & cum reuulsio ad contrarium præcipitur, motus humoris non situs partis sumi debet, quæ vera & præcipua contrarietas est, in quamcunq; situs differentiam humor moueatur, sicuti & Curtius proprio libro declarauit.

Suffragatur etiā Etc.

**RHAZIS** etiā de reuellēte venæ sectione verba facit, quæ simul deriuatiua etiam dici potest, atq; in principio adhibenda est, si idem sentiat quod Hippocrates, & Galenus senserunt. In eius verò oratione ne verbum quidē sit de opposita parte, vt antea quoq; dictum à nobis est.

Dic q̃so Etc. Sed ne videar difficultatē. Etc.

**SED** reddit ad concoctionis statum, in quo quidem & sectionē venæ, & pharmacum Hippocratem consuluisse sæpe dixit, quod reiecimus, tum ea ratione, quia statim dolore fomentis nō sedato



sedato, hæc adhibentur remedia, fomenta verò ante statum concoctionis apponuntur; tum illa quoq; quòd fomentis apertè vitur Hippocrates ante concoctionem. xxxiij. particula primi libri de ratione vi. acut. morb. Sed longè postea fallitur, cum existimat ideo Hippocratè pharmacum dandū initio præcipere, ut humorem à stomacho, & hæpate ad mendosas costas fluente reuellat. Cur enim si ita est pharmacum etiam non dedit in ascendenti dolore? Non ne & ex illis iisdem partibus possunt humores ad superiores costas transmitti? In hac igitur fluxione reuellenda pharmacum etiam si dolor ascendat poterit exhiberi, quod certè falsissimum est. Quo verò inditio humor à stomacho & hæpate ad costas mendosas fluens dignosci ab Hippocrate potuerit, vel si aliūde etiam fluat ad lateris dolorem in mendosis costis gignendum, nemo certè poterit iudicare, neque quo pacto ascendens humor reuellatur; nā si humor deorsum feratur, non poterit simul sursum ferri. Fatendum igitur est dolores ascendentes venæ edirectò sectione, descendentes pharmacis esse curandos; idq; quocunque in latere vel loco sint, ne vias à natura tentatas, & quasi nobis propositas videamur prætermisisse. Ea verò sit vacuatio quæ dolorem mitigans, & fluxionis causæ occurrens, humorem ab inflammata parte reuellat.

DE fomentorum verò subsidio, ac de tempore quoque quo adhibenda sunt, multa supra tetigimus; Id verò hoc etiam loco repetere non recusabo, Hippocratem fomenta adhibere tentandi gratia, tentandi dico, non si adsit morbus, sed si ea sit plenitudo quæ horum distatione sanari quæat, neque quolibet tempore adhibenda illa fatemur, immò si nō proficiant, venæ statim sectionē, vel pharmaci exhibitionem, proponimus. Verba verò Hippocratis nostræ fauent opinioni, si rectè quidem intelligantur, ita enim exponi debent; Lateris dolor siue  
 „ à principio statim sit ortus .i. nullo morbo præcedente, siue  
 „ postea .i. si febrem vel alium affectum sit insecutus, fomentis  
 „ prius sedandus est .i. initio. Malè etiam adscribitur Curtio, quòd dixerit cum vniuersus humor fluxit, non posse id certis inditijs dignosci; non enim ita inquit, sed illo potius pacto,

*Quod vero de fomento.*

H quòd



## DE VENIS EDIRECTO SECANDIS

quòd si vnà cum dolore, totius adsit plenitudo, non potest medicus certò dignoscere, quòd nihil ad læsam partem ratione doloris trahatur, præsertim cum nihil sit aptius ad fluxiones irritandas, quàm dolor. Si igitur cum dolor est intentissimus, venà edirectò secanda erit; cum rationi consonum sit aliquid etiam fluere, vel illa sectio approbari debet, vel Turinus vituperari, qui in dolore intentissimo fluentis illo tempore humoris oblitus, directæ venæ sectionem concessit, cum tamē ex suis placitis, vt sæpe diximus, opposita potius quàm directà venà secanda esset.

*Miror  
vir exi-  
nie &c.  
sed non-  
ne Gal.  
&c.* **A**DVERSATVR verò Hippocrati, & Galeno, cum aliquam venæ sectionem præcessisse putat id pharmacum, quod dolore descendenti exhibetur; nam cum Hippocrates ascendente dolore venam secandam velit, ac deinde si morbus sit magnus pharmacum moderatè exhiberi, iam utroq; casu sanguis prius mitteretur, deinde pharmacum exhiberetur, ac ita frustra ea adhiberetur distinctio ascendentis vel descendents doloris, siquidem mittendum prius sanguinem Turinus vtriusq; casibus opinatur. Sed Galeni cōmentum nobis aduersari videtur, in quo Galenus ab Hippocratis opinione dissentire non à Turino modò, sed à magni etiam nominis medicis affirmatur, re tamen aliter habet, & Hippocratis, & Gal. sententiæ propè libelli finem conciliatæ sunt à Curtio; certi enim ponuntur casus à Gal. in quibus venæ sectio pharmaco exhibendo pponitur, vt cum febris est ardētissima, vel cū exactè ægrotantis corporis naturam nō agnoscamus; quibus non obstantibus pharmacum omninò Galenus exhiberet; In morbis verò acutis, in quibus rarò pharmacis utimur, idq; multa cum præmeditatione, placuit Galeno dictum Hippocratis moderari, & illam habere præmeditationem ab Hippocrate propositam, cum febres intensissimæ sunt, vel ægri natura ignota, quibus certè casibus non omninò sine periculo pharmaca exhiberi possunt.

*um aut  
Hippoc.  
&c.* **I**N ea quoq; Gal. autoritate intelligenda quam supra ex proprio Gal. libro de sang. mittēdi rat. attulimus & exposuimus, Turinus admodum fallitur. Directam enim venæ sectionem in lateris dolore affectis magnum attulisse subsidium; opposi-  
tum



eum verò vel nullum vel multo temporis interuallo, ita intelligit, vt Galenus non de præseruatione, neque cùm partim fluxere partim fluunt humores, sed cùm penitus fluxi sunt exponatur; qui sensus antea à nobis reiectus est, ea præsertim ratione, quòd Galenus eius libri initio profitetur se quas, et quibus temporibus venas secemus edoctrum; quòd cùm fecerit reliquis in morbis qui in eodem libro commemorantur, fatuum esset solum de quo agimus dolorem lateris à reliquis affectibus separasse.

**O** P I N A T V R rursus ex Curtij sententia venæ sectionem ab Hippocrate prorsus omitti cùm dolor descendit, cùm tamen iam dixerimus certis illam casibus à Galeno adhiberi, qui non discedere ab Hippocrate, sed eius sequi sententiam videtur. Quapropter si in dextra parte sit dolor, & descendat, idem fieri debet iudicium, ac si æger inflammatione iecinoris correptus esset, & utroq; casu interna esset vena, & in dextro cubito secunda. Hoc verò loco etiam si verborum est, minus tamen assequitur Curtij sententiam.

*Destru-  
cto autē  
fundamē-  
to &c.*

**P** R I M V M verò missa facio, quæ ex Nicolao Florentino adducuntur, quæ à nobis planè curanda non sunt; in intelligendo autem Galeno maximè hallucinatur, nam cùm Galenus inquit, Vbi iecur, pulmo, pectus, & cor inflammationem pati cœperint, vena interna secanda est, inquit Turinus, indeterminatè Galenum loqui, neque dextræ vel sinistræ partis mentionem facere, quapropter nunc in dextra, nunc in sinistra parte venæ secandæ erunt pro morbi tempore, & conditione. Sed quàm oscitanter Galenum legerit ea indicant verba, quæ paulò post superiori dicto subnectuntur, nam Galenus inquit. Perpetuò autem in omnibus quæ edirectò sunt, cæ scilicet secantur venæ. Neque subterfugit Turinus, cùm de morbi initio putat locum intelligi non posse, in superioribus enim Galeni verbis manifestissimè initij habetur mentio, quare ruunt quæ pro loci interpretatione adducuntur à Turino.

**R** V V N T quoque cætera quæ imaginatus est, vt secundam Curtij rationem euitaret. Si namque initio humorem, qui in vicinis inflammationi locis est, per directam venæ sectionem

*Multa  
in ratio-  
ne tua  
&c.*



## DE VENIS EDIRECTO SECUNDIS

ctionem eduxerimus, longè maiorem putat excitari fluxionem ad partem læsam posse, & iccirco oppositam venam magis quàm directam secandam esse; sed fallitur, nam modica dici non debet ea humorum pars quæ ad loca inflammationi vicina defluxit, sed potius maxima est, & aliquando eò deductus est humor vniuersus qui peccat; quo casu Turino etiam assentiente venam edirectò secabimus; siquidem idem prorsus est iudicium defluxi ad vicinas partes humoris, & eius qui in affecta parte continetur. Falsum quoque est ex nostra sectione multo plus humoris attrahi, quàm vacuari; non enim partem tantum euacuamus quæ leditur, sed fluxionem etiam ab ea reuellimus, non ad eam inclinamus, vt isti inquit.

Quod si hæc humoris attractio timenda esset, cur eadem ratione non redargueretur Turinus, qui in statu venam secat edirectò & fluxionem trahit ad læsam partem? Et præterea nostram sectionem vacui vi trahere fatentur, quod si esset, iam nihil optabilius posset nobis euenire, quàm si eò vnde vacuamus humorum impetus aduocaretur. præter, id quòd ea etiam vacui vis, suppressa vena nostro arbitrio prohiberi potest.

*Hæc sua  
ratio  
&c.*

**S**ed inquit Turinus, Nō est initio morbi intentio semper reuellendi simul & deriuandi, alioquin Hippocrates pharmacum exhiberi non præcepisset. Item reuulsio dici non debet venæ sectio ab affecta parte, sed vacuatio; neque vnica sectio reuellendi simul munus & euacuandi subire potest. Cui quidem aduersatur Galenus decimo Commento secundi libri de rat. vi. acut. morb. qui reuulsioni & euacuationi vnica venæ sectione satisfacit, quod si verum est in ascendenti dolore, erit quoque in descendenti, nam pharmacum quod exhibetur, à maioribus primùm venis trahit, in quas minorum & minimarum humor succedit, vt in missione sanguinis dicebamus. Quare si secetur vena & descendat dolor, reuellet, & euacuabit, sicuti fit in eo qui ascendit.

*Hæc ista  
ratione  
&c.*

**A**it præterea directam venæ sectionem reuellere quidem magis, quàm oppositam, sed tamen hoc habere noxiū, vt magis etiam trahat ad læsam partem. Qua in re nostræ primùm fauet opinioni, & nocumenta quæ commemorat ex his quæ diximus

ximus



rimus euitantur præsertim si reuulsio ad contrarium motus fieri intelligatur, & vacuinecessitatem ad extra trahendam fluxionem opitulari, & nostro etiam arbitrio suppressa vena tolli posse meminerimus.

**S**YMMATIM deinde indicare conatur Turinus non solum humorum fluxionem initio ad loca vnde coepit, trahendam esse; sed, & ad contrariam prorsus partem. vnde si à dextra capitis parte humores ad dextram pectoris transmitterentur, per sinistrae venæ sectionem, quam cæphalicam dicunt, educendos esse credit. Sed dicimus eam partium contrarietatem nihil efficere, & præterea cæphalicæ sectionem utiq; conferre posse, si reuellere tantum instituissimus. Cum verò propositum est reuellere simul, & à læsa parte vacuare; interna vena, & directa cæphalicæ loco suscipienda est, quæ non in parte quidem contraria, sed ad contrarium motus reuellit. Sed non est prætermittendum insigne quoddam erratum Turini, inquit enim. Si humores à dextra capitis parte, ad dextram pectoris ferant, secūdā esse cæphalicam sinistri brachij. Hæc verò inquam, humoris tractio ad latera motus est, ergo deriuatio. Turinus igitur morbi initio deriuatione vtitur, quam tamen millies visus est antea detestari.

**C**V' M verò negat similem fieri tractionem cæphalica sinistra, & interna dextra secta, illa quidem in sinistro dolore capitis, hac in dolore lateris dextro, neq; rationē intelligere videtur, neq; quæsito satisfacit; Nam cæphalicæ sinistrae sectio humorem vacuat sinistrae partis, quo fit, vt dextræ partis humor ad sinistru versus moueri habilior reddatur, iuueturq; ab ea venæ sectione, sicuti, & fieri putat Turinus in dolore lateris dextro, cum dextra secta vena, sinistrae partis humor ad partem dextram incitatur. Id ergo incoueniens quod hanc humorū habilitatem sequitur, remanet Turino diluendum.

**I**N eodem versatur errore in his quæ sequuntur, nam ex directa venæ sectione humores ad inflammata partem inclinari putat, & præterea Hippocratē in statu loqui, cum venæ sectionē edirectō præcepit; qui error sæpe à nobis confutatus est. Sed non est reticendum quod hic vir fateatur in sua retractatione, reuulsionem

*Pulcher  
rimè in-  
quam.  
Etc.*

*Huic re-  
sponde-  
mus. Etc.*

*Gale. in-  
cōmento  
Etc.*

*Cū vero  
vltius  
Respōde-  
mus dicē-  
tes. Etc.*



reuulsionem scilicet, & deriuationem secta edirectio vena; Hippocratis, & Galeni sententia fieri posse; cuius contrarium hoc inquit loco. Et si verò Curtij rationem non intelligere dissimulet, nullus tamen adeo fatuus reperietur, qui humoris motum ad inflammata partem iuuandum esse dicat. Ipsiq; longè absumus ab hoc errore, qui aliò trahendos humores, & in prioris motus contrarium opinamur. Sed interim naturæ motui, & inclinationi parendum est, quæ si sursum repat, sectionem venæ, si deorsum, pharmaci exhibitionem præscribit; quibus certè remedijs, humoris motus inflammatione facturi, vel aucturi solet impediri. Neq; sola reuellendi initio adest indicatio, sed vt ante diximus, vnà euacuanda sunt vicina loca, vt humoris motus ab his ad inflammationem auferatur. Ita nāq; agendum suadet dolor, qui leniri prorsus debet, ne nouas irriter fluxiones. Eam verò attractionem, quam Turinus in nostra sectione fieri suspicatus est, figmentum esse supra dicebamus, cum neq; ex facultate attractrice venarum, neq; intenso calore fieri illam posse monstrauius, atq; si vacuum fieret, iam vel attractus humor extra corpus duceretur, vel in vacuati locum succederet; quo fit vt aliò potius duci videatur, quàm ad inflammata partem. Sed, & vena supprimi potest, ne quid humoris trahat ratione sectionis. Quod autem magni admodum dolores morbi initijs adesse possint, & magna ex parte adsint in dolore lateris affectis, antea quidē indicauimus, & experientia comprobatur.

**Non videtur mihi Curti &c.** SED his omissis, videamus quæ afferuntur à Turino cōtra Curtij responsiones, quas quidem ad eas rationes quas contra se ipsum fecerat, adducit. Primum verò cum Curtium condēnat quasi reuulsionem quæ fit inter dexteram, & sinistram partem præterierit, cum etiam venæ sinistræ sectionem in iecionis inflammationibus opitulari posse credit, errat maximè. Nam reuulsionis ratio non à partium situ, vt diximus, sed ab humorum motu desumitur; vnde si contingat motum esse à dextris ad sinistra, poterit, & hic conuenire reuulsio; sed tamen accidit, vt non cunctos reuellendi modos possimus adhibere; Idcirco in dolore lateris affectis, venam secamus edirecto

quæ



quæ reuellit humorem inflammationem facturum, educitq; aliqua ex parte facientem; ex quo motu humor qui intus est extra trahitur, & hinc inde vt à dextris simul, & à sinistris; atq; fortassis continetur in hac reuulsione motus quidam inter superiorem, & infernam partem. Vt vt igitur plures sint; reuellendi modi, non sequitur omnes protinus adhibendos esse. Sed eos dumtaxat, qui ad præseruationem, & curationem magis apti esse videbuntur, neque negauit Curtius quin venæ sinistræ sectio inflammato iecinore secari possit, sed hanc omittendam esse reuulsione opínatus est, quia non omnes reuulsionum modi adhibendi sunt, sed vtiliores, & ad sanandum aptiores, qualis ille est, qui fit per sectam edirectò venam, quiquè à Galeno tanquam vtilior præcipitur.

At verò cum ait in dolore capitis oppositam ideo non secari venam, quia modica inter affectum locum, & secandam venam distantia est; In lateris autem dolore, cum patens spatium reperiatur, iccirco & ab oppositæ partis vena subsidium petendum, non videtur semetipsum intellexisse; nam satis est si Curtius ostendat non semper oppositam venam reuulsionis gratia secari; falsumque esse ac fatuum, si quis reuulsiones vniuersas inter dextrum & sinistrum terminum contineri asseueret; Cum verò existimat nil prohibere quin in dolore lateris opposita vena secetur, longè abest à veritate, nam magni urgent dolores; & in acutis præterea morbis non solum reuellere oportet, sed à læsa parte vacuare, quæ & statim, & secta edirectò vena fieri debent, vt Galenus testis est proprio libro de curand. rat. per sang. miss. cum inquit; Reuulsiones quidem simul cum euacuatione fieri oportet incipientibus fluxionibus magis. Ille verò aphorismus; Posteriora capitis dolentia &c. adeo apertè de reuulsione loquitur, vt à nemine nisi dementissimo negari possit.

C A R P I T V R deinde Curtius à Turino, quasi negauerit triplicem reuulsionem fieri secundum trinas corporum dimensiones, qui reuellendi modi in omni præter naturam tumore videntur conuenire; & non eo tantum casu cum reuellere tantum intendimus, vt Curtius existimauit. Hic verò fallitur,

Quòd verò ulterius.  
Etc.

Cognouisti professionem Eto Etc.  
Sed mihi Curti homo Etc.

nam



## DE VENIS EDIRECTO SECANDIS

nam tres illos reuellendi modos agnouit Curtius, & hac ratione directam venæ sectionem cæteris prætulit, quod plures ex illis modis contineat. Sed dixit, non semper tres modos in facienda reuulsione requiri, alioquin reuelleremus tantum, partis euacuatione posthabita. Cum igitur & reuellere, & à læsa parte vacuare simul intendamus, consultè à nobis actū erit, si vena ex affecta parte secabitur.

*Non videris amplius.  
Ec.*

**Q**UOD verò existimet Curtium non adhibuisse cōtrarietatem in reuulsionis ratione, adeo falsum est, vt refelli non debeat; nam millies in Curtij libello contrarij habetur mentio, quod certè non situs partium, sed motus humorum contrarium intelligendum est. Incipiente enim dolore lateris, plenoque corpore, humor ex directa venæ sectione à paruis venis ad magnas ab his ad maiores reuellitur, & affecta pars euacuatur.

*Hæc responsio ea est Ec.*

**P**RÆ termittere multa oportet, quæ ante declarata sunt, sed cū quærit qua de causa inflammatione crus occupante sanguinem ex altero Galenus mittat, nec læsam partem vacuet, vt aliàs faciendum consuluit? Hic dicimus, non à læsa ipsa parte, sed à proxima sanguinem morbi initio mittendum esse; Cum igitur in dextro crure oborta sit inflammatio, non certè ex eo ipso mitti sanguinem oportet, sed ex altero, quod affinitatem habet cum vena sanguinem ad læsum locum mittente. In lateris autem dolore non à pectore ipso quod afficitur, & magnis quæ secantur caret venis, sed in cubito, & directo venam secamus, cū præsertim Hippocrates in doloribus amouendis proximos purgandos ventres, & proximas venas secandas consuluerit.

*Sed cur tam rectè Ec.*

**C**UM verò rursus ea pro se adducit Gal. verba; Fluentium humorum reuulsio, fluxorū deriuatio medela est; & varia præterea esse opinatur tempora, variasque venarum sectiones, quæ reuulsioni & deriuationi deseruiant. Hic primum redarguendus est quod non rectè Gal. sententiam adduxerit, qui non inquit fluxos humores deriuandos esse, sed eos tantum, qui aliquam partem obsiderunt, qui quidem, vt diximus, fluere adhuc possunt, etiam si portio quædam in patiente iam particula firmata sit. Hoc igitur casu reuulsio & deriuatio simul conueniunt



ueniunt, quæ munera secta edirectò vena absoluuntur. Neque is omninò ordo seruari debet vt reuellamus primùm, deinde deriuemus; Si namque fluens humor reuellendus est, fluxus euacuandus cum partim fluat, partim fluxerit, condemnandus esset qui has intentiones vna venæ sectione nō exqueretur. Quòd si contendas vnicum non esse tempus harum actionum, modò vnica sit venæ sectio, dabo lubens, vt fluēs primùm humor reuellatur; deinde fluxa portio in vacuati locum succedat, quousque ducatur extra corpus. Ita vnica sectio modico tēpore interiecto reuulsioni simul & euacuationi poterit accommodari.

**S**E. D. inquit Turinus, locus vnde motus humorum cœpit ignoratur, quī igitur fieri poterit vt reuellatur, & ad motus contrarium ducatur ortu motus ignorato, & parte etiam corporis ad quam fluxio dirigenda est? Dicimus duplices esse fluendi modos in morbis, alterum à remotioribus partibus, alterum à proximioribus, quæ loco inflammationis circumstant. Posterorem fluendi modum exactè dignoscimus, cum in ratione ipsa oriendæ inflammationis contineatur, prior non semper dignoscitur, neque ob id multum incommodi sequitur, quòd remotum fluxionum ortum ignoremus; nam, vt ante diximus, non ad hoc remotum initium fluxiones trahendæ sunt, sed satis est, si proxima fluxio quam nouimus reuellatur. Vena igitur edirectò secta retrofluere humorem facimus, qui vicina replet inflammationi loca. Neque existimauit vnquam Curtius, neq; Galenus docuit, eam quæ ex remotis partibus oritur fluxionem, sciri à medicis oportere. Immò, & oppositum Curtius dixit, & putauit remotas partes quæ mittunt, si non semper, magna tamen ex parte ignorari. Itaque in lateris dolore dextro dextram venam secamus, qua vicinarum affectui venarum humor educitur, & is qui ad inflammationem fertur retrocedit, non verò maior fluxio potest excitari; Sed vsu & ratione comprobatum est ægrotantes nostra hac sectione subleuatos, & planè sanatos fuisse, cuius contrarium probare Turinus nequit; incassum igitur quærit, cur in parte potius sana, quàm in læsa venam secamus. neq;

*Dic quæ  
so vir cla-  
rissime  
&c.  
Gal pro-  
fecto.  
&c.*



## DE VENIS EDIRECTO SECUNDIS

conduceret admodum si fluxionis origo intelligeretur, cum præsertim ille humor educi debeat, qui vicinas partes repleuit, quique affligit, & incrementum morbo præstat.

*Hæc tua  
responsio  
etc.*

IAM Hectore & Achille confossis, ad Herculem interimendum accedamus, qui primum fallitur cum putat Curtium locum unde fluunt humores optasse dignoscere, quod & falsum esse iam ostendimus; ac deinde nostra magis intentio est à læsa parte vacuare, quam reuellere, licet utrunque simul fieri posse docuerimus. Sed reddit hercules ad Saphenā, à qua meherclè ne tantillum quidem subsidij consequi potest. Ne enim Galeno aut Auicennæ repugnat, quod pedis vena in lateris dolore non secetur; Hæc enim sectio, ad solam pertinet morbi præseruationem, ut diximus, & præterea ad longissima trahere dici potest, quoniam ab affecta parte nec educere aliquid, nec reuellere planè valet.

*Est et ter  
tio hæc  
ratio etc.*

CUM verò iterum ait, reuulsionem fieri posse inter dextri & sinistri terminos, & hoc idem Galeni sententia comprobari. Respondemus, Venam directam ideo secandam, quia magis quam opposita reuellit, & à læsa parte euacuat, neque oppositam sectionem Galenus admittit nisi certis casibus, qui antea à nobis enumerati sunt; In affectibus enim capitis, utriusque & cæteris ferè omnibus venas edirectò secandas consulit, & in vniuersum Galenus & Hippocrates venarum sectiones quæ edirectò sunt, magni fecere. Saphenæ verò sectionem nunquam approbavit Galenus, quoniam nil planè educit quod curationi satisfaciât. Sed hic Curtij liber ad memoriam reuocandus esset, eo loco ubi de reuulsione ad longissima pertractat, inde. n. & hi, & plures etiam errores repelli possent.

*Quando  
plures re  
sponsiones  
etc.*

MULTA postea in medium adducit, & proprio de capite respondet, in quibus longè melius fuisset responsiones Curtij attulisse, quam nouas alieno nomine fingere. Declarauimus. n. quo pacto reuulsio ad longissima intelligi & fieri debeat; Diximus etiam oppositam venæ sectionem ideo præteriri à nobis, quod non ita reuellat, nec à læsa parte vacuet, ut directa. Venæ verò humeralis sectio, quæ fit capite patiente directa dici debet; nam si affectus in dextra parte sit, dextra secatur, si  
in sinistra



in sinistra, sinistra. Quare Turinus fallitur & his in rebus, & in alio maximè, cùm nullā esse oppositionem inter dextram venam & dolorem lateris dextrum opinatur; dictum enim à nobis est, quòd multæ sunt oppositiones in hac venæ sectione, nam ducuntur humores ab intus extra, ab infernis ad superna, & ab altero etiam ad alterum latus.

QV A verò ratione altero crurum patiente ex altero sanguis initatur, iam ea ratione à nobis fieri dictum est, quòd inflammationum initio non in læsa ipsa parte, sed in proxima vena secanda est; Alterius igitur cruris vena eligitur tanquam ad reuellendum & deriuandum accommodata, & in lateris dolore non in pectore, sed in proximo & directo loco ad eadem faciunda venam secamus.

*Quæro  
etiā à te  
Etc.*

PV T A T autem Turinus sicuti in affectibus iecinoris, fluxus narium obortus curationem facit, non obstante ea quæ est superioris & inferioris oppositione, ita quoq; in dolore lateris & alijs etiam affectibus dextri, & sinistri oppositionem obesse non posse. Sed fallitur, nam motus quidem quos natura facit in morborum iudicijs insequi medicos oportet, at hi motus et si superioris & inferioris oppositionem contineant, non fiunt tamen inter dextrum & sinistrum. Neque etiam fida esse possunt naturæ iudicia, nisi fiant edirectò, vt si iecur patiatur, fluxus sanguinis è nare dextra omninò fieri debet, vt sequatur sanatio. Nos igitur rectitudinem seruantes, naturæ æmulii sumus, & adstipulatur etiam nobis Turinus qui superiore libro quem retractationē appellauimus, reuulsiones & deriuationes quæ secūdam rectitudinem fiunt alijs esse potiores Hippocratis, & Galeni sententia fatetur. Quæ verò sub lingua sectiones fiunt, iam non reuellentes, vt diximus, sed à læsa parte vacuantes appellandæ sunt. Quare plurimum differunt sectio primū cubiti, deinde sub lingua, & sectio vnius cubiti, deinde alterius; prior enim sectio à Galeno laudatur, posterior omittenda est, & à priori dissidet; cubitorum enim venæ magnæ sunt, & linguae parvæ, ab hisque non multa sanguinis copia educi potest, sed de his similitudinibus antea quoque pertractauimus.

*Cur etiā  
mi curti.  
Etc.*



Quod ut  
d' alte-  
ius &c.

QVAM verò hallucinetur cum reuulsione ad longissima in-  
cipiente morbo adhibendam putat, manifestè ostensum est à  
Curtio, neque idem prorsus significant reuulsio ad longissima,  
& venæ sectio, in quammaximè distante parte, itaque &  
Hippocratis dictum quod vena longissimè distans secanda sit,  
in præseruatione, vt diximus, non verò morbo incipiente,  
intelligitur.

Cū verò  
adducis  
&c.

QVOD autem Galenus id Hippocratis dictum in libro de na-  
tura humana, quo ad longissima venam secari præcipit, in  
sanis & in præseruatione intellexerit, id vel cœcis quidem ap-  
paret; nam verba ita habent. Mihi quidem videtur de sanis  
dictum esse. Non ergo in ægris, & iam patientibus Hippocra-  
tes loquitur; & Galenus etiam cum eius placiti authorem scri-  
ptorem nominat, satis videtur dubitasse ne alicui præter Hip-  
pocratem authori non sint ascribenda. In sanis igitur qui ali-  
qua in parte pati consuevere, per directam venam, & longin-  
quam præseruamus; Curamus verò per proximiorē cum  
iam affectus incœperit. Sicuti si quis in capite pati sit assuetus,  
is nondum incipiente affectu, directa in cruribus vena secta  
præseruabitur, in cubito autem & edirectò sectione adhibita  
curabitur. At in podagricis cum nec remotiores nec proxi-  
miores venæ magnæ sint quæ secari possint, præterquam in-  
cubitis, illas & præseruandi, & curandi etiam gratia secabi-  
mus. Nil ergo è græcorum libris afferri potest ad placita  
Turini confirmanda.

Nūc ve-  
rò iā tem-  
pus &c.

IDEM planè de Arabibus dicendum, & præsertim de Rhaze,  
qui cum venam edirectò secat, deriuare tantum & humore  
fluxo, & in statu morbi dici non debet, sicuti nec Hippocra-  
tes nec Galenus intelliguntur. Nostra enim sectio non tantum  
deriuat, sed reuellit, & fluentibus humoribus, & omni mor-  
bi tempore, vt millies ostendimus, adhiberi potest.

Quod ve-  
rò asseris  
&c.

IN QUIT verò Turinus. Si Galenus monet ad contraria sem-  
per reuellendum esse, quæ virtutis imbecillitas, aut defatiga-  
tio oppositam venæ sectionem insequi potest? Hic dicimus,  
cum in omni missione sanguinis aliqua semper virium defati-  
gatio ablato sanguine & spiritibus sequatur, quæ tamen eligi-  
tur



tur vt iuuamentum maius auferendi morbi consequamur, illæ sanguinis missiones iure sunt approbandæ, quæ multò plus iuuant quàm obsint; contrà vituperandæ, quæ suaptæ natura nullum ægrotantibus leuamen afferunt; Cùm igitur dolor vrget, & humores ad se trahit, tum subleuandus est æger missione sanguinis accommodata, non verò illa quæ subsidium non afferat, & vires debilitet. Adhibebitur igitur directæ sectio, quod idem fieret in crurum affectibus, si proximæ magnæ & directæ venæ reperirentur.

**T**ANDEM missa facio quæ in Rhazi interpretando de particula, Sed, comminiscitur; qui certè Rhazis. ix. libro ad Almāsorem venam edirectò in dolore lateris secandam consulit, nisi corpus multò sanguine fuerit repletum. Turinus verò nec in Rhazis sententia declaranda, nec vlla in re quæ ad venarum secandarum negotium attineat, authorum mentem intelligere videtur; quod cùm multis locis in eius opinione refellenda monstrauiemus, iam tempus est, vt nostra oratio ad reliquos scriptores, qui in eodem versantur errore conuertatur.

*Quod verò Rhazis &c.*



IOANNIS BAPTISTAE SVSII,  
DE VENIS EDIRECTO' SECANDIS,  
LIBER SECVNDVS.

ADVERSVS BENEDICTVM VICTORIVM.



BENEDICTVS Victorius qui Cur-  
tium multis modis aberrare, & à Gale-  
ni sententia in secandarum venarum ne-  
gotio dissidere existimauit, nouo quo-  
dam inuento suam asserere opinionem  
conatus est, in quo certè refellendo, pi-  
geret me multa reuocare ad memoriam,  
quæ in opinione Turini confutanda at-  
tulimus, nisi iam proposuissem vniuer-  
sos errores figillatim discutere, & eo planè ordine refellere,  
quo à suis authoribus commemorantur. Quod verò tempo-  
ris dispendium ex meo hoc instituto sequi videbitur, id opi-  
nor me compensaturum tum operis mei vsu, tum etiam qua-  
dam in singulo quoq; capite breuitate, ita fiet, vt nec vlla re-  
fellenda res, nec appositè dicendi ratio earum dico quæ à me  
præstari possunt, desideretur. Sed iam Victorium au-  
diamus.

Is igitur in primo sermone nouum quoddam tempus imagina-  
tur, præter ea quæ Hippocrates, & Galenus cunctis inflam-  
mationibus attribuere, quod quidem inquit initium viæ  
pleuritidis appellari, eñeq; cum humor lateris dolorem fa-  
cturus ad membranam fluit, quæ subtenditur costis, nec ta-  
men illam ingreditur, nec inchoat inflammationem, quo qui-  
dem tempore, dolorem inquit adesse punctorium, pulsum tē-  
sum, durum, ac paruum, inæqualem, tussim, & anhelitus diffi-  
cultatem; nondum verò putat accensam esse febrem. Quæ  
omnia, ex Galeno colligi asserit XV. cap. primi lib. de consti.  
arti. med. cum inquit. Neq; cum membrana costas subcin-  
gens



gens affecta fuerit, mox affectus vel scyrrhos vel œdema contingit. Huius etiam initij mentionem haberi inquit XXI. par. pri. libri de rat. ui. acut. morb. & in libro quoq; de vniuersalibus morbi temporibus; Quibus in locis initium inflammationis appellatur tempus fluxionis humorum ad particulam inflammandam. In huius autem principij ratione, integer nonnunquam dies, nonnunquam duo vel tres etiam continentur, cuius rei Galenum testem citat XII. commento primi libri aphoris. & libello eodem de vniuersalibus morb. temp. Hæc in summa sunt quæ Victorius imaginatus est, vt vel minimum spatium oppositæ venarum sectioni relinqueretur; Sed quàm vanè, quam q; falsò rationes eiusmodi ex Galeno deduxerit, facilè, nisi fallor, ostendemus. Primum verò non negamus, quin reperiatur aliquod tempus in quo fluat quidem humor, qui inflammationem facturus est, sed tamen membrana in costis subtenfam non ingrediatur, neq; dolorem lateris, aut vllā in totum læsionem efficiat, atq; istud etiam initium viæ pleuritidis appellari posse fatemur, quo tempore vena pedis Auicennæ consilio secanda est, cùm eiusmodi fluxus ante inchoatam pleuritidem incoeperit. Quòd verò adsint hoc tempore dolor sine febre punctorius, tussis, pulsus durus, & anhelitus difficultas, id planè falsum est, & nulla ratione comprobatur. Sed nec Gal. testimonio figmentum hoc approbari potest, neq; fieri potest vt sanguine eo pacto fluente, dolor punctorius absq; febre excitetur; nam dolor ipse, & febris, reliqua q; symptomata non facientis inflammationis, sed vel factæ, vel verè inchoatis, consequentia sunt. Cùm nāq; natura symptomatum eiusmodi sit, vt veluti vmbra corpus, ita ipsa morbum sequantur, quā fieri poterit, vt adesse possint nondum morbo facto, vel inchoato. At qui nulla hic ratio dolorem adesse suadet, cùm neq; calor adest intensus sanguine nondum corrupto, atq; si etiam intensissimus calor adesset dolorem efficere non posset, nisi iam inflammatio cœpisset; nam, & in ardenti febre, quæ, vt nomen indicat, summo calore prædicta est, nullus pungentis doloris sensus percipitur. Si ergo dolor adest, neq; ab vlla prorsus qualitate factus esse dici potest, necessarium



## DE VENIS EDIRECTO SECANDIS

necessarium est, ut à soluta vnitate oriatur. Quí verò fieri potest, ut id vnitatem soluat, quod nondum ad ipsam quæ solui debet partem puenerit? Omnis enim qui in hoc morbo sit dolor, ob eleuatam aut extensam membranam progignitur, membrana verò à sanguine eleuari aut extendi nequit, qui illam planè non sit ingressus. Accedit quòd dolor inflammationis symptoma est, præesse igitur debet inflammatio ante dolorem. Quid enim inflammatio est nisi tumor, tensio, ac dolor, à sanguine orta qui in affecta parte continetur? Præfuit igitur sanguis in affecto loco, si pungi membrana, & eleuari debuit, si pulsus etiam dūrities; si dolor, si difficultas anhelitus affuisse oportet. Neq; inflammatio præfuisse potuit ante febrem, cū, & febris simul cum ipsa inflammatione Gal. sententia oriatur. Quid verò si fateremur sanguinem propè membranam tendere illam posse, & dolorem excitare, cū ipsam non adhuc esset ingressus? Iam ne hic humor qui vicina membranæ loca repleuisset, melius educi posset, quàm venæ edirecto sectione? Quòd si dixeris remotiorē venam in præseruatione morbi secandam esse, id lubens assentior, si de morbo loquaris, quem quis pati sit assuetus; quo tempore neq; humor moueri cœpit neq; ad vicinas passuro loco partes deduci; Sin verò iam adsint dolor, & grauitas, proxima omninò vena secari debet; Sed Gal. auctoritates ad examen reuocentur, ut planè intelligamus ne tantillum quidem subsidij inde posse cōtingere, ad Victorij sententiam confirmādam. Vult Galenus XV. cap. lib. de art. med. constitutione, si dolor lateris adsit febrem necessariò comitem esse, cū in vniuersum inflammationes quæ in loco cordi propinquo sedem habent, febres etiam efficiant. lateris ergo dolor febrem adiunctam habet, quoniam, & inflammatio est, & in loco vicino cordi. Sin verò vel inflammatio à corde remota esset, vel propè cor, alius ab inflammatione affectus febris non accenderetur; vtraq; enim affecta, dico propè cor sedes, & inflammatio, ad febrem necessariò gignendam requiruntur. Si namq; in tunica costas regente scyrrhus contingeret, vel œdema, vel alius planè ab inflammatione affectus, neq;



neq; lateris adesset dolor, neq; febris. Atq; hic planè Galeni sensus est, vt è græco codice constat, & noua etiā trallatione. Victorius enim falsa litera deceptus in hoc intelligendo loco hallucinatur; id enim verbum, neq; in barbaro, & falso codice legebatur; cuius loco vel dictio, si, vel, vbi, vel, quando, debet apponi, & Gal. oratio ad prædictum sensum accommodari. Falsum igitur est, quod Victorius affirmat, mēbranam subtensam costis affectam esse posse ab humore quidem inflammationē nōdū faciente, sed ad illā efficiendā accommodato, neq; pleuritidis affectū, neq; febrē comitari; nā ob sanguinē, vt diximus, membranæ dolor excitari non potest, nisi affectus ipse adsit, & febris. Iam verò ne verbum quidem apud Hippocratem reperietur primo libro de rat. vi. acut. morb. quod opinioni Victorii adstipuletur; nō n. loquitur Hippocrates de ficto viæ, sed de vero morbi initio, in quo quidem postea quam decentem victus rationem instituerimus, venam secari ex affecta parte contuluit, vt & Victorius affirmat; Falsò tamen existimat hoc morbi initio vniuersum humorē defluxisse, qua de re supra meminimus, & Gal. testimonio ostendimus veris inflammationum initis partim quidem fluxisse humores, partim etiam fluere posse; quo tempore venam diximus patienti particulæ directam secandam esse; Hallucinatur præterea Victorius, cum fictum hoc à se viæ initium putat proprio Gal. lib. reperiri de morbi temporibus. Nam, vt eo loco vera, & naturæ morborum propria tempora commemorantur, ita, & verum initium, quod non in viâ, sed in substantia, & natura morbi continetur declarari par est, ne vel diminuta vel incerta Gal. videatur oratio. Sed Gal. sententia adducatur; Inquit verò tunc initium esse morbi, cū humor fluens partē sanguine replet, atq; eleuat in tumorem; ergo in læsa parte hoc tempore adest humor. Neq; ratio aut experientia comprobare potest, vt predicta à Victorio symptomata absq; febre hoc tempore adesse possint, etiam si id viæ initium concedamus. Humor enim inflammationē factururus ita febrem, sicuti do orē, & reliqua quæ diximus afferre debet; Nisi fortè dolorem velimus adesse, qui ex flatu nulla præsentē febre solet excitari,



sed tamen si talem adesse dolorem illo viæ initio statuerimus, non aderit pleuritis, nec eiusmodi affectus venæ sectione curabitur; Quare hæc imaginatio à nostra tractatione aliena est; Sicuti, & altera quoq; cum sanguinem fluxisse Victorius imaginatur, qui non statim sed diebus interpositis accendatur, & febrem pariat; vt enim non statim accendi potest humor qui fluxit, ita modicum omninò erit id tempus, taleq; , vt à medico compræhendi ferè nequeat; nam qui in læsa parte continetur sanguis, incallescere primùm solet eousq; dum putrescat, & febrem efficiat, quam dolor, tussis, cæteraq; quæ diximus insequuntur. Sed altero quodam fundamento Victorij opinio niti videtur, nam Galenus III. lib. de præsagat. ex pulsibus cap. V. septo transuerso in neruosa parte affecto dolorem, tensionem, & pulsus duritiem adesse posse opinatur, nulla præsentente febre. Cùm igitur postea dixerit persimilia in pleuritide contingere nocumenta his quæ fiunt in affectu neruosæ partis septi transuersi, quid prohibebit quin dolor, pulsus durities, & reliqua à febre symptomata in pleuritide reperiuntur? Hic verò longè fallitur, & Gal. sententiam non est assecutus. Nam Galenus superflua voluit quæ in pectore continerentur, si septo transuerso adhærerent dolorem inferre, nō tamen necessariò pungituum. Item tensionem pulsus antequā putrescant efficere, quòd si putrescant necessariò febris aderit. Si verò leptum transuersum inflammationem patiat, aut lateris dolor adsit, qui & ipse inter inflammationes reponitur, febris abesse nō potest, atq; ita Gal. verba. Si ex fluxione quæ in ipsum incumbit &c. exponi debent. Cùm verò inflammatio adfuerit tunc inquit; Omninò delirabunt, & pulsum durum, paruūq; habebunt, & quia copiosus est calor .i. febris adest, omninò creberrimum. Eodem pacto febris aderit in lateris dolore, quòd in ipso multa caloris est copia. Si igitur Gal. sententia rectè intelligatur, ex prauo verborū sensu quod Victorius fecit non decipiemur.

C V' M' verò rursus imaginatur multos humores circū subcingentem costas membranam fluxisse, qui vt de transuerso septo diximus, tensionem, & dolorem absq; febre vel inflammatione



tionem efficiant; videtur planè hæc admittenda esse imaginatio, sed Curtio non aduersatur, nam hoc casu vena edirectò secari debet, cum vicinæ inflammando loco partes repletæ sint. Hic verò piget afferre rationes illas, quæ ad hoc asseuerandum sæpe attulimus. quare his reiectis locis, quibus primus Victorij sermo consumitur, ad eas rationes refellendas accedamus, quæ non alienis è libris, sed è proprio ingenio deprompsit.

PRIMUM igitur existimat venæ directæ sectionem perperam adhiberi, cum humor adhuc fluit, ea præsertim ratione, quia ad duas diametros reuelleremus, & hæc etiam nullo pacto reuulsio dici posset. Sed hæc inuicem pugnant, quòd reuulsio ad duas diametros fiat, & quòd reuulsio non appelletur. Præterea falsum est quòd venæ sectio edirectò duas diametros intercipiat, nam hæc sanguinis missio nullam perfectam diametrum continet; Educit enim sanguinem vicinorum locorum, qui ad inflammata partem fluit, & inflammationem auget, vt sæpe diximus; neq; ex hoc sequitur vt hæc reuulsio per duas diametros fiat, vt apertè vel Auicenna teste III. parte pri. lib. potest intelligi, cum eiusmodi reuulsionis formas docet. Sed age suasmet rationes Victorio opponamus. Cum enim statuerit vt vero pleuritidis initio venam affectæ partis secemus, hoc vero initio humor partim fluxit, partim fluit; Item cum reuulsio fluentium humorum medela sit, sequitur necessariò vt venæ directæ sectio vel reuellat, vel perperam adhibeatur. Sed his omisissis, quæ antea quoq; reprobata sunt, reliquas Victorij rationes refellamus.

*Prima  
ratio Vi-  
ctorij.*

IN secunda, maximo fluxui maximam reuulsionem competere inquit; venæ verò edirectò sectionem non maximè reuellere & hac rōne nō adhibendā esse opinatur. Sed errat, neq; adhibet distinctionem inter magis ac maximè fluere, & fluere multū, vel maximum humorem; ad eam enim partem quæ dolet, & paucus humor vehementer, & multus moderatè fluere potest. Reliqua confusè admodum dicta sunt; Cum enim duæ sint fluxiones, altera à toto corpore ad vicinas inflammationi partes, altera ab his ad locum inflammationis, in veto pleuritidis initio cum iā dolor cœpit, maximè fluet humor à vicinis par-

*II. ratio  
Vict.*



## DE VENIS EDIRECTO SECUNDIS

tibus ad eam quæ afficit, quoniam dolor fluxiones vehementer irritat, & inflammationes auget. Si verò hoc tempore vena edirectò secetur, quî fieri poterit, vt non reuellat? Quandoquidem si ex altera parte sanguinem mitteremus, nihil eius fluxionis, vel parum omninò reuelleretur; Sed hic quoq; ratio reflectatur. Essentiæ morbi initio humor à vicinis locis ad affectam partem maximè fluit, maximè igitur reuelli debet; Cùm ergo directà sectio Victorij sententia, non maximè reuellat, non poterit etiam hoc tempore adhiberi; Victorij dico sententia, qui directam sectionem essentiæ morbi initio maximè competere existimauit.

*III. ratio  
Victo  
rij.*

**FALLITVR** etiam cùm directam venæ sectionem ideo non reuellere opinatur, quia in extremo diametri rectitudinis esse non videtur, sed via quadam inæqualiori consistere. Nam si à vicinis partibus humor feratur ad inflammationem, iam in extremo diametri rectitudinis esse videbitur, quæ rectitudo est inter vicinas partes, & inflammationis locum. Si igitur auferatur optimè fiet reuulsio, & quæ ab altero ad alterum extremum humorem trahat.

*IIII. ratio  
Victo  
rij.*

**IN** sequenti verò ratione multa incassum affert, vt fluxionem è dextris in sinistras partes, & è sinistris in dextras fieri posse probet, & ex his nostra reuellendi ratio reprobetur. Sed facile refelli potest ex ijs quæ sæpe diximus; nam quomodocūq; humor fluat, priusquam vicina loca passuræ parti repleuerit, potest per sectionem venæ cubiti vel pedis fieri præseruatio, sin verò vicina affectæ iam parti loca repleta sint, quia inde rursus humor fluit ad inflammationem, sanguinem ex directâ parte mittere oportet, quod & Victorius concessit, etiam si multis hinc inde verbis tergiuersari videatur; Cum verò inquit ex proprio Gal. libro de curandi ratione per sang. miss. probari posse directam venæ sectionem non esse reuulsuam, hallucinatur admodum, & suo arbitrato rem effingit.

*V. ratio  
Victo.*

**FALLITVR** adhuc magis, cùm particulari casu posito, vniuersi iâ defluxi humoris in vniuersum existimat directam venæ sectionem humorem qui fluit educere non posse. Posito enim



enim quod fluxerit iam humor penitus, certè quælibet venæ sectio fluxionē quæ nulla est inhibere poterit, nō verò fluens humor educetur. Neq; hinc asseuerandum est in vniuersum non posse educi fluentem humorem ex directâ venæ sectionē, etiam si particulari illo casu cū n rāi ultra fluit, fluens humor non vacuetur. Falsum etiam est directam venæ sectionē deriuare tantū posse Gal. sententia, non verò reuellere; & Gal. verba oppositū innuere videtur. atq; vt ante diximus, ē Curtij lib. potest intelligi, eadem venæ sectione reuulsionem simul ac deriuationem fieri posse. Falsus igitur est hic argumentandi modus; Reuellit, ergo non deriuat, vel deriuat, ergo non reuellit. Gal. etiam II. lib. ad Glauc. manifestē Victorio aduersatur; Nam patiente vtero reuellit quidem venis cubiti sectis, deriuat per sectionem venæ pedis; Sed utroq; tamen casu rectitudinem seruandam docet, vt si dextra pars affecta sit, dextram venam, si sinistra, sinistram secemus.

M V L T A diximus de reuulsione ad longissima moliēda, & quo pacto venarum edirectō sectiones reuulsivæ possint appellari. Quare cū Victorius inquit saphenæ sectionem initio adhibendam, & per directam venam sectam reuulsionem fieri non posse, fallitur; Docuimus enim quo pacto, & quo tempore longissimæ reuulsiones quæ p venas pedum fiunt, adhibendæ sint; quippè non ipso morbi initio, neq; cum superiores corporis parte sunt affectæ, sed eo tantū tempore cū futurum morbum timemus. Cū enim inflammatio incœperit, à læso magis loco educere intendimus, quā reuellere; præter id quod reuulsiones oēs secundum rectitudinem fieri debent, & ipsa directâ sectio reuellit, & ad contrarium motus humorem trahit. Sed animaduertere oportet quō hæ rationes inter se dissident, si quidem posterior ideo asserit directas venarū sectiones non reuellere, quia ē contrario non fiunt; prior verò edirectō reuellendum monet, sed ad quam longissimam partem; quare Victorius simul docet fluentes humores nunc edirectō, nunc ē contrario reuellendos esse.

Q V O D autem Hippocrates Victorij sententiæ adstipuletur, cum in lib. de natura hominis venas à dextro ad sinistrum di-

*VI. ratio*

*VII. ratio Vict.*

*VIII. ratio Vict.*



xit deriuari, planè refellitur, & ipso teste Gal., qui in eius loci interpretatione illam sententiam tanquam Hippocrate indignam reprobauit. Falsum enim est quòd venæ à dextris partibus ad sinistras, vel contra à sinistris ad dextras deriuentur. nam à magna vena, quam chilis dicunt, venæ deducuntur æqualiter, & ad dextram, & ad sinistram partem.

IX. ratio  
Viñ.

QVÆ verò præterea de reuulsionibus ad longissima faciendis adducuntur, iam planè à nobis confutata sunt, cùm diximus eas reuulsiones præcauendi gratia adhibēdas, testimonio Gal. in commentario lib. Hippocratis de natura humana. Reliquæ verò auctoritates, etiam si in sanis corporibus non intelligerentur, rectitudinem tamen seruandam supponerent, & in his ē potissimum morbis ac temporibus veritatem haberent, in quibus reuellere magis, quàm à loco educere propositum esset; sin verò eductio à laesa parte magni facienda est, Gal. consilio cauere oportebit, ne hoc vsu seposito longissimas vel longas reuulsiones aggrediamur, quæ vt sæpe probauimus, vel nihil vel parum prorsus adiumenti possunt afferre. Quòd verò ipse etiam Victorius inflammatione verè inchoante directam venam secet, supra quoq; à nobis dictum est.

X. ratio  
Viñ.

QVID autem absurdius excogitari potest, quàm dolorem prima vel secunda die ad notatu digna incrementa non posse perducere, asseuerare? Hoc ipsum enim & ratio, & experimentum testatur; quare si vigor is accesserit, venam ex affecto latere secari oportebit, quam etiam secare solemus antequam eiusmodi vigor appareat. Sed planè refellendus est argumentandi modus quo Victorius vtitur; ait enim. Plerunq; in pleuritide accidit vt sanguis ad animi defectionem vsq; mittatur, id verò fit secta edirectò vena, sed initio tantam fecisse vacuationem non prodest, non igitur venam edirectò morbi initio secabimus; quasi non possimus ex eademmet vena & modicum sanguinis auferre, quod ad sanandum sufficiat, & rursus non modo animi defectionem, sed planè mortem afferre.

XI. ratio  
Viñ.

CONSIMILI quoq; fallacia sequens ratio niti videtur, sed illa omissa, ratio reddenda est coloris sanguinis, qui mutatur. Hæc verò ratio est, quoniam cùm edirectò secatur vena, is  
primum



primum sanguis exit, qui loca repleuit vicina inflammationi & ex parte ad ipsam fluxit inflammationem; deinde alter sequitur qui iam alterationem suscepit. Cum igitur anteq; morbus incipiat color nondum sanguinis sit mutatus, non ideo brachij directi venam secabimus, ut inquit, sed pedis potius aut brachij non directi, nam hoc tempore sola præservingandi ratio proposita est, quæ fieri potest ut diximus, ex eiusmodi venarum sectione.

**TANDEM** quæ de humorum fluxu adducuntur, ex ante narratis declarata sunt; duo enim humorum fluxus in his quibus de agimus morbis adesse solent, alter à toto vel à quapiam corporis parte ad loca inflammationi vicina, & hic plerunq; fluxus incertus est, & proprijs caret indicijs; alter ex vicinis partibus ad sedem inflammationis, cui initio occurri solet vena edirectò secta, ut Hippocrates, & reliqui sapientes scriptum literis mandarunt; quo omisso subsidio, aut graue periculum, aut certa mors afferri solet. sed iam rationibus reiectis alterum libri caput percurramus.

*XII. ratio Vict.*

**PRIMUM** verò similem curationem esse inquit pedum vel manuum laborantium, & ipsius dolentis lateris; sicuti igitur ex ipsis patientibus manibus vel pedibus sanguis initio non mittitur, ita ex affecto latere non erit secunda vena, cuius rei testimoniū Gal. affert II. libro ad Glauc. qui similem esse curam ait internorum, & externorum affectuum. Sed Galeni locus non ita intelligendus est ut Victorius asserit, & similitudo curationis hac ratione potius consistit, ut sicuti quocunq; loco patiente ex eo ipso sanguis mitti non debet, ita si alter pedum laboret, ex altero sanguis mittatur, & in pleuritide, non statim fiat in ipso patiente loco scarificatio, sed vena directi brachij secetur. Hoc igitur internæ, & externæ inflammationes commune habent, ut ex eis ipsis patientibus locis, non mittatur sanguis, sed ex quamproximis. Victorius verò suarum rationum oblitus esse videtur; si namq; initio essentiae pleuritidis sanguinem mittit ex affecto latere, ergo crure patiente ex eo ipso sanguis mittetur, & morbi initio, quod non solum Galeno, sed cunctis etiam medicis aduersatur.

*Secundi capitis Vict. primum principale,*

**Fallitur**



## DE VENIS EDIRECTO SECUNDIS

Secūdum  
principa  
le. Vict.

FALLITVR magis cūm dextro crure patiente venam sinistri  
brachij secari posse contendit, idque Gal. testimonio .ij. libro  
ad Glauconem, & ex alijs quoq; locis, cūm reuulsionem ē  
dextro ad sinistrum faciendas docet, nam in loco .ij. libri ad  
Glauconem antiqua illum fefellit trāslatio, quod aperte in no-  
uo latino codice, & in græco etiam corrigitur; & præterea  
falsissimum est quod inflammato genu, vel crure dextro, ve-  
na sinistri brachij secanda sit. Si verò Galenus dicit humores  
dextrum versus fluentes reuelli cūm ad sinistrum trahuntur,  
id quidem concedimus, sed nihil Victorio adstipulatur,  
quandoquidē plerisque locis monuerit venas edirectō secādas  
esse. Aberrat quoq; cūm in reuulsione quæ ad contrarium fit,  
contrariā intelligit partem. At instat Victorius quadam cap-  
tiuncula, si humor ad dextrum fluit, terminus ad quem mo-  
tus, est dextrū, si igitur reuellere voluerimus, terminus à quo re-  
uulsionis, idem erit dextrum, illius verò cōtrariū erit terminus  
ad quem, sed dextro contrarium est sinistrum, & non aliud;  
ergo humore ad dextrū fluēte, reuulsio ad sinistrū, & non ad  
aliud facienda erit. Hic verò, præter id quod rationem re-  
uulsionis ignorat, suo etiam se ipsum refellit argumento, Nā  
humore introfluente, terminus à quo reuulsionis erit intus,  
huius contrarium terminus ad quem, sed intus contrarium est  
extra, & non aliud, igitur humore intro fluente, si extra duxe-  
rimus, reuellemus. Item humore ad medium inter sursum &  
deorsum fluente, terminus à quo reuulsionis est idem me-  
dium, cui contrarium est sursum vel deorsum, & non aliud,  
igitur humore ad medium fluente, sursum vel deorsum reuel-  
lendi gratia trahemus. Putat verò Victorius, si quamlibet  
euacuationem quæ extra corpus ducat, ad longissimā ducere  
existimemus, etiam pharmacum patiente ventriculo vel inte-  
stinis exhiberi posse, quippè, & reuellet, & extra corpus du-  
cet. Sed non ita dictum est à Curtio, reuulsio enim quæ fit ad  
longissima, inflammationum initijs non conuenit, sed satis est  
si reuellamus, & extra corpus ducamus. Hæc verò si libet lon-  
gissima etiam appelletur, quoniam longissimum attingit locū,  
quem reuellentes assequi possumus. Pharmacum verò de quo  
loquitur,



loquitur, etiam si aliquid ducat extra corpus, non tamen reuellit, sed humores magis trahit, & inclinat in læsam partem. venæ igitur directæ sectio, in ijs qui pleuritide laborant ad longissima trahere diceretur, quoniam reueilit, & extra corpus ducit. Fallitur etiam Victorius cum humoris motum qui à medio sursum fit reuulsionem non esse opinatur, hoc enim antea quoq; à nobis ostensum est, & rōne comprobatur, nā si reuulsio à medio sursum, vel contrā à superiori loco ad mediū nō fieret, in lippitudine, & dolore capitis venas cubiti non secaremus, quæ tñ secantur, & Gal. teste reuellūt. Sed hæ vocum qōnes omittantur, nam id in vniuersum iam diximus, humores quomodocūq; fluant reuelli, si ad sui motus contrariū ducantur. Venæ verò sectio edirectò, et si deriuare dici pōt, simul tñ reuellere sæpe dictū est. Quod aut venæ sectio brachiorū patiēte vtero deriuatiua sit, planè falsū est, et Gal. aduersatur. Cum verò Victorius faretur reuulsionē limitatē appellādā cū vena secatur edirectò, quæ cū suapte natura deriuat, reuellere dicitur ob eam, quæ fit extra corpus, eductionem, miror cur veræ reuulsionis rōnem à venarū sectionibus dirimat, quæ humores ad motus contrarium reuellunt, qui et si ad longissima nō ducantur, attamen à reuulsionis nomine, & rōne non absunt, quæ in contrarietate motus fundantur. Fatemur quidē reuulsiones, & cū euacuatione, & sine ipsa et fieri posse; sed nō dicimus eas, q̄ cū euacuatione fiunt, reuulsiones deriuationis nomen subire, cuius rei testimoniū haberi pōt à Gal. II. libro ad Glauc. cū venæ brachij sectionem, quæ fit affecto vtero, reuulsuam nuncupat, nō deriuatiuā, vt perperā Victorius intellexit; cui quidem minus videtur fauere motuū illa varietas, pro qua emendanda varia et remedia conatur asferre; fatemur. n. humorē, qui infra est, sursū trahi, qui intus extra nō qui sursū extra, aut qui infra intus. Fatemur et cōtrarietate inter sursum & deorsum, rectitudine niti, quæ verò inter extra & intus, profunditate, sed dicimus vnica venæ sectione humores, & sursū, & extra simul duci posse, nihil. n. prohibet quin humor, qui infra est, & intus, ita à medio extra, sicuti sursū moueatur. Quod verò inquit cucurbitulæ appositione à profunditate corporis, ad extra trahēdū accō-



modatiorē fore, quā venæ sectionē, rectē quidē inquit, sed non id tantū ipsi volumus vt humor à pfundo trahatur, iminò verò & sursum trahi, & per venæ magnæ sectionē reuelli debet; quo fit vt cū multæ intentiones connexæ sint, multis quoq; remedijs indigent, quæ cuncta vnica venæ edirectō sectione fieri posse iam dictū est. Humor igitur, qui deorsum est, & intus, simul sursum & extra trahi debet, & non ad vnicum, sed ad duplicem terminum ad quem, reuelli.

III. prī  
cipale  
Victorij.

LOCVM aut Gal. III. lib. Medicinalis artis iam Turinū refellētes exposuimus; nam vniuersi corporis vacuatio, quæ cæteras natura præcedit, à nobis ēt suscepta est, sed eo tñ pacto, vt simul vrgēti morbo occurramus. Cæterū si Victorius cōcescit initio essentiæ pleuritidis venam eidirectō secandā esse, & ea præsertim rōne, qm̄ vniuersus humor defluxit, quo mō nō aberrabit hoc loco, cū vniuerso defluxo humore, totū corpus euacuādū putat per oppositæ venæ sectionē? Aberrat ēt cū Gal. locū, qui disiunctim positus est, copulatim intelligit, nā Gal. inquit totū euacuare corpus, aut omninò ad cōtraria loca reuellere. Quæ verò subiecit verba ad rē præsentē nō attinēt, nā vel dicas quāto per maiora, vel quāto per minora, nil indē sequi poterit cōtra nostrā sententiā, licet legi oporteat, per maiora vt in eius loci interpretatione Curtius optimē adnotauit.

IIII.  
principa  
le Vict.

PIGET me eadem sæpius referre, sed cogor inuitus cum iīdem frequenter errorem replicent. sæpe enim à Curtio, & à nobis ēt dictum est, quo pacto eadem venæ sectio reuulsiva, & deriuatiua dici possit, nam si humoris motū spectes, qui ē paruis venis magnas ingreditur, nostra venæ sectio reuellere dicetur. Si humorē spectes, q̄ ascēdat, uel descēdat p̄ venā, quā chilīs appellāt, deriuatiua erit sectio, & ad latera motus trahet; hæc verò rō est, qua multi aduersariorū errores refelli possunt. Sed age Victorij suismet argumentis torqueamus, nā antea concessit in Essentiæ pleuritidis initio, venā ex affecta parte secari oportere, quā igitur venā secabit hoc eodē initio, si aliqua ex parte adhuc humor fluatur? Si directam, cū hæc sectio deriuatiua sit, iure videbitur de fluxu tantum humori, non fluenti accōmodāda. Itē reuulsiva dici non poterit, qm̄ ad longissimas partes nō trahet



her. Neq; et à læsa ipsa parte educere dicetur, qm̄ ex Victorij placitis tales euacuationes certā afferūt mortē, si morborū initijs adhibeātur. Nullo igitur pacto venæ directæ lectio adhiberi poterit essētiæ pleuritidis initio, quod tñ Victorius affirmavit.

P O R R O' cūm fluentem humorem deriuari non posse putat, decipitur; Nam qui ad latera motus trahitur, dicitur deriuari. Item fallitur in ea argumentandi ratione cūm inquit, humor ad contrariū reuelli debet, igitur à sinistro ad dextrū, vel à dextro ad sinistrū trahendus est. Sed nō mediocres adhuc angustiae Victorio videntur imminere si enim humor sit intus, duci extra debet. si deorsū, sursum trahi; si igitur deorsum, & ad dextrū fluat, iam sursum ad sinistrū trahetur, multæq; simul reuulsiones fieri debebunt, non vnica. Sed errauit adhuc grauius in loco Hippocratis & Gal. intelligendo, primo lib. prædictionū, par. xxxiij. inde enim putauit Victorius, si liene inflammationē patiente, sanguis per sinistri brachij venam sectam sursum trahatur, hanc tractionem ad contrariū nō esse, & in vniuersum nullā edirectō missionē sanguinis reuulsionis nomen merere: quæ adeo falsa sunt, vt declaratione non egeāt; maior enim est supernæ & infernæ partis contrarietas, quàm sinistrae & dextræ; vt Gal. mittā qui II. libro ad Glauc. & lib. et de sang. mittendi ratione, alijsq; locis reuulsiones, deriuationemq; secundum rectitudinem faciendas docet. Verba verò libri prædictionum contrarij nomine oppositam partem nō intelligūt, sed ita potius exponenda sunt. Liene grandiore, fluxus sanguinis nariū edirectō factus .i. in sinistra parte, iuuat; cōtrā verò factus .i. non edirectō, sed in dextra parte, nullū subsidiū afferre potest; ita è contrario idem quod nō edirectō intelligimus; utitur enim Galen. his verbis oppositis κατ' ἑν, & ἀνὰ πάλιν, quorum illa edirectō, hæc è contrario significant; neq; hic sensus obest, imò verò fauet, vt directam venæ sectionem in reuellendis humoribus eligamus, quæ fluentes humores ad prioris motus contrarium auertit.

A T instat Victorius; si directā venam in dolore lateris secamus quia à medio ad aliquod extremorum corporis humores intendimus auocare, cur breue spatium inter medium & locum su-

V. princeps pale. Vict.

VI. Vict.



## DE VENIS EDIRECTO SECANDIS

periolem eligimus, non verò inter medium, & inferiorē, quod ad reuellēdum aptius esse videtur. Hoc verò ex his quæ antea diximus refelli pōt. In dolore. n. lateris intentio est nō reuellēdi modò, sed à læsa etiam parte educēdi, vnde venæ sectio pedis vel oppositi brachij iure omitti debet, vel eo tm̄ temporē adhiberi cūm velimus à morbo qui nondū corripuit præcauere.

**C**v' m verò affert authoritates librorum Hippocratis de hominis & de ossium natura, afferrimus & ipsi interpretationem Gal. vt & antea fecimus; nam veritatem tantū habent in sanis, & qui nondum patiuntur. Quæ verò ex Hippocrate allata sunt, libro qui inscribitur de locis in homine, palam loquuntur de cucurbitulis sine scarificatione, non de secandis venis. & ille præterea liber qui circumfertur Hippocratis nomine, multa cōtinet Hippocrate indigna, vt Gal. testatur III. libro de ratione vict. acut. morb.

**P**A V L V M postea secū sētire Victoriū existimat, in opposita, & longissima reuulsione adhibenda, quā quidem ipsi quoq; suscepimus cūm nihil educere intendimus à læsa parte. Sed iam mentem Pauli sumus interpretati, qui si etiam ita intelligeretur, Victoriū etiam aduersaretur, qui essentiæ pleuritidis initio, in quo fluere humor potest, proximas, & directas venas secavit. His autem omīssis quid absurdius excogitari potest, quā quod hic à Victoriū confirmatur. Iecur dico, & lienem ab humore aliunde fluente inflammari non posse: iam ne non poterūt à reliquis corporis partibus ad has ipsas humores transmitti: vel vena, quæ chilis dicitur, quæ vniuersum ferè corpus irrigat, riuulos replere non poterit, qui iecur & lienem pertingunt, & inflammationem efficere, nil certè ab homine Medicæ artis perito, aut dici, aut excogitari potuit peius.

**A**ëtij postea locum affert, in quo quidem bifariam decipitur. primū quod quæ inquit Aëtius Archigenis sententia, quasi Aëtij propria sint adducuntur; deinde nō videtur legisse propriam Aëtij opinionem, qui. iij. lib. xij. capite nobis apertè fauet, & Victoriū sententiæ aduersatur. Quæ verò ab Aëtio Archigenis opinio recitatur, minus curanda est, cūm idem Archigēnes multis & magnis in rebus, quæ ad rem medicam attineant



attinent, sæpe reprobetur à Galeno.

**D**E M V M minus favere pōt Victorio alterū Archigenis dictū, q  
in dolore lateris subcingentem costas membranā, in latū extēdi  
existimavit; Hinc verò argumentatur Victorius reuulsionem  
quoq; secūdū latū faciendā vena oppositæ dextræ vel sinistræ  
partis secta. Sed fallitur. nō. n. lata tantum fit extēfio, sed vena  
ē affectæ partis lata via procedit; quo fit vt illa secta reuulsio  
fieri videatur secundum latum. Sed iam nimis immoramur in  
authoritatibus refellendis, quæ à Victorio adductæ sunt.

**R**eliquum igitur est, vt responsionibus occurramus, quæ sermo-  
ne sequenti commemorantur.

**P**rimū verò Hippocratē & Gal. ij. &. iij. lib. de ratione vict. acut.  
morb. interpretatur, & multis sanè verbis, vt de fluxo iam  
humore non de fluenti verba fecerint, cū venam edirectò se-  
candam consulere. Sed hic laborandum non est, vt prauum  
sensem qui iam reiectus est repellamus, diximus. n. humorem  
quidem ad vicina inflāmatiōi loca defluxisse, inde aut ad affe-  
ctū locum defluere, & augere inflammationem, quo tempore  
venam edirectò secandam satis superque monstrauius.

**C**v' m' verò inquit, non esse ideo apud Hippocratē vel vnicū ver-  
bum de vena ex opposito secanda, quia nunquā de viæ initio  
locutus est, sed de humoribus tantū defluxis, assentimus qui-  
dem Hippocratis verba in essentiæ pleuritidis initio intelligen-  
da esse, inde verò nihil contra nos afferri potest, qui ante pleu-  
ritidis initium sanguinem non mittimus, nisi ex pede, vel op-  
posito brachio, quod si secus sentiat Victorius, sibimet, non  
verò nobis aduersatur. Ita ē. iij. lib. de ratione vic. acut. morb.  
nihil cōtra nos affertur, neq; ē ex lib. Hippoc. de natura huma-  
na, si quæ antea, sæpeque diximus ad memoriam reuocentur.

**C**v' m' ēt Hippocratē in suā sententiā nititur trahere, qui. iij. lib.  
de rat. vict. acut. morb. pharmacū quarta die exhibendū præci-  
pit, & alibi Anaxioni lateris dolore laboranti sanguinem milit  
octaua die, rectè quidem existimat directam venæ sectionem  
defluxis iam humoribus, & pharmacum etiā locis illis adhi-  
beri. Sed non sequitur eadem remedia fluentibus quoq; hu-  
moribus non esse adhibenda, nam eadem venæ sectio vtrisque  
temporibus



temporibus conuenire potest, fluentibus quidem humoribus, si initio adfuerimus, defluxis verò, si quando esset omissa. Quæ verò adducit de pharmaco quarta die exhibendo, iam ex Galeno reprobata sunt, qui illo commento eam sententiam neq; Hippocratis esse, neq; Hippocrate dignam existimauit, nam prima statim die vbi morbus inchoauit, & humores ad vicina affectui loca defluerint, indeq; ad affectum fluant, si dolor descendit pharmacum protinus est exhibendum, sint ascendant, vena edirectò secanda est. Quæ verò sequitur ratio perperam adducitur, nam Curtius ita semper existimauit, vt humori partim fluxo partim fluenti, directa sanguinis missio cōpeteret. Fingit autem Victorius, vniuersum humorem defluxisse, & nondum cœpisse inflammationem.

*IIII. re sponsio Vict.* **I**N S T A T præterea Victorius pessimo sanè fundamento, humorem inquit qui neq; turget, neque concoctus est, euacuari prorsus debere, simul verò Hippocratis sententiam peruertit. in lib. de ratione victus acut. morb. particula. xix. aduersus quam opinionem ita Curtius publicè dimicauit, vt quot quot eam medendi rationem insequuntur, vel protrahere morbos, vel mortem afferre demonstrauerit, desiniuntur. n. turgētes humores, qui ante concoctionem educi possunt. xxij. Cōmento primi libri aphorismorum, & viij. et libro de cōpositione medicamentorum secundum locos, vnde verba Gal. clariora esse non possent contra malos nostri temporis medicos, qui secus opinantur, & operantur. Quod & olim fortassis opere dicato à Curtio monstrabitur. Hallucinatur igitur Victorius, cum loco adducto ex Hippocrate probari putat ante pharmaci exhibitionē sanguinis missionē præmittendam, nihil enim ibi probatur, sed inconuenientia dūtaxat adducuntur, quæ pharmaco ante concoctionem exhibito consequi solent. Licet verò, id omninò verum sit, venæ dico sectionem pharmaco præmittendam, cum vtroq; subsidio indiguerimus, nulla tamen huius rei probatio, & loco adducitur ab Hippocrate. Errat etiam Victorius, cum in dolore lateris putat humores adesse turgentes, dolore inquam ascendente, nam potissimum turgent humores cum suo motu excretionem adiuuant.



In dolore autem lateris hoc euenit, cum humores suo motu viam educationis præmonstrant, & sibi ipsis opitulatur, quod multis Galeni testimonijs antea quoq; declarauimus.

**L O C V T V S** verò. xxij. aphorismi. vi. libri cum dolores, à dorso ad cubitum descendentes vena in cubito secta iuuari dixit Hippocrates, nostræ fauet opinioni, cum dolores à pectore ad internam brachij partem ascendentes, venæ edirectò secta curamus. Quæ verò affert Victorius vt naturæ motus indicet, & reliquos quos sibi vendicat affectus tanquam symptomata, & obsecutè dicuntur, & nihil ad propositum negotium videatur attinere. Mirum enim est, quòd ignoret ita dolorem posse protendi à pectore ad internam brachij partem, sicuti à dorso ad cubitum descendere, quibus vtrisque casibus optimus ad educendum locus inueniri potest. Non est autem committendum, vt medicus prauum humoris motum, qui vel ad membranam subcingentem fieri potest, vel à cubito, vel aliundè ad inflammandum dorsum immittetur; sed tamè vtroque casu vena edirectò in cubito secari debet, ne frustra inuitemur ab humore eò repente, & inclinante, ad illam partem euacuandi gratia eligendam.

*V. respō.  
Viēt.*

**R V R S V S** verò reiectam aliàs rationem victorius adducit, & naturæ motum eo tantum tempore imitandum asseuerat, cum morbi vigor adfuerit, tunc enim optima iudicia fieri solent, quo fit vt. xxi. aphorismum primi libri in solo morbi vigore verificet. Sed Galenus. x. Commento. ij. libri de ratione victus acut. morb. eam sententiam, quæ motum naturæ imitandum suadet, dolori lateris accommodauit, vnde Victorij opinio refelli potest, qui eam quorumlibet morborum vsui magis, quàm lateris dolori conuenire existimauit.

*II. prin-  
cipale  
Viēt.*

**M V L T A** addit de mittendo sanguine in iecoris vel tunicæ costarum inflammatione, duplicemque reuulsionem declarat, alteram humorem inflammationis, alteram eum qui fluit educentem; quas quidem suo viæ initio adhibendas asseuerat. Hic verò negari non debet, quin fluens humor vnicus aliquando reuellatur, aliquando simul educatur qui inflammata partē obsedit, duplicemq; fieri reuulsionē, etiā si id non esset

*III. prī  
cipale  
Viēt.*



esset à Galeno confirmatum; reuellitur enim humor cum euacuatione à læsa parte, veluti in dolore lateris fieri diximus, cum vena edirectò secatur, & hæc ea fortassis reuulsio est quæ Victorius appellauit ab euacuatione; Rursus educi potest humor, euacuatione læsam partem non attingente, sicuti cum pedum venæ secantur morbo costas affligente. De priori autem reuulsione verba fecit Galenus, cum incipientes inflammationes reuulsione vacuandas dicebat, præsertim ea ratione, quòd posteriori reuulsione non possunt inflammationes euacuari. Falsum verò est quòd Victorius inflammato iecore opinatur, humorem. s. iam fluxum esse, & nullo pacto fluere cum vena edirectò secatur, id. n. antea quoq; reieciimus & Galenus præterea idem confirmat. xij. lib. de curand. morb. cum inquit. Ergo pariter tum reuellendus est, tum educendus qui ad iecur fluit sanguis interna in dextro cubito secta vena; Aui cenna etiam in lateris dolore descendente, nihil à læsa parte educi existimauit interna vena secta, multò minus igitur educet à iecore, si iam fluxi sint humores, præsertim quia interna vicinior est subcingenti membranæ quàm hæpati. Bifariam igitur errat Victorius, primum quidem quòd incipientes inflammationes tantummodo reuulsione inauendas existimauit, cum nihil humoris confluxum sit, sed penitus fluit; deinde quòd eas inflammationes appellet incipientes, quæ in initio viæ sunt; neq; adhuc secundum essentiam inchoarunt. Nos aut incipientes inflammationes appellamus quæ verè & quod ad essentiam attinet, incipiunt. Et humorem qui ad vicina inflammationi loca confluxus est, rursus ad ipsum affectum locum trāsmitti opinamur, curandumque esse vt simul iam defluxus, & qui adhuc fluit educantur. Cum verò Victorius sinistram secat venam, incerto indeterminatoque totius corporis fluxui opitulatur, qui tamen certum determinatumq; dignoscere deberet, qui sit à vicinis locis ad iecur; venam igitur secat curandi gratia, quæ alias præseruationi deseruit, Galeno etiam reclamante, qui initio patiente iecore reuellendi educendique gratia, venam edirectò secavit; Nam in acutis morbis, si vnquam

aliàs



aliâs, à læsa parte educere operæpretium est, si igitur venæ repletæ sint iecinori vicinæ, vena sinistri lateris secari non debet; indicant enim affectæ ipsæ partes quas secemus venas, vt Galenus testatur, quo fit vt cū vicinæ venæ repletæ sint, fluuntq; humores, etiam si nondum iecur inflammant, vel cū fluentis humoris pars ad inflammationem fertur, interna semper vena dextri lateris secanda sit, ipso iecinore hoc indicante. Idem etiam in dolore lateris asseuerandum; neq; vlla rō vlla authoritas ex his quæ afferuntur à Victorio nobis aduersabitur, si quidem loca ita intelligantur vt antea declarauimus. Quod verò inquit de fluore muliebri suppresso, cū ea ratione hæpar inflammaretur, dicimus hoc ideo fieri posse, quia sanguis qui ad excitandos menses profluebat à toto corpore ad iecinoris partes demandetur, quo casu venæ cubiti sectionē quæ edirectò sit, poplitis sectioni præponimus. Neq; dicendū est venā poplitis sectam reuulsionem tantū efficere, quando fortassis multò magis à iecinore educat, quàm vena cubiti sinistri, inter hanc enim & affectam partem cor iacet, quod euacuationem præpedire potest, nihil verò priori eductioni impedimento esse videtur.

INTERpretatur. rursus Gal. locū, atq; asserit non esse locutum: de viæ initio, cū venæ directæ sectionem maximum afferre commodum scriptum reliquit. Id verò falsum esse cū ex multis videri potest quæ ante dicta sunt; tum ex illis maximè quæ diximus de indicationibus quæ sumuntur à læsa parte. Sed cogitur tamen fateri directam sectionem reuellere simul, & à læsa parte ducere, quæ cū fiant inflammationum initio vt sæpe diximus, iam Victorius in nostram sententiam inuius trahitur.

IDEM replicat sequenti quoque responsione, & præterea multas venarum sectiones erigere cogitur, ne à Galeni placitis videatur dissentire. Hoc verò à nullo medicorum insignium obseruatum est, qui si etiam multæ venarum sectiones fieri deberent, & humor, qui fluxit partitis vicibus educi, adhuc easdem iteratò adhiberent, quæ reuellendi gratia sunt adhibitæ; maior enim defluxio hoc casu inhibenda est, & copiosior re-

M uulsionis

IIII.

principale Vict.

V. principale.

VI. principale Vict.



## DE VENIS EDIRECTO SECUNDIS

uulsionis causa educendus est sanguis, quàm si læsa tantummodo pars euacuaretur.

*VII. principale Viç.* **S**ED iterum varias adhiberi sanguinis missiones asseuerat, cum pars affecta tantum dolet, & cum non dolet modò, sed inflammatione etiam corripitur. Hic verò referre eadem oporteret, quæ de affectarum partium indicationibus supra commemorauimus; vel enim dolor vnicus, vel inflammatio simul affligat, eadem affecta pars eandem quoque præscribit sanguinis missionem; Si verò fluentis etiam vel defluxi humoris indicationes sequamur, repræhendendi non erunt qui simul, & fluentem reuellere, & defluxum educere tentabunt, vt interim omittamus quæ de lōgissima reuulsione sæpe narrata sunt.

*VIII. principale IX. principale Viç.* **C**UM rursus eadem refert & reuulsionem etiam cum euacuatione læsæ partis venæ sectione edirectò fieri opinatur, solam verò reuulsionem, per oppositi brachij venam, superuacaneum existimo referre repetitam sæpe reprobationem, præsertim quòd in curandis inflammationibus nihil æquè conducit, ac si reuulsio cum euacuatione fiat initio, & in lateris maximè dolore; nam cum punctorius dolor percipitur, humor ad vicina affectæ parti loca defluxit, indeque fertur ad inflammatam sedem, quo fit, vt hic quoque directam venæ sectionem Victorius vel inuitus cogatur approbare.

*X. principale Viç.* **A**D uersantur autem sibipsis, & sese inuicem perimunt quæ sequuntur; non enim curatio simul adhiberi morbo potest, & morbus non inchoasse, cum enim nondum inceptit affectus, præseruationi, non verò curationi subijcitur, si Galeno & reliquis qui eius dogmata susceperunt medicis, credimus.

*XI. principale Viç.* **T**ANDEM primam curationem dolori inquit adhibendam nō esse, tum quòd dolor symptoma est, tum quòd potest ipsa ex sese defluxio causa esse incrementi inflammationis; Sed si dolor symptoma est necessariò morbum sequetur, quo igitur pacto fiet vt quis dolere possit nondum incepto morbo? At qui non negamus quin ex defluxionibus dolores, & inflammationes incrementum suscipiant, sed rursus opinamur, & Galeni testimonio, nihil valentius excitare defluxiones, & inflammationes augere, ac dolor facit, quod animaduertēs Hippocrates,



poocrates, dolorem prius sedandum esse præcepit, quàm affectus curaretur. quolibet igitur tempore sedari dolor debet, ne nouæ excitentur fluxiones, & inflammationes augeantur.

Reliquum est vt postremum libelli caput refellamus, in quo quidem multæ afferuntur authoritates, quarum antea nonnullas reiecimus, præsertim ex libro de constitutione artis med. & de pronost. ex puls. Hic verò mirandum est, quòd Victorius nouam Galeni trallationem in .ij. libri ad Glauconē falsam dicit, neque quo pacto falsa sit ostendat, at hoc leue est; id autem grauissimum prorsus, quòd vrinam albam, crudamque & claram, pleuritidem futuram indicare opinatur, & Galeni testimonio secundo libro prædic. quo certe loco Galenus Hippocratem interpretatur, qui tales vrinas futuros abscessus iudicatorios indicare existimauit; si nanq; inquit, morbus acutus est, futurum in superioribus partibus abscessum sperabis, sin longior, in locis quæ sub transuerso septo continentur; quòd si mediæ naturæ sit inter longiorem, & acutum, quandoque abscessus supernas, quandoque infernas partes corripiet, determinatam verò in qua fiet partem dignoscere non possumus; nisi reliqua longitudinis, vel breuitatis morbi inditia adhibeantur. Quia verò in antiqua & barbara trallatione scriptum erat; euentus apostematis ad vnum duorum laterum declinare, arbitratus est Victorius ea verba de dolore lateris esse intelligenda, cùm tamen Galenus apertè dixerit abscessus qui in medijs morbis fiunt, nunc supernas, nunc infernas partes obsidere, ipsum autem futurum abscessum albam vrinam, claramque & crudam præmonstrare. Alia quoque authoritas .ij. libri ad Glauconem, & falsò adducitur, & si cōcedatur, ad propositum negotium non attinet. Neque iterū eadem referenda sunt, quæ de reuulsione incipientis inflammationis sæpe diximus; multò minus illa de fomentis quæ nō modo fluxis humoribus, sed fluentibus etiam accommodantur, vt præsertim vel omninò sanent, vel nos reddant certiores maiorem excitari fluxionem, quàm per halitum digeratur. Prætereo nunc doloris alleuationem, quæ non negligendam indicationem medico præbere solet. Cùm verò .xxxi. Com

*Vlti. caput Vict.*



mento. vi. libri aphorismorum Galenus inquit, perperam adhiberi fomenta in maxima repletione, id intelligi debet cum multò maior humoris quantitas transmittitur, quàm dissoluatur. Fatetur enim Galenus eo loco vel curare prorsus fomenta, vel quo pacto curandum sit edocere; vel igitur magnus, vel parvus sit dolor, usu fomentorum omninò sedandus est, quæ fluxum iam humorem, & fluentem nonnunquam dissoluunt, & novas fluxiones fieri prohibent. Ignoravit autem Victorius corruptam esse literam in trallatione sua. ix. libro de placitis Hippocratis & Platonis, siquidem præsupponit Galenus fomentorum usum omittendum non esse, & Hippocratem adducit testem. iij. libro de ratione vict. acut. morb. cum inquit, in dolore lateris tentandum omninò esse ab initio num dolor ex fomentis vel sedari, vel minui ex parte queat, cuius ratio esse potest, vel quia affectus non planè notus est, sicuti cum dolor à flatibus excitatur, vel fortè, ut inquit Victorius, quia fluens sanguis dolorē efficit absque inflammatione, vel quia licet adsit pleuritis, tanta non est multitudo quæ fomenti distensionem effugiat. Cum igitur hoc adhibito subsidio dolor perseverat, tunc ad sanguinem mittendum, vel pharmacum exhibendum accedimus, mittitur verò sanguis ex affectæ parti directæ vena. Hactenus Galenus, qui directam sanguinis missionem adhibere etiam videtur in factitia hac & efficta pleuritide quam Victorius inuexit. Sed fallitur rursus cum è. xij. Commento primi libri aphorismorum genus hoc morbi sumi posse opinatur, & Galenus id figmentum non approbavit, neque ad rem attinet si morbi initium duobus ternisue diebus contineatur, nam si dolor adest vena edirectò secabitur, cum aut descendit dolor, non protinus neq; simpliciter sanguinem mittimus, sed eo tantum tempore, cum ægrotantis natura ignoratur, vel intensissima febris affligit, vel quippiam affuerit aliud quod pharmaci exhibitionem prohibeat; Qua de re cum supra quoque multa dixerimus, ad reliqua refellenda nostra verti debet oratio.



47  
IOANNIS BAPTISTAE SVSII,  
DE VENIS EDIRECTO SECANDIS

LIBER TERTIVS.

AD VERSVS VICTOREM TRINCAVELLIVM

ET ANDREAM VESALIVM.



Vo super sunt hostes, insignes sanè, & probatæ doctrinæ medici, quiq; amari à me, & plurimi fieri iure debent, vel mutua inter nos benevolentia, vel studiorum similitudine; Prior victor Trincauellius, cuius liber nup in lucē prodijt, alter Andreas Vesalius, præclarus corporū disse-

ctor, qui novā opinionē, atq; à nemine prius susceptā excogitavit, vt ab axillari vena dextra sanguis semper mittatur, in internis inflātionibus; quæ circa pectus maximè fiunt. Et si verò id ego feram molestè, vt aduersus eos qui de re medica optimè meriti sunt verba faciam, tamen id ipsum veritatī condonandum est, quod aliàs mihi crimini daretur, præsertim quòd Galenū, quòd Curtium summos viros, & de me scriptis, & voce etiam benemeritos, tueri proposuerim; quorum opinio ab horum virorum scriptis, & infringitur, & obscuratur; sed iam Trincauellij sententiam refellamus.

MULTA quidem primū præfatur, vt duplicem conditionē asserat in vena quæ secari debet, alterā quòd proxima sit parti humorem demandanti, alteram quòd cōtraria sit parti quæ afficitur. Quæ cōditiones cum in directā vena inchoante morbo, non videantur reperiri, iure putat omissendam esse venæ edirectō sectionem, secandam verò venam oppositi brachij, in qua vtrumq; seruari posse videtur, vicinitatem dico demandantis partis, & contrarietatem. Sed hic ad memoriā reuocanda sunt quæ de duplici defluxione sæpe narrauimus, nam fluunt primū humores vel à toto corpore, vel à parte ad loca vicina inflātionī; deinde ab his partibus ad ipsam fluunt inflam



inflammationem; hæc verò defluxio, quæ à vicinis partibus oritur, longè maior est superiore; quo fit, vt vicinæ partes demandantium non mem sibi vendicent, quibus quidem cum vena directâ proxima sit, iure prior conditio, quam Trincauellius imaginatus est, in vena directâ reperietur. Erit igitur directâ venæ sectio proxima omninò demandanti parti. Posterior etiam conditio seruandæ contrarietatis in eadē vena inesse videbitur, si eorum meminerimus, quæ de hac ipsa ad contrarium motus humorum tractione supra censuimus. At non proximas partes, sed remotiores quæ demandant videtur Trincauellius intellexisse. Qua igitur via ac ratione innotescere illi potuit, oppositi cubiti venam remotis illis partibus vicinam esse? Quæ sanè vena omnium remotissima esse videbitur, illa maximè ratione, quòd humorum defluxiones inter dextram, & sinistram partem rarò admodum contingunt; Sed animaduerti etiam debet defluxionem illam à toto ad vicinas partes, & obscuram, & exilem esse, carereque certis inditijs quibus dignosci possit; quæ si etiam perciperetur, vt stata loca non sunt à quibus oritur, ita nunc in altero pedum, nunc in altero cubitorum venam secaremus; Quid verò dico secaremus? Nam etiam si primus defluxionis ortus dignosceretur, cum in morbi initio ea primùm indicatio sese offerat vicinarum partium euacuandarum, & defluxionis ab inflammata parte reuellendæ, reliquæ demandantes partes omitterentur, & vena edirectò secāda esset; hæc verò paulò infra euidentius ostendemus.

**Pri. ratio Tric.** **C**ONATVR verò Trincauellius suam hanc opinionē ex Hippocratis, & Galeni dictis asserere. Primùm quidem quòd vniuersalem euacuationem particularibus subsidijs prætulerunt. Qua in re falsò putat nos abstinere ab vniuersali euacuatione; Si quidem sæpe diximus, Communem primùm vniuersi corporis euacuationem fieri debere, sed hanc tamen effici dicimus qualibet vena magna, quæ vel in cubito, vel in pedibus secetur. Vbi autem pars quædam corporis inflammatione sit affecta, hanc magnam venam edirectò, & propè ipsam eligimus, vt vicinæ partes, & aliqua ex parte inflammationis locus euacuetur,



cur, & humor reuellatur qui fertur ad inflammationem. Sin  
verò vnica euacuatione multitudinì corporis non videatur sa-  
tisfactum, iterū eiusdem venæ sectio repetitur, quæ totum eua-  
cuare, & reliqua efficere potest quæ diximus. Sed instat Trin-  
cauellius, & inquit, venæ sectionem contra succorum impetū  
reniti oportere, vt si ad supernas partes fluant, ad infernas tra-  
hantur; minus verò eurandum esse motum, & inclinationem  
naturæ, quod ipsi tamen Hippocratis consilio fieri diximus.

Hic verò fatemur quidem reuulsionem inter sursum, & deor-  
sum fieri posse, idemq; ab Hippocratae comprobari, licet in-  
ter dextri, & sinistri terminos nulla unq; reuulsio ab Hippo-  
crate proposita sit; sed tamen ob hanc rationem rectitudo non  
excluditur; nam si humor sursum motus morbum gignit in  
capite, qui pharmacum expostulare videatur, per inferna fa-  
cienda est euacuatio, sin sanguinis missionem præscribat, ve-  
nam quidem secandam dicimus, sed affectæ parti directam;

Quo verò pacto in reuulsionibus naturæ motū imitemur, iam  
in VII. Curtij ratione monstratum est; directæ enim vena se-  
ctæ maiores primū venæ, minoresq;, & minimæ simul eua-  
cuantur; qui reuellendi modus optimus est, & naturæ etiam  
motum insequitur, cū humores sursum repant, & vena cu-  
biti sit, & directæ, Neq; obstare potest quod Trincauellius in-  
quit, noxios scilicet naturæ motus nō esse imitandos, id enim  
veritatem habet, cū humores ad gignendam inflammationē  
feruntur, qui dubio procul auertendi sunt; sed tamen nō qua-  
libet via sunt educendi, sed inde tantum vnde natura motu, &  
inclinatione quadam euacuationem faciendam edocebit. quo  
verò pacto directæ venæ sectio reuellendi simul, & euacuandi  
munus subire possit, III. ratione Curtius ostendit, sicuti & il-  
lud, alibi reuulsionem simul ac deriuationem vnica venæ se-  
ctione fieri posse; quæ cū antea quoq; à nobis declarata sint,  
non est quòd hoc loco iterum referantur.

P V T A T deinde Trincauellius venam edirectò sectam reuelle-  
re non posse, quod tamen ratio, & Galenus etiam. ij. libro de  
ratione vict. acut. morb. apertissimè confirmat; In loco etiam  
Hippocratis intelligendo hallucinatur, cū libro de natura  
humana

II. ratio  
Trinc.



## DE VENIS EDIRECTO SECANDIS

humana venam longissimè secandam docet, id enim veritatem habet in præseruatione, & affectu non inchoato; nam si cœpisset, distantissimæ venæ nihil ferè à vicinis partibus educerent, quæ demandatium nomen sortiuntur. Ex his enim partibus inflammationis ortus & incrementa dependent, & morbi præterea acuti, citam harum partium euacuationem expostulant; quæ si differatur statim inualescunt, & ægrotantes necant; Hinc igitur factum est, vt Galenus proximam edirectò venam secandam iusserit, pro reuellendis, & educendis ab his locis humoribus, à quibus omne periculum imminere videtur ægrotanti. Hic consultò prætereo quæ sæpe antea hac ipsa de re, & de humoribus ad longissima reuellendis attulimus. Nunc autem Galeni verba ad examen reuocanda sunt, quæ sæpe à nobis declarata minus rectè intelligi videntur à Trincauellio; nam Galenus inquit in libro de curandi rat. per sang. missi. quòd vbi timeamus ne pars quæpiam corporis determinata inflammatione in futurum, vel alio affectu corripiatur, ad affectum præcauendum venam secemus in vere, sed eodem pacto sicut in his qui iam pati cœperunt; quam sententiam, ita enarrauit Curtius, vt venam edirectò cum timeamus affectum secaremus, sicuti facimus, cum iam affectus inuasit. Occurrit autem huic interpretationi Trincauellius, & Galeni seriem obijcit & exempla. In podagricis enim, vt missa faciã demandatium partium nugamenta, venam cubitorum secamus, tibiæ verò si Melancholiam, comitiale vertiginè, cæterosque capitis affectus timeamus; quæ ergo inquit his venarum sectionibus rectitudo seruari potest? Hæc verò exempla nostræ sententiæ non repugnant, nam ea ratione commemorata sunt à Galeno, vt distantissimas indicaret venas quæ morborum præseruationi deseruiunt; neque tamen Curtij interpretatio variatur; nam in morbis capitis qui determinatam dextram vel sinistram sedem non occupant, venæ nondum inchoatis affectibus in tibijs secandæ sunt, & eo pacto sicuti in iam morbo correptis fieri docemur; cum enim comitialis, vertigo, vel alius id genus affectus inuadunt, ex cubitis sanguis mittitur, neq; ex vno magis, quàm ex altero. Qua ratione



tione si ab eisdem præcauere statuerimus, venæ pedum neq; dextræ magis quàm sinistræ secandæ erunt; atque ita intelligi Galenus debet, qui ad præcauendos affectus venas longius quidem fitas, sed eodem tamen pacto sicuti in iam patiētib; proximis, secandas esse consuluit; secantur verò nunc, & ut plurimum edirectò, nunc indifferenter, cum morbi certam sedem non sunt occupaturi; Quæ verò de Gal. serie, ac de partibus præterea demandantibus afferuntur, partim reieciimus, & paulò post exactius refellemus.

**C** V' M verò inquit scopum medici esse obistere in petui humorum, quo minus morbi causam augere possit, ideoque demandantes partes euacuandas esse; rectè sanè inquit, sed aberrat in demandantibus partibus statuendis; ipsi enim paulò supra monstrauius, vicinas inflàmationi partes certas esse, ac maximè demandantes, quæ cum repletæ sint, & potissima causa inflammationis incrementi, iure vacuari ex postulant per directam venæ sectionem.

III. ratio Tric.

**F** A L L I T V R verò sequenti Hippocratis, & Gal. loco, qui reuulsionem longissimam miris efferre laudibus videtur. nam Calcaneorū morbi nullum furorem nullūq; citæ mortis periculum afferre solent, quo fit si fractura vel alius affectus in calcaneis adfuerit, ipso statim initio humores per vomitum reuelendi sint, & educendi; quàm verò hi affectus à dolore lateris differant, in quo & sanguis mittitur, & ocysimè adhibentur remedia, nemo non videt.

IIII. ratio Tric.

**H** A C T E N V S testimonio earum Galeni authoritatum vsus est Trincauellius, quæ in interpretationibus librorum Hippocratis reperiuntur; alia deinde aggreditur loca, ut suam comprobet opinionem. E' quibus duo potissimum asseueranda opinatur, primum quòd indicationes à toto sumpræ, eas præcedant, quæ sunt à parte quapiam, deinde quòd humores qui morbi initio vacuandi sunt, longissimè à læsa parte ducantur. Ipsi verò, quòd attinet ad indicationem, rem infra exactè declarabimus, licet ex his quæ dicta sunt apertè liqueat nos à præceptis Galeni ne latum quidem vnguem discedere. Quòd verò, & qualis quoq; requiratur contrarietas in reuulsionibus

N sape



## DE VENIS EDIRECTO SECANDIS

sæpe diximus, & humorem præterea ad longissima reuellendum certis tantum casibus concessimus, sicuti cum præcauendum est, sano adhuc corpore; vel cum affectus periculo vacat, nec reuulsionem requirit simul cum euacuatione; quemadmodum acuti sunt, qui citam curationem expostulant. Sed hac de re multa extremo libello in II. solutione declarata sunt à Curcio, nec vllibi scriptum reperietur à Galeno; longissimè faciendam in acutis morbis reuulsionem, & summam in his, in quibus ex remedij mora periculum solet imminere.

**H**IC quoq; , ne longiori vtar oratione, præterire statui multat quæ a Trincauellio in Brissotum dicuntur, qui primus Gal. præceptum de venis edirecto secandis, non quidem docuit, sed literis mandauit. Veniam verò ad eius examen quo Curtij rationem nititur euitare. Et primum quidem dictum Hippocratis II. libro de ratione vi. acut. morb. propriè, ac seorsum factam pleuritidem, non verò faciendam respicere asseuerat; nihilq; officere quo minus exequamur vniuersalia præcepta, quæ totum corpus, & demandantes partes euacuandas proponunt. Sed hic Hippocratem videtur extorquere, nam in ratione sanandæ anginæ, quòd ad sanguinis missionem atinet, absoluta ab Hippocrate curatio reperitur à Galeno etià confirmata; nec vlla eget additione præceptorum vniuersalium; anginæ verò lateris dolor assimilatur, in missione dico sanguinis edirecto, licet reluctetur Trincauellius, & huic sententiæ repugnet; Infra verò de indicationum viribus Galeni testimonio differemus; ostendemusq; quàm aberrarint, qui secus illum sensisse opinantur.

**A**LIO deinde vtitur argumento cui quidem Curtius, & ipsi etiam occurrimus, non enim vlla præsupponitur sanguinis missio cum descendenti dolore iussit Hippocrates pharmacum exhiberi; Grauius tamen ferendum est quòd Trincauellius suam velit sententiam comprobari ex ijs, quæ alicubi Hippocrates certa methodo atq; ordine literis mandauit. Quid enim prohibet eas approbari sententias quæ à Galeno confirmantur? aut quæ potest esse librorum inordinatio, quæ tantorum authorum fidei testimonioq; opponi possit? Sed et hic animaduertere

Examen  
ationū  
Curtij  
Trinc.



maduertere operæpretium est, solam doloris lateris curationem in legitimis libris absolui de ratione vict. acut. morb. proponuntur enim tempora, quibus & remedia accommodantur. De victus ratione, de aqua, de inelle, de oximellite nihil fermè desiderari potest. Quid ergo nouam venæ sectionem machinatur Trincauellius? neque eam approbat quæ in ordinatis, & absolutis libris præcipitur? Hac in re hominum socordiam non possum non mirari, qui indicationum caligine fulgentia Hippocratici dogmatis lumina obscurare tentant; præsertim cum Galenus in eo interpretando diligentissimus, nihil prorsus Hippocratis orationi addendum censuerit, nisi rectitudinem partis, quam ille fortè vt per se se notam omiserat. Culpandus ergo iure videtur Galenus, si creditur Trincauellio, quippè qui potissimum curationis remedium silentio præterisset, cum tamen alibi profiteatur, se vniuersa absoluisse quæ Hippocrates imperfecta reliquisset.

**C**ONIECTATUR præterea aliquam venæ sectionem ab Hippocrate reticeri, quia fomenta adhibet, quæ tamen vniuersi corporis euacuationem præsupponunt. Quòd verò primum statim remedium fomentum sit, nec aliud supponatur, in his quæ contra Turinum dicta sunt ostendimus. Sed Trincauellium quoq; latere arbitror intentionem Hippocratis, qui plenitudinem tentare, & dolorem alleuare proposuerat; Dignoscitur enim ex fomentis multitudo, quæ si diffilari, & digeri per halitum non potest, statim ad locorum inflammationi vicinorum, & ad totius euacuationem transimus secta edirectò vena. Ita enim inaniri possunt partes, quæ admodum repletæ humorem demandant, & augent inflammationem. Quod fecit etià Hippocrates cum in Anaxione symptomata intendi, & inualescere morbum cognouisset; ea enim erat corporis multitudo quæ sanguinis missione indigebat; septima igitur die trāfacta, humore adhuc ad augendam inflammationem fluente, directā venam secari iussit. Ex his igitur quæ supra diximus parere arbitror, quàm n̄ aberrent, qui in curatione hac Hippocratis supponunt morbum esse factum, quorum è numero est Trincauellius,



cauellius, cui tamen aperte notū esse deberet humores adhuc fluere, & inflammationem augeri, cum nihil, vel parum proficientibus fomentis, ad corporis euacuationem transimus.

**S** V A M rursus confirmat opinionem ex euacuatione quæ fit secundum inclinationem naturæ. Defluxi enim humores vel magna vel exigua portione ad aliquas partes impelluntur, unde euacuati non videtur facta esse reuulsio, quæ ad contraria, & ad longinqua statuitur. Sed aberrat mirum in modum Trincauellius, nam fluentes humores aliquò pelli, & inclinari possunt à natura; Et præterea ostensum est, reuulsiones secundum naturæ inclinationem fieri posse, Galeni quoque testimonio, qui directam venæ sectionem reuellere inquit, quæ tamen initio morbi, & secundum naturæ inclinationem adhibetur.

**O** P P O N I T autem Trincauellius nostræ sententiæ Galeni verba, qui II. commentario VI. libri de vulgaribus morbis contra distinguere videtur reuulsionem, & euacuationem secundum naturæ motum; nam inquit; Ducenda quidem sunt quod  
 „ maximè inclināt, si per conuenientes regiones ferantur, auer-  
 „ tenda autem, & reuellenda quæ maximè propensionem con-  
 „ uenientem non habent. Sed hic imaginari non debet succos  
 qui dolorem lateris facturi sunt, non reuelli per vias tentatas à natura, eo quod aliò ducendi sint, si is motus noxius futurus sit, & inconueniens; nam verba illa, auerti debent si propensionem conuenientem non habent, nihil refragantur quo minus cum rectius mouentur, illos etiam auertamus; quod, & à Curtio dilucidius explicatur.

**A** L I A deinde vititur coniectura, nam color sanguinis qui mutatur, euacuari illum indicat ex inflammata parte, sed hoc ipsum alibi reiecimus, cum primo statim die colorem sanguinis mutari posse diximus, non modò in sede inflammata, sed in vicinis illi partibus. Qua de re si color in sanguine mutatur, dici non debet inflammata tantum pars euacuari, cum eadem mutatio vicinis etiam inanitis partibus contingat. Quàm verò adhuc fallatur, ex eo maximè probari potest, quod Galenus eam secari iubet venam quæ euacuandi celeriter, & reuellendi vim habeat, vt in parte directâ, negat verò Trincauellius  
 directam



directam venam reuellendi munus subire posse.

**A**D D V C I T postea locum libri primi de ratione viſt. acut. morb. cui quidem ſatiſfecimus cū aduerſus Turinum ſcribe remus, licet enim in vigore ſymptomatum venam edirectò ſecemus, cū hic vigor ſtatim adest, & totius euacuandi, dolo remq; ſedandi ante ptiſanæ exhibitionem neceſſitas eſt, attamē hæc eadem poteſt venæ ſectio ante vigoris acceſſionem conuenire. Si verò adhibita non eſſet, adhiberi omninò debet añ cibationem, ſiue initium, ſiue incrementum, ſiue morbi vigor adfuerit, quod animaduertēs Hippocrates non obſtante ſymptomatum vigore corpus euacuandum præcepit. Quid verò facturus eſt Trincauellius ſi tribus aut quatuor horis prima ſtatim die hic ſymptomatum vigor appareat? an ne venam longiſſimè ſecabit? cum tamē certa ſit vicinarum partium multitudo, & fluere poſſint humores ad inflammata partē.

**N** V N C verò his omiſſis, ad eas ſolutiones tranſeamus quas adhibet ad Curtij fundamenta. In his autem id affertur præcipuū ac ex ortu inflā mationū maximè deſumptū, de maiorū et minorū venarum vacuatione, cui occurrit Trincauellius, & inquit, venam quidem directam vicinarum partium humores euacuare, eoſq; ſimul qui affectam particulam obſident, hinc tamen negari inquit non debet, quin ratione ſucci à toto corpore ad has partes tranſmiſſi, ſanguis à tibijs, vel ab oppoſito brachio ſit auferendus. Hic verò dicimus, illos à toto deſluxus incertos eſſe, quo ſit, vt ſanguinis miſſione ammoueri non poſſint, & præſertim quia totius plenitudo, & potiffima quoq; pars humorū quæ vicina inflammationi loca repleuit, directæ venæ ſectione vacuari poteſt. Imminent verò Trincauellio non mediocres anguſtiæ, ſi hanc à toto deſfluxionem tāti faciat; nam ſi à capite feratur humor ad pectus, per ſuam venæ ſectionem fluxio aduocatur magis quàm auocetur; quod itidem eueniet, cū à corde vel à ſuperioribus partibus humorum deſluxus oriatur. Nos igitur totum celerrimè vacuamus, & loca ſimul inflammationi proxima, ne affectus augeatur, & remotam hanc Trincauellij fluxionem eodem ſubſidio prohibemus.

Cum



Cum verò ad id incōueniens deduceretur, vt directam sanguinis missionem initio adhibendam concederet, reflectit argumētum in Curtium; Interrogat enim Curtius aduersarios, num succum crudum, an concoctum in parte iam firmatum educār, cū venæ sectionem adhibent edirecto? qui necessariò crudū educere se respondebant; Educebant igitur crudos humores, qui nisi turgentes, & initio morbi euacuari non possunt, vt Hippocrates, & Galenus iusserunt; venæ igitur sectio quæ fit edirectò, initio morbi adhibetur. Inquit verò Trincauellius hanc eandem rationem, posse contra nos adduci, qui eandem semper venæ sectionem initio morbi adhibemus; quo fit, vt in pleuritide turgere semper humores videamur fateri, cū crudi succi vacuari non possint nisi turgeant. Sed hic dicimus, verum omninò esse quod falsum videtur Trincauellio, humores inquam vt plurimū in dolore lateris turgere, etiam si in plurimis, & infinitis penè affectibus quiescāt; cū verò duo sint turgendi modi, alter quo humores hinc inde atq; ad nullam determinatam partem agitantur, alter quo ducuntur ad loca euacuationi accommodata, postremus hic frequenter euenit in dolore lateris affectis; ascendit enim vel descendit dolor, & cōuenientes ad humores educendos vias præmonstrat.

REDDIT postea Trincauellius ad eadem asseueranda quæ iam multis rationibus reprobauimus, primū enim ignorare videtur modum ortus inflammationum, cū initio urgere indicationem inquit fluxus totius corporis ab inflammatione reuellendi; vnde oppositam in cubito venam secari iubet. Contra verò prius euacuari optant partes, quæ adiacēt inflammationi; ex his enim defluxio potissimum dependet. Et præterea longè fallitur, cū fluxos humores esse credit, si supernæ vel infernæ partes in doloris consensum trahantur. Iam enim sæpe hæc à nobis ostensa sunt, & id etiam quod responsioni ad secundam Curtij rationem satisfaciatur; ostendimus enim adhiberi posse initio morbi fomenta, & aliquod etiam subsidium plenis corporibus attulisse; vnde fallitur Trincauellius, & quot quot existimant præmissam esse fomentis aliquam venæ sectionem.



**S**ed tempus est, ut iam edisseramus de curandi indicationibus, quas suo arbitratu videtur Trincauellius effinxisse, & tamquam asylum ad quod confugiat constituisse. Hoc verò potissimum fundamento eius opinio nititur, ut in morbis qui ex humorum defluxu oriuntur, varij aduertantur motus, è quibus variæ quoq; sumantur indicationes. Motuum verò quidam est à distantibus corporis partibus, ad eas quæ inflammationi proximæ sunt; alter ab his ipsis proximis ad inflammationem. Quorum quidem causa in multitudinem, vel prauam humorum qualitatem referenda est, quæ partes ad expulsiōnem extimulant, hincq; efficiuntur morbi, morborumq; causæ, pro quibus ammouendis variæ indicationes solent offerri. Distantes. n. partes cū repletæ sint, euacuationē optant; humorū motus ad proximas partes reuelli debet; harumq; ipsarum humor educi, ut ab inflammatione retrahatur. demum qui inflammationem efficit humor, euacuandus est; qui tamē nisi turget concoqui primum debet antequam vacuetur. Hæ igitur indicationes sese offerunt in morbis à defluxu humorum ortis, quorum quidem ordinem animaduertens Trincauellius ita in curatione primas statuit, quæ primæ etiam sunt ortu, vnde ut curatio ordinatim succederet, primū reuellendum existimauit humorem, qui à toto defluit ad loca inflammationi proxima, qua in re deceptus est admodum, dum ab eo inchoandam esse curationem opinatus est, quod reliquis comparatum causæ nomen obtinet. Hoc enim vniuersæ medicorum scholæ aduersatur, & Galeno potissimum, qui vii. libro de cur. morb. curationis initium statuendum esse docuit hoc pacto, ut ab eo quod magis vrget inciperemus; deinde id aggredieremur quod rationem causæ subit, vel omninò eius sine quo recta curatio non potest adhiberi. Eius verò oratio ita se habet. Pro quibus methodum quam prius de vulneribus tradidimus, vbi omnes affectus simul coniunximus, ad moriam reuocabis; quam nunc quoq; apponere non est inutile, primū namq; in eiusmodi complexu æstimabis à quo maximè discrimen ægro impendere videatur. Secundo loco quid, quæue ex his causæ rationem obtineant, & quæ ab ipsis



„ his efficiantur ; Tertio quæ sanari ante alia possint, & quæ nō  
 „ possint, veluti de vlceribus quæ vnā cum inflammationibus  
 „ constitere ostendimus ; vbi namq; à quoquam affectuum non  
 „ leue periculum instat ; ad id quod vrget dirigi primum curan-  
 „ tis consilium debet ; vbi aliud efficiens est, aliud quod ab eo  
 „ efficitur, ipsa causa spectanda ; at vbi curari hoc ante illud non  
 „ licet ; ad id quod ordo dictat est inspiciendum, atq; in eo qui-  
 „ dem curationis consilio quod ab urgente initur, affectus ma-  
 „ gnitudo perpendenda est. Hæc Galenus quibus exemplum  
 „ quoq; adiecit paucis interpositis quo rem manifestius intellige-  
 „ remus nā inquit. Fingatur in ventriculū defluere ex cerebro  
 „ superfluū quēdā humorē frigidū, atq; eius occasione intēperiē  
 „ quandam in ventriculo cōtractam iā esse, quin potius malū iā  
 „ succum per totum eius corpus, media omnia similarium parti-  
 „ cularum spatia occupasse. In eiusmodi complicatis, dignatio-  
 „ ne maior est intemperies, propterea videlicet quod & ipsa tē-  
 „ peries ; propriæ verò essentiae ratione quodcunq; utiq; tale  
 „ fuerit, per circa propositum in sermone ægrum. Ac ponatur  
 „ ad præsens maximus triū affectus esse succorum qui in tunicis  
 „ ventris continentur. Esto si libet, vt idem quoq; affectus ro-  
 „ sionis sensum faciat, atq; ex eo ipso defectum animi, & su-  
 „ dores quosdam, cum symopes dissolutione accersat, ita vide-  
 „ licet vt quatenus supra vires est reliquis sit maior. Constat  
 „ igitur primam esse adhibendam curationem, vt ei quod vires  
 „ resoluit occurratur. Deinde quoniam omnium maximū pro-  
 „ priæ essentiae ratione hoc finximus, utiq; ad id primum te ver-  
 „ teris, & id primū sanes. Vbi id mediocriter se habuerit, neq;  
 „ plurimum vitiosi succi in ventre sit, tum nimirum ad causam  
 „ accedes ; illud pro comperto habens, non posse ad perfectio-  
 „ nem vllam affectum sanari manente adhuc ipsa vnde natus  
 „ est causa.

Ex his igitur Galeni verbis satis aptè constare potest, inter eas  
 quas memorauimus indicationes eam reliquis antecedere, quæ  
 partes inflammationi proximas euacuandas monet ; ita enim  
 non modo totius corporis euacuationi cōsulitur, sed & humor  
 reuellitur qui ad inflammationem ruit, & maximum ægro-



affert incommodum .exequatur igitur quot velit euacuatio-  
nes Trincauellius, modò ab hac incipiat, quæ sit venæ edire-  
ctò sectione, & caueat præterea à vitæ facultatis imbecilli-  
tate. Prima enim curandi ratio à vicinis partibus incipien-  
da est, & à sedando dolore, non verò à remotis partibus,  
quæ non ita repletæ sunt, & vt plurimum medicos latent.  
Nihil igitur subsidij Trincauellio afferre possunt tam longè  
repetitæ indicationes, & nostra curandi ratio natura appro-  
bante, & Gal. & Hippocrate consulentibus nititur.

Quod verò iterum imaginatur Trincauellius oppositam venæ  
sectionem præcessisse fomenta, iam satis superque reiecimus;  
nam. VI. libro aphorismorum curatio ex fomentis tentatiua  
appellatur, quæ quidem ea ratione ab hippocrate initio sta-  
tim adhibita sunt vt leniretur dolor, & periculum fieret, num  
humorum copia ex ipsis diffuari posset, an magis ad fortiora  
vacuandi remedia accedendum esset, ita vel curant fomenta,  
vel curationem docent, vt Galenus inquit. Non est igitur  
quod Trincauellius laboret, vt factitiam inuehat venæ sectio-  
nem, sed doloris lateris absoluta curatio ab Hippocrate, & à  
Galeno tradita est, neq; tanti authores, vt Trincauellius putat,  
totum rei fundamentum dimiserunt.

Conciliantur deinde duo loca à Trincauellio, quorum sæpe an-  
tea mentionem fecimus, nam cum VI. libro de vulgar. morb.  
dolorum causa proximos ventres purgandos, & proximas  
etiam venas secandas moneamur, ne hic locus alteri aduersetur,  
XIII. lib. de curand. morb. vbi procul reuellendum Galenus in-  
quit ab his, qui pati incipiunt, locis, superiorem sententiam libri  
de vulgar. morb. in facto iam morbo interpretatur. Quòd ve-  
rò in faciendo, & initio intelligatur, ex eo maximè aliàs ostē-  
dimus, quòd dolorem sedandum iubet; Alter quoq; locus  
XIII. libri de curand. morb. Trincauellio non fauet, ibi enim  
ene dumtaxat euacuationes condemnantur, quæ non reuellunt;  
sed humores irritant ad affectam partem. Proinde si renes, vel  
vesica patiatur, docet non esse ea adhibenda, quæ vrinam mo-  
uent, menses quoq; euacuandos non esse, si vterus laboret in-  
flammatione, non deijciendam aluum, si idem affectus ventri-  
culum,



culum, vel intestina corripuerit; nulla enim videtur eo pacto adhiberi reuulsio. At in dolore lateris, ut millies dictum est, reuellimus & euacuamus, neq; vllam defluxionem ad affectam partem irritamus.

**O**BIURGAT præterea Curtium Trincauellius, quasi dixerit deriuationem reuulsioni præferendam, & ea in re Hippocratis, & Gal. aliquot affert sententias, quæ Curtij opinionem videntur confutare. Incassum verò laborat, nam nusquam à Curtio dici reperiet, præferendam deriuationem reuulsioni, cum quis utroq; remedio indigeat; Sed longè strictius locutus, est, et fieri posse inquit, ut urgente morbo deriuetur prius humor quàm reuellatur. Si enim exempli gratia, maximus In pleuritide dolor affligat, is prorsus remoueri, vel sedari debet; quo fit, ut hac necessitate urgente, deriuatio etiam fieri posset antequàm reuelleremus; quod Auic. videtur approbasse, cum dolorem loci prius sedandum consuluit, quàm ad diuersum humor traheretur.

**S**ED his omisfis, ad eas Curtij conclusiones Oratio Trincauellij conuertitur, quæ per quatuor tempora defluxionem metiuntur; Refellit verò secundam, & tertiam, secundam quidem, quoniam cum dixerit Curtius fluxiones, quæ mouentur, nondum tamen aliqua in parte susceptæ, vel etiam quæ fluunt extra corpus reuulsua euacuatione indigere, ut verbi gratia, cum sanguis è naribus erumpit, occurrit Trincauellius, quoniam fluxus fluxu nonnunquam curatus est, & vomitus vomitu; & sanguinis præterea fluxus in vulneribus ab Hippocrate, & à Galeno maximè commendatur. Sed Curtij Oratio in eo fluxu intelligenda est, qui curationem exposcit; omnis enim fluxus nimius sine dubio reuelli debet. Vomitus verò vomitus curare non potest, neq; fluxus fluxum, quatenus eiusmodi sunt, sed quatenus educunt humores, qui ad vomitum vel fluxum proritabant.

**O**CCURRIT etiã alteri parti, quoniam fieri potest ut in morbis acutis mobiles initio succi sint, & turgeant, qui tamen non reuellentur, sed inde educuntur quò pelluntur à natura. Hoc verò refellitur, quoniam illa tempora intelligi potissimum debent



bent in humoribus, qui ad inflammationem gignendam ruunt, & educi, aut reuelli optant per sanguinis missionem. Humor igitur, qui turget, pharmaco si libet educatur, seruiatis vñs, quæ tentantur à natura; non omittatur verò reuulsio, si inflammatio adsit, vel omninò futura sit in quapiam corporis parte.

**I**n tertiâ quoq; conclusione fatuum esse putat Trincauellius, eâdem venæ sectionem initio competere, cum paucus est humor, & incremento, & vigori morbi, cum fluxio iam desijt, & partes distantes inanitæ sunt, quæ initio repletæ, fluxiones vehementius irritabant. Hic verò meminisse oportet eorum, quæ de inflammationum ortu, ac de dolore sæpe retulimus facile enim patebit num proximæ, nū remotæ partes euacuandæ sint, & refellentur etiam, quæ de primis indicationibus, & causis afferuntur à Trincauellio. Priapismus etiam, qui ab eo commemoratur, nihil ad nostram disputationem attinebit, quoniam cum sit absq; inflammatione, & vrgenti dolore, vomitorijs ubidijs relinqui potest, & reuulsio præterea ad longissima tam sæpe à nobis vel confutata, vel declarata est, vt noua non egeat oratione.

**M** V L T I S deinde verbis ad suas indicationes tanquam ad sacrâ anchoram recurrit, vt Gal. loca euitet quæ adducuntur à Curtio. Sed aperta sunt Galeni verba XIII. libro de curan. morb. nam inquit; Cum pectus, & pulmo inflammationem pati cœperint, secunda est interna cubiti vena dolentis partis. Quæ tamen sicco, quod aiunt, pede Trincauellius pertransit.

**A** B E R R A T quoq; cum longa oratione declarare nititur Hippocratis, & Gal. dicta, cum quidem inquiunt in affectibus supra iecur secandas esse venas brachiorum, sub iecinore verò pedum; occurrit enim Trincauellius quoniam Bubones, podagra, vertigo, & coxendicum dolor, aliaq; permulta, non ea ratione curari videntur; & adhuc aduersatur sibi met ipsi Galenus multis in locis quæ Trincauellius conatur inuicē conciliare. Sed hic apertè transit ab internis affectibus ad externos. Quæ de re Galeni sententia ita intelligenda est. Vt in internis affectibus supra iecur venas cubitorum secemus, in his, qui infra sunt, tibiarum, sed in vtrisq; rectitudo prorsus serua-



## DE VENIS EDIRECTO SECANDIS

ri debet. Si verò affectus externas partes corripuerit, non ita agendum est, nam dextro brachio inflāmato sinistri vena secanda, ob eam præsertim rationem, quam diximus, quòd in eadem affecta parte venæ secari nequeant, sed in proxima. Vtero affecto venæ cubitorum secandæ sunt reuellendi tantum gratia, tibiæ verò gratia simul reuellendi, & euacuandi. Quæ verò de pharmacis adducuntur, nostræ sententiæ non repugnant, nam euacuationes pharmacorum non sunt neq; ab Hippocratene, q; à Galeno secundum rectum constitutæ. Ita si dolores supra præcordia affecerint, ducere p̄ superiora oportet; si sub præcordiis, per inferiora; id verò intelligi debet si purgatione sit opus; seruari enim debent viæ, quæ tentantur à natura, vt Hippocrates præcepit, à qua ratione reuulsio non excluditur. Si igitur dolor descendit pharmacum exhibet Hippocrates, quoniam natura ad eas partes, quæ infra sunt, inclinatur, & dolor afficit infra præcordia, Age verò videamus num à suis indicationibus Trincauellius recedat; putat enim eandem præcisè venam, & inchoante morbo, & antequam incipiat esse secandam, qua in re à suismet placitis dissentit; cum enim affectus initio humor adsit in membrana costas subcingente, & magna etiam ex parte in locis illi proximis, indicabunt hæ partes sui vacuationem, quæ vt Trincauellius fatetur, venæ sectione fit edirectò. Cum verò nondum affectus incoeperit quæ ratio esse potest; vt directà eadem sectio adhibeatur. In summa igitur cum dolores supra præcordia afficiunt, siue inchoauerint, siue increcant, siue ad vigorem peruenerint, quando venæ sectione aut pharmaco euacuare propositum est, partem eligemus, è qua vacuantes naturæ motum imitemur; Per superiores igitur partes fiet euacuatio, contrà per inferiores, si reuulsionem maluerimus.

EXEMPLIS præterea sua placita comprobare nititur Trincauellius, primùm q; nonnulla affert de ventriculo malè affecto, quæ nihil ad rem attinent, cum de venarum sectionibus, non de pharmacis agamus. Adducit deinde Gal. locum de coxendicum affectu, in quo venæ primùm cubitorum, deinde pedum secantur, qua in re videtur reuellere in cubitis, in pedibus



bus verò deriuare.

**H**is adiecit Aëtium, & Paulum, qui hanc eandem sententiam quasi expositorum vice fungentes apertissimè literis mandarunt. Sed Galenus ideo coxendicum inflammatione venas eo pacto secat, quoniam qualibet parte magna inflammatione obsessa, totum prius euacuari debet, hæc verò totius euacuatio longè melius fit, si incubitis, quàm si in tibijs venæ secantur; vt enim priori sectione totum melius vacuatur, ita posteriori euacuatio loci cum aliqua reuulsione fieri debet. Si quis verò pleuritide corripiatur, vna & eadem vena totius, & læsæ partis euacuationi etiam satisfacit. Accedit quòd Coxendix non ad modum distat à medio, iccirco facilè ex vtraq; venæ sectione iuuari poterit, quod de renibus à Galeno dicebatur; nā cum sint verè in medio constituti, affectu inchoante venæ sectionem in cubito præscribunt, in tibijs verò cum aliquatenus morbus increuerit. Non igitur Aëtius neq; Paulus nostræ sententiæ repugnant. Sed coxendicum gratia pro totius euacuatione, & aliqua simul reuulsione cubitorum venæ secandæ sunt, pro loci verò euacuatione & aliqua item reuulsione venæ tibiarum.

**S**ED quoniam euacuatio à læsa parte, quam ipsi initio pleuritidis adhibendā censuimus, ea ratione à nobis suscepta est, quia pleuritis acutus est morbus, qui citam curationem exposcit, putat Trincauellius nostram hanc rationem non carere culpa, quasi reliquos morbos, qui acuti non sunt, à cita curatione secludamus, & dedita opera protrahamus; Putat etiam Galeno decretum perueri, cum in affectibus supra iecur cubiti venas, sub ipso verò, tibiæ non secemus. Atq; maximam adhuc adesse inquit in acutis morbis defluxionem, quæ citam reuulsionem postulet, esseq; authores fide dignos, qui in vteri passionibus hanc eandem rem eius more sunt interpretati. Hic verò fatemur quidem acutos morbos proximas esse secandas venas cōmonefacere, sed ramen addere hic oportet in lateris dolore, in Iecinoris, ventriculi, pulmonis, lienisq; inflammatione vnica venæ sectione, & totum corpus, & læsam partem vacuari, quod nequaquā in coxendi cum affectu fieri potest.

In



## DE VENIS EDIRECTO SECANDO IS

In affectibus igitur supra præcordia cum à læso loco ducere velimus, venæ brachiorum secandæ sunt, cumq; eadem occurrat intentio, læsæ inquam partis euacuandæ, & affectus sub præcordiis infestet, venas pedum secamus; quod decretum æternæ veritatis sancitur, & nulli medicinæ dogmati aduersatur. Patet igitur ratio cur in acutis morbis magis quàm in reliquis proximas primùm venas secamus, nam ad læsæ partis, & totius euacuationem faciendam aptissimæ sunt. Hac eadem ratione. In renum, vteri, vesicæ, ac coxendicum affectibus, cubitorum venæ pro totius euacuatione secabuntur, pedum verò p læsæ partis; quod & Paulus, & Aëtius & Auicenna, & reliqui consentiunt, licet hoc de renibus tantùm apertè dictum videatur à Galeno.

**I**A M verò ad interpretationem verbi κατ' ἰσιν Trincauellius pertransit, cuius rationem ad quaslibet situs differēcias aptari posse credit, non verò ad solam corporis longitudinem, vt Curtius existimauit, & oraculi vice supposuit. Quæ verò hac in re adducuntur authoritates, nullo pacto nobis aduersantur. Si quidem de euacuationibus loquimur, quas cum Hippocrates & Galenus κατ' ἰσιν faciendas monent, secundum eandem dextram, vel sinistram partem intelligunt. Si verò alia quapiam de re loquantur, nihil prohibet quæcunq; aliqua situs differentia directæ sunt, sita secundum rectitudinem appellare; linæ enim vlcera positiones corporis, luxationes, & eiusmodi reliqua, quæ ab euacuationibus differunt, directæ appelles, si libet, secundum quamq; situs differentiam; hoc enim ex locis aliquot à Trincauellio conuincitur; quæ loca alia de re loquuntur, non de venarum sectione. cum enim secare venam secundum rectitudinem mouemur, intelligere oportet ab eadē qua dolor afficit parte, vt Galenus exposuit III. libro de ratione vict. acu. morb. sin verò Trincauellij placita sequamur, in lateris dolore sinistro tã dextra vena, quàm sinistra directæ erit; Neq; obstant illæ venarum sectiones, quæ, & ab Hippocrate & à Galeno secundum rectitudinem factæ non sunt, nam non dicimus venas κατ' ἰσιν semper esse secandas, neq; id ab Hippocrate aut à Galeno dictum reperietur, sed hoc tantum, di-  
rectas



rectas sectiones iuuamentum maius, & celerius afferre non directis alioquin non posset excusari Galenus, qui & ante, & retro, intus, & extra per dextrum etiam, & sinistrum reuulsiones fieri asseuerauit, quas si contendas esse directas, nulla magis, quàm reliqua directa erit. Sed hac de re nonnulla à Curtio dicta sunt in Auicennæ concordia, & dicetur etiam à nobis, cum aduersus Vesaliū differemus.

**R** V R S V S duabus authoritatibus quæ à Curtio adductæ sunt Trincauellius respondet, quarum postremam tertij libri artis medicinalis exactè Curtius declarauit; Priorem verò lib. de artis medic. constit. ita putat Trincauellius intelligendam, ut de fluxu tantum humore Galenus loquatur, cui interpretationi græca etiam verba existimat adstipulari. Sed fallitur, nā Galenus eo loco artem constituit curandarum inflammationū, quæ manca prorsus esset, si influxis tantum humoribus intelligeretur, neq; etiam verba Galeni Trincauellio fauere possunt, etiam si id participium κατὰ μέρος præteritum tempus denotaret, quemadmodum apparet primo libro de med. cōposit. secundum locos. Quid enim prohibet humorem defluxisse, aliumq; rursus ad eundem locum defluere?

**A** N G I N A M præterea adducit in medium Trincauellius, eāq; & suis indicationibus subiacere indicat, & constanter asseuerat ab humore tantū, qui à cerebro, & à capite fluat generari, quo posito, iam putat nrām refelli sententiā, cum diximus in angina venæ directæ cubiti sectionem in contrarium reuellere. Sed dicimus eandem prorsus esse, & propositæ angine curationem, & eiusquoq; , quæ ab humore ab infernis partibus demandato oriretur. Quod si Hippocrates, & Galenus anginam fieri dicant, ex cerebri, & capitis ad faucium partes defluxione, non ideo negant, quin illa nonnumq; secus oriatur, quod & Trincauellius concessit, cum aliam curationem anginæ censet adhibendam, quæ fluore muliebri retento sit oborta; In angina igitur vndecunq; fuerit defluxio, humoralem venā edirectò secamus, ut totum caput & læsa pars euacuetur, quod à nemine sanæ mentis negari poterit. In quacunq; etiam corporis parte dolor lateris contingat, illi medemur copiosa sanguinis edirectò



## DE VENIS EDIRECTO SECUNDIS

edirectò missione , dicere verò venæ humeralis sectione in angina non reuellere , hominis est , qui veram reuellendi rationem ignoret ; quæ vt sæpe diximus , ea ad contrarium motus tractione consistit , quæ fit à paruis venis ad magnas ; quæ ratio cum in angina , & in dolore lateris conspiciatur , quis ibit inficias quin directa sectione in his affectibus reuellamus ? & succos in prioris motus contrarium ducamus ? Hoc enim dictum est , & in sectione venæ frontis , quæ hac tantum quam diximus ratione reuellit . Neq; ipsi solam quærimus reuulsionem , sed totius simul , & læsæ partis euacuationem , in his morbis qui non præbent inducias ; Proinde ipsa etiam pedis vena patiente vtero reuellere dicetur , cum hanc eandem tractionem è paruis ad maiores venas efficiat . Sin verò menses exciter , id continget ex obstructionum vteri remotione , & suauem motionem sanguinis superiorum partium , qui vterum versus ducetur .

**T A N D E M** Galeni adducit authoritates. xiij. libro de curand. morb. cum iecinoris inflammationem venæ sectione curandam docet ; ait verò defluxos iam esse humores , sicuti & in dolore lateris cum vena edirectò secatur , neque directam sectionem alia de causa iecinori opitulari , nisi quia à corde humorem ducit , qui ab eo ad iecur defluebat ; Etenim maxima , inquit , propellendi facultas viget in corde . Quod Hippocrates animaduertisse videtur , cum pharmacum exhibendum dolore descendente consuluit ; quippe cor vehementer trahit , sibi que plenitudinem acquirit , quam postea læsis partibus impartitur . Hæc in summa sunt quæ Trincauellius hoc affert loco . Cui quidem Galeni verba apertè aduersantur , cum directæ venæ sectionem , ideo in pleuritide adhibendam iussit , vt magis , & citius reuelleret , & euacuaret , & non quidem à læsa parte ( èt si id fieri possit ) sed à proximis & adiacentibus quæ maximè humoribus refertæ sunt . Hac ratione tandem venæ sectionem iecinore patiente eligemus , quæ & si non æque ducere videatur in iecinoris affectu vt in pleuritide partium superiorum , quia cor inter brachium & iecur interiacet , attamen suscipi debet Hippocratis , & Galeni consilio , qui eam ea ratione

ne



ne adhibendam inquiunt, quod inter reliquas corporis venas euacuare & reuelli celerius potest. Esset etiam pharmacum hoc tempore fortassis exhibendum, nisi humorum transitum per ipsam affectam partem timeremus, unde consultius factum est, cum venam proximam directioremque secunda diximus. Hic vero afferri non debent repletarii, et impellentium particularum inditia, quae Trincauellius tantifacit, nam si et suppressi sint menses, & iecur laboret inflammatione, eadem curandi ratio seruari debet, neque vena pedis est eligenda, sed cubiti, & directa; quaerimus. n. totius corporis euacuationem, simulque reuulsionem cum euacuatione a laesa parte, quae promptè, & celeriter, secta in cubito, & edirectò vena fieri possunt. Ea vero ratio quae à corde humorem demandante suscepta est, retorqueri potest in Trincauellium; Cum. n. ita ad pleuritidè, sicuti ad iecur fluxio à corde transmitti possit, iure directam venae sectionem eligemus, quae nos ab eodem imminenti malo in utrisque affectibus tutos reddet.

**ALIA** deinde ratione dogma suum defluxis humoribus comprobare nititur Trincauellius, quoniam Galenus ideo directam venam in pleuritide secari iussit, quia maximè & celerimè sanguinem educit à laesa parte; Quare inquit defluxus omninò erit humor ad laesam partem, non verò fluës, & morbi initium videbitur praeteriisse. Addit obiter in hac eadem sententia Archigenem, & Aëtium fuisse, ut. s. inchoante morbo vena ab opposita parte secanda sit. Primū verò in adducendis Gal. verbis fide caret, praetermittit. n. verbū reuellit, quod suā destruit opinionem, et in Græcis & latinis, & barbaris codicibus legitur; nam Gal. inquit venam edirectò secandam esse, quia celerrimè sanguinem à laesa parte educit & reuellit. Ergo non defluxorum tantum, sed fluentium quoque humorum medela erit. Quae verò ex Archigenis sententia inquit, omitti debent, praesertim quòd Aëtius qui alicubi prauam Archigenis opinionem adduxit. XII. capite libri III. ex Galeni auctoritate venam edirectò inquit in dolore lateris secandam esse; At verò neque vlla ratio afferri potest, cur reuulsiua sanguinis missio in iecinoris inflammatione, non verò in pleuritide praecipiat;



platur ; neque item , cur in priori affectu humor fluat , in pleuritide fluxerit ; Neque etiam cur ibi nulla sanguinis missio , hic verò aliqua præsupponatur . Accedit Galeni locus XIII. libro de Curand. morb. qui apertè affectu inchoante venam ex affecta parte secari iubet .

**COLORIS** verò in sanguine mutatio , quam in dolore lateris non autem in Iecoris inflammatione expectamus Trincauellio fauere nequit ; nā non æque euacuare possumus à iecinore , vt à pleuritidis loco , & à partibus illi proximis . Quòd si vena Iecinori vicinior quàm directa cubiti , secari posset , eadē quoq; mutatio coloris expectaretur .

**TEMPVS** est vt Respōsionibus occuramus quas Trincauellius ad Curtij rationes ; Primum verò summatim concedit in dolore descendenti sanguinis missionem edirectò adhibendam , seruatur enim inquit hoc pacto rectitudo , non autē cūm opposita secatur vena , quæ cūm dolor ascendit eligi debet , vt à se prius ostensum esse putat . Hoc eodem casu venæ in pede sectio negligi etiam non debet , sed optimè inquit cōducet , cūm repletæ fuerint infernæ partes . Sed neminem latere opinor quàm hic aberret à recta ratione . Nam si descendens dolor venæ sectionem exposceret , reuellere se Trincauellius existimaret , si directam in brachio venam secaret , idq; ea ratione quā supra cū de Iecinore loqueremur reiecimus , quòd cor in medio positum sit , qui fluxionem transmittit , vnde hoc casu reuulsio fieri videretur , neq; vlla sanguinis missio præcessisset . Cur igitur in superiorū costarum inflammatione , vel in dolore qui ascendit , aliam venæ sectionem p̄cessisse opinatur : atq; cur figmentum hoc à nemine probatæ doctrinæ medico excogitatum , omnium sententijs adnectitur ? Iam ne in affectu superiorum costarum , & in dolore qui ascendit cor nō trahet ? Non repletum erit ? Non propellet ? Sicuti inferioribus costis patientibus opinatur ?

**CVM** verò secundo loco rationem habendam suadet fluxionū remotarum , quæ manifestis inditijs dignosci queunt ; fallitur , si negligi à nobis eas fluxiones existimat . Curantur enim quātum licet , cūm & totum corpus , & vicinas affecto loco partes

venæ



venæ edirectò sectione vacuamus; Qui verò ægrotantium curationibus interfuere pbè sciūt nū certis indicijis, an obscura coniectura remotæ defluxiones intelligantur, quæ si etiam paterent, non esset ab eis inchoanda curatio, sed magis occurrendum esset ligaturis, frictionibus, & id genus remedijs, quæ ad longissimè reuellendum sunt accommodata.

**TERTIO** loco vt Curtij rationē effugiat, fateri cogitur Trincauellius oppositi brachij venam directam esse, & à coniugatis euacuantem, à quibus nonnunquam Gal. monuit & reuellendum, & deriuandum esse. Sed quàm distet à rectitudine oppositi brachij sectio, iam sæpe à nobis indicatum est, & infra certius ostendetur. Vacuatio verò à coniugatis in ijs morbis à Galeno constituitur, in quibus rectitudo seruari nequit, vt cū extrema quapiam parte patiente, quia in eadem affecta venam secare prohibemur, coniunctæ, & iugatæ partis vena secatur.

**RURSUS** inquit humores qui fluunt ad læsam partē trahi venæ edirectò secta, quod ante à nobis reiectum est, cū de humoris successione paruarum, & magnarū venarū loqueremur.

**IN** quinta verò responsione Communes sanguinis mittendi rationes variari quandoq; asserit, veluti si à capite ad pectus humor descenderet, non interna vena, sed humeralis secanda esset. Sed tamen communis ratio tam leui de causa non esset varianda; Ideo si lateris dolor occuparet, interna semper vena secaretur, non verò humeralis, quæ licet aliquam repletam partem euacuet, reuellētis tamen rationem nō est adepta.

**NIHIL** ad rem facit quod sexto loco commemorat, nam casu posito quòd humor à dextra parte capitis ad pleuritidis locum feratur, cunctis medicis aduersaretur Trincauellius, si humeralem dextram secaret, quod omnes qui Curtij rationes viderint, quas hic vir mancas facit, nouisse possunt.

**RELIQVA** etiā nullius esse momenti inde patere potest, quòd humores qui vicinas ad partes defluxi sunt, & rursus hinc ad inflammationem fluunt, per nostram venæ sectionem educantur, quæ, & celerius educit, & per vias à natura præmōstratas. Omittit verò, Auic. Trincauellius, qui aduersus suam



sententiam interpretari potest.

**S E D** iam ad reliqua properemus, quæ breuibus ideo tractentur, quòd ex his quæ antea diximus refelli possunt. Primum verò ad remotarum & impellentium partium indicationes refugit, quas tamen, non tantifaciendas à medicis diximus, quia curationis initium non ab his, sed ab eo quod magis vrget est assumendum. Adde quòd totum corpus, & illæ etiam partes euacuari possunt, copiosa sanguinis edirectò missione, & eodē remedio vniuersa quoq; defluxio ab inflammata parte reuelleretur; non igitur quæri debet vena remotior, vt & ante diximus cū de reuulsione longissima loqueremur.

**Q V A E R I T** verò Trincauellius, si ante sectionem venæ frontis, quæ occipite patiente secari solet, aliqua in brachio venæ sectio præcessit, cur nostram venæ sectionem reuellentē, vt diximus, & euacuantē, alia itē opposita nō præcedet? Respondemus eius rei hanc esse reddendā rationē, qm̄ vena in fronte secta totius euacuationi nō satisfacimus, sicuti cū in brachijs venæ secantur, iccirco si vrgens inflammatio adfuerit, totū corpus euacuamus.

**A D D V C I T** præterea dissidentes inter se quasdam sententias, quæ cōciliari inuicē, aut omninò refelli à Curtio debuissent. Fallitur verò si id offitij neglectū fuisse opinatur; offensum n. est, cur vena in eodē affecto crure non secetur. Et in Gal. & Auicēnæ cōcordia rō reddita est, cur nunc in pede, nunc in cubito venā secamus. De vena verò frontis paulò ante locuti sumus, cū totius euacuationē, eas quæ per venā in læsa parte sectam fiunt, præcedere debere diceremus. Multa tandē affert Trincauellius de sectionibus venarū quæ adhibentur vtero, & coxa laborantibus; videtur verò rōnem ignorare cur nō vnicam hic venæ sectionē, sed plures adhibeamus. Atqui hi affectus longè inuicē dissident, nā vena pedū secta in coxæ affectibus, sanguinē aduocat in læsam partē, quæ eadē reuellit si vterus afficiatur; Quicquid n. sanguinis ad tibiam vel ad coxā defertur, p magnā deducitur venā, quæ propagines ad vterū mittit, iccirco sanguis illarū propaginū in maiore venæ truncum regreditur, & reuulsiva fit euacuatio, si vterus patiatur.

Idem



Idem verò in coxa patiente non contingit, ideo totū prius euacuandū est, vt in bubone, deinde in poplite vena secari debet, quæ nō ita prōptē vniuersum corpus euacuat, vt faciunt venæ cubitorū. Ex his igitur angustijs eripere se alia ratione debuisse Trincauellius, quā indicationū cōmemoratione, quas tñ & Gal. verbis, & ex ipsa indicationū natura reiecimus, cū ostendimus & ab eo quod magis vrget inchoandā esse curationem, & melius multo nobiscū agi, si totius corporis euacuatio non omittatur.

## ADVERSUS ANDREAM VESALIUM.

**N**unc ad Vesalium atq; ad instituti operis finē nostra properat oratio; vnica verò disceptatio reliqua est, quo inquam pacto in venarū sectione rectitudo intelligatur, quā ex vilis & fibris vniuersam pendere præclarus hic vir est opinatus; Qua in re adeo dissidet ab Hippocratis & Gal. placitis, vt nihil certius ex eorū libris afferri possit, quā hæc eadē a nobis suscepta rectitudinis ratio; quod cū sæpe & publicè & priuatim Curtius narrauerit, hic afferre vniuersa dignū duxi, quæ nostrum hoc dogma videntur approbare.

**N**ULLA igitur venarū sectio, nullus humorū motus, qui inter dextrā & sinistrā partē fiat, quiq; dextri & sinistri terminis claudatur, factus dicitur secundū rectitudinē ab Hippocrate vel a Gal. qui eas tm̄ euacuationes κατ' ἰσιν & κατ' ἐνθόν, idest secundū rectitudinē fieri existimarunt, quæ fiunt secundū eandem partem dextrā vel sinistrā. Hæc verò satis apertè Vesalij sententiæ repugnant, quæ multis Hippocr. & Gal. locis comprobari possunt. Primū verò ea Hippocratis oratione. iij. libri de rat. vic. acut. morb. cū inquit; Mittatur sanguis secundū rectitudinē. Quod exponens Gal. ait. Vnum hic addit quod in parte legitima omiserat, vt sanguis secundū rectitudinē mittatur, idest ab ea qua dolor afficit parte. Rectitudo igitur secundum partem, non secundum fibras intelligitur.

**I**DEM confirmatur ex loco. xij. libri de curand. morb. Cū  
Galenus



## DE VENIS EDIRECTO SECUNDIS

Galenus dextrā venam patiente iecinore, sinistrā patiente liene secari præcipit, quoniā sunt edirectò, & in vniuersum pectore, pulmone, corde cæterisq; affectis quæ ibi enumerantur, venas statuit secundū rectitudinē perpetuo secādas esse, quòd si in fibrarū ratione rectitudo contineretur, non dextra magis quàm sinistra iecinore affecto secari posset, præsertim quòd vtrequæ ampla via cū vena caua coniunguntur.

**S E D** dicat Vesalius, si Iecur in caua parte inflammatione correptum esset, quā venā existimet esse secandā? nā si Galeno & cæteris medicis credit, axillarē dextrā dicet; Axillaris verò deriuat à caua, cū igitur ad iecinoris concauū caua vena non pertingat, quī fieri poterit, vt Axillaris venæ sectio fibrarum societate directā sit?

**A G E** verò posteaquā medicorum placita vidimus, rectitudinē spectemus quæ natura operante seruari solet; cū.n.natura aliquid expellere nititur, hoc ipsum agit transuersis fibris, nō rectis, expellit verò semper edirectò, ergo directæ expulsionēs à rectis fibris factæ non sunt.

**A C C E D I T** Hippocratis & Galeni locus. ij. parte. vi. lib. de vulgar. mor. vbi Hippocrates inquit. Dolor lateris, præcordiorū tumor, fluxus sanguinis nariū fieri debet κατ' ἰξιν, alioquin eorū mutatio nihil iuuaret. Inde quærit an euacuationes quæ fiunt à sursum in deorsum debeāt esse κατ' ἰξιν? Respōdet hoc vtiq; in angina fieri debere, subiūgit: an verò sursum, vel deorsum mutationes à iecinore secundū rectitudinē fiunt? atq; ad hoc quasi dubius non respondet. Galenus verò exēplis rem aperit monstrat, inquit. n. si mania per tibiārū varices terminetur, nos nequaquam scire posse an hæc mutatio directā sit, cūm latus determinatum in quo mania consistit ignoremus; idem de tussi asseuerandū qñ in aliū morbū permutatur; cū.n. nesciamus determinatū latus in quo tussis cōsistat, ignoratur necessariò in permutatione rectitudo. Ignoratur et si quī morbi mēsum vel hæmorrhoidarum fluxione soluti sint, quando dextros mēses vel sinistros, & dextras vel sinistras hæmorrhoidas intelligere nequeamus. Rectitudinis igitur ignoratio, ex morbis pendet, quī nec dextrā nec sinistrā quidem partē, sed vel nul-

lam



lam, vel utrāq; corripunt; sciri verò poterit edirectò facta esse morbi mutatio, si aliquod determinatū latus prius occupa- uerit, & postea inuaserit; vt si iecur inflāmatum sit, & per san- guinis è naribus fluxionē soluatur, erit è dextra nare, nō ve- rò è sinistra defluxio; contrā erit è sinistra, si lienis morbus ea ratione terminetur. Hic igitur vniuersa ratio rectitudinis cō- stituit eadē determinata dextra, vel sinistra parte.

E A D E M ratione rectitudo in renibus declarata est V. libro de vsu partium, cū quærens Gal. cur dextri renis situs altior sit, & eleuatio quā sinistri; respondet, hoc ideo esse, quia dexter edirectò iecinoris est; didicimus autem ab Hippocrate, quæ alicui parti directā sunt vehementius ac celerius ab ea trahere. Hic igitur rectitudinis ratio è situ in eadē parte dextra desumitur, non è fibris, quæ ita in sinistro rene sicuti in dextro feruntur.

I N testium quoq; natura declaranda eadem ratione vsus est Gal. XIII. libro de vsu partium, capite. vii. ; inquit enim testem si- nistrū frigidiorē esse dextro, quoniam frigidiorē vitur ali- mento, atq; si idem esset amborum nutrimentum, adhuc in- tensior in dextro calor esset, quoniā edirectò iecinoris est, quæ verò inuicē edirectò sunt, seipsis magis fruuntur, vt ex Hip- pocratis sententia constare potest; fibræ etiam testium eodem pacto disponuntur, sicuti in renibus. Ex fibris igitur non est sumenda rectitudo.

S E D & in neruis oculorum qui visorij dicuntur eadē rectitu- dinis ratio suscipitur à Gal., X. enim libro de vsu partiū quæ-rens cur horum neruorum initium non sit cum fine κατ' ἰξιν per, κατ' ἰξιν intelligit in eadē dextra parte, vel sinistra; nam qui oritur in dextra parte in sinistram terminatur, qui in si- nistra in dextram, adeo vt figuram x. literæ similem con- stituant, neq; κατ' ἰξιν ponantur; Refelluntur autem eolo- co quidam, qui hoc ideo factum dicebant, vt vnius partis nocumenta, facilius alteri communia fieri possent, vnde par- titum damnum minus molestiæ afferret, his enim aduersatur ipsa natura quæ potissimum duplices effecit partes, vt aliqua patiente, incolumis altera permaneret.

A C C E D I T quòd idem Galenus extremo primo libro de lo-  
cis



cis affectis, aliqua parte spinæ patiēte, reliquas inquit pati partes, quæ illi edirecto sunt, quæ verò nō edirecto sunt incolumes permanere, quæ vt & superiora loca nostræ sententiæ apertè fauent, cū Hippocratem, & Galenum diximus non aliud esse rectitudinem in constitutione partium corporis, & in missione sanguinis existimasse, quàm eiusdem dextræ vel sinistræ partis societatem; Dextra enim pars cum eadē dextra, & sinistra cum sinistra communicat, vt Galenus inquit; cuius ratio partim sumi potest ex consensu quodam naturæ, qui in morborum indicationibus apparet; partim ex paruis quibusdā meatibus, qui capillorum more inter venas & venas dispositi sunt, sicuti inter arterias, & venas, qui quidem longè magis partium consensum efficiunt, quàm venarum maiorū, & fibrarum etiam dispositio. Cū verò in euacuationibus quæ à natura tentantur seruata rectitudo salutem afferat, obsit autem euacuatio quæ ad diuersum latus erumpit, hæc etiam ratio in nostris operibus seruari debet, Hippocrate presertim III. parte primæ prorrhætica idem his verbis testāte; Sanguinis ad latus diuersum eruptiones malæ, vt si cū lien magnus fuerit, dextra ex nare fluat, atq; res in hypochondrijs ita habet. In cuius loci interpretatione statim inquit Gal. si quid aliud sæpius contingere vidit, ita & hoc vidisse, scilicet directas eruptiones iuuare, & obesse non directas. Sed & primo libro ad Glauconem cū de fluxu sanguinis narium reuellendo verba faceret, eandem rectitudinis rationem seruari præcepit, vt si è dextra nare sanguis flueret, cucurbitula hæpati apponeretur; si ex sinistra, lienī; in cuius loci interpretatione. Stephanus Atheniensis cognomento philosophus, qui hūc librum græce interpretatus est, ita ait.

- » Querendum est quare sanguis qui à dextra vel à sinistra nare  
 » exit, si à dextra fluat iecoris esse dicatur, si à sinistra lienis; vni-  
 » uersæ enim quæ sanguinem ferunt venæ à iecore oriūtur, neq;  
 » duæ à cerebro vt quidam putabant ferūtur, quod ex dissectioni-  
 » bus redarguitur. Quo pacto igitur dicimus sanguinem feri  
 » secundum rectitudinem, & processionem idest κατ' ὁδόν, vt  
 » Hippocrates inquit? non enim videmus è iecore venam se-  
 » cūdam



eundum rectitudinem mitti ad dextram narem, sed ramusculi  
 quidam sunt & propagines, quibus particulae omnes dextri la-  
 teris fruuntur. Hoc igitur in hunc modum soluemus. Scire o-  
 portet tribus quibusdam ut saepe diximus, corpus nostrum co-  
 stare, solidis dico, humidis, & spiritibus; atq; ex his naturam cor-  
 pus totum composuisse, & ipsum bipartito secuisse, quasi  
 linea quadam duas partes separante, sicuti in labro, & in eo pe-  
 ctoris osse, quod sternon dicitur, apparet. Hoc autem ideo factum  
 à natura, ne totum corpus simul pateretur, dum altera pars est affe-  
 cta; ac ne ex ostensa actione partis alterius, totius corporis actio  
 laederetur. Hoc enim fieri videmus in semipercussis, resolutis  
 enim plerumq; sinistris partibus, dextrae sanae sunt, & econtrà.  
 Haec igitur tria, solida inquam, humida, & spiritus mutuo sese  
 afficiunt, & vno moto reliqua mouentur, quod Hippocrates di-  
 cebat cum ait, Conspiratio vna, confluxio vna, & omnia compa-  
 tibilis sunt, mutuoq; afficiuntur. In spiritibus quidem conspi-  
 rationem sumpsit; in humoribus confluxionem; in solidis sym-  
 patheam. Et vnâ conspirationem confluxionemq; dextro-  
 rum ad dextra, sinistrorum ad sinistra. Quoniam verò didi-  
 cimus in nostro corpore esse spiritum, scire oportet quo pacto  
 in omni insit particula corporis; nullamq; esse, quae spiritu non  
 sit particeps. Sed per carnem, & per os permeat, cum sit par-  
 tium ita tenuissimarum, ut nil ipsi inuium sit. Permeans igitur  
 per omnia sibi ipsi continuus est, & is quidem qui in dextra par-  
 te est, illi qui est in dextera; ille verò qui in sinistra, ei qui in si-  
 nistra est. Cum igitur in liene est affectio, vis eius excreto-  
 ria insurgit ad noxium expellendum, ac in se ipsum lien cogi-  
 tur, & veluti contrahitur, ita enim vis excretoria agere solet;  
 dum verò cogitur mouetur, dum mouetur, vnâ etiam moue-  
 tur spiritus, qui partium tenuium est, & superiorem lationem  
 appetit, & insequitur; atq; tum per vasa, tum per meatus occul-  
 tos proficiscitur, dumq; fertur vas dilatat. Deinde cum sinistras  
 cerebri petijt partes, narem sinistram latiore raramq; facit, &  
 paratiorem, ut ex ea sanguis erumpat. Succus igitur qui pellitur  
 qui lienis excretoria retrogreditur ad iecur, deinde vis iecoris  
 quae ipsum ferre nequit, expellit, ille verò sursum per venas cedit,



„ & dum caput petiit, narem sinistra in apertam inuenit, per quam  
 „ expellitur. Ita etiam se res hēt in iecore; cū enim afficitur, spi-  
 „ ritus qui in ipso est, mouetur, & ad superiora fertur, dextram  
 „ narem sibi ipsi præparat. Qui igitur sanguinis fluxum per nares  
 „ reuellere voluerit, si è dextra nare fluat, iecori; si ex sinistra lienis;  
 „ si ex ambabus, apponet etiam ambobus visceribus cucurbitulas;  
 „ nam spiritus dum transfertur ex superioribus ad inferiora, succos  
 „ secum commouet, & ob id euacuationem quæ per nares fiebat,  
 „ prohibet.

Ex his satis superq; opinor patere potest, quo pacto Hippocrates  
 & Galenus rectitudinem intellexerint, sed quoniam alia quædam  
 Gal. dicta Vesalius ad examen reuocauit, satius fuerit tantum au-  
 thorem, ab obiectis erroribus vindicare. Cū igitur dixisset  
 Galenus, sanguinis missionem dolore descendente ab Hippocrate  
 non cōmendari, quoniam cor per venam cauam illi quam seca-  
 mus adnectitur, & sua attractione quæ maxima est, sanguinis  
 motum impediret, argumētatur Vesalius ex venæ sine pari vo-  
 catæ delineatione, quæ non à corde statim, sed aliquanto altius  
 oritur, quare inquit, non poterit sanguinis motus qui per ipsam  
 fertur à Corde impediri. Hic verò fateor eam venam parum su-  
 pra cor oriri, quod secante Vesalio superiore anno Bononiæ con-  
 speximus, sed tamen siue hic venæ ortus supra cor parum, siue  
 cum ipso sit corde, adhuc sanguinis motum & retardari, & im-  
 pediri posse contendimus. Maxima enim omninò est cordis at-  
 tractio, siue naturam, siue calorem, siue ēt vacui necessitatem spe-  
 ctemus; Quid igitur parum eleuatio venæ ortus efficiet, vt ma-  
 xima illa vis cordis attrahentis impediatur? Quòd si Vesalius di-  
 cat dolore etiam ascēdente idem à corde impedimentum præsta-  
 ri, dicam fieri id non posse, ea ratione quòd motui & inclinatio-  
 ni naturæ, neq; cor, neq; alia vlla pars aduersatur. Ita si in infe-  
 rioribus costis humor esset qui à natura ad altiores pelleretur, ad-  
 huc sanguinis missionem exposceret, quoniā naturæ motus ad-  
 uersam non habent cordis attractionem.

Si verò iecur, ventriculus, lien & reliqua inferna viscera inflam-  
 matione afficerentur, neq; natura ad superiora sanguinem pelle-  
 ret, num & hic extimescenda esset cordis attractio? atq; num ve-



nae brachij sectio competere non posset. Hic dicimus adhuc internam, & edirectò in cubito secandam venam, quoniam nulla propior reperitur; Cogimur igitur eam secare, etiam si nihil educeret à læsa parte; non.n. pharmacū his affectis visceribus exhiberi potest, neq; præterea adeo vrgent hi morbi, vt citam partis inanitionem, quod quidam faciunt, exposculent.

**S**ED videtur dubiū Vesalio, num pleuritidis nomine vniuersi ab Hippocrate intelligantur dolores, qui inter iugulum, & ossa iliū contingunt; Qua in re Hippocratis dicta nimis aperta sunt, & nemo non nouit nihil apud Hippocratem pleuritidis nomine significari, nisi membranæ costas subcingentis inflammationem. In libris enim de ratione vict. acut. morb. sputum inspiciendum censet, vt huiusmodi tempora distinguamus, sputum verò in pleurisq; doloribus à Vesalio cōmemoratis nullam eiusmodi habet significationem; Sed & XII. aphorismo primi libri citam quidē sputi apparitionem breuem efficere pleuritidem scriptū reliquit, tardam verò longiorem. Et præterea si iecinoris inflāmatio ventriculi, & reliquorum pleuritidis nomine ab Hippocrate significaretur, posset illis affectis exhiberi pharmacum, vt Hippocrates præcepit, quo tamen nihil ne cogitari quidem potest perniciosius. Non igitur tā latè patet pleuritidis significatio, neq; latus id à Vesalio excogitatū pleuræ nomine à Græcis medicis intelligit.

**Q**UOD si Hippocrates dixerit, si dolor ascendat, & iugulo, vel mammæ, vel alijs quæ supra sunt partibus communicetur. Et in qualibet etiam membranæ subtegentis costas inflammatione ad iugulum protendatur; qui idem iuguli dolor, vel tensio saltem conspici solet iecinore inflammato, qui, & sub costis & sub septo trāsuerso sedem habet, nihil in Vesaliū subsidium videtur afferri; Neq; etiam cum Hippocrates dolore sub septo transuerso inclinante sanguinis detractionem omisit; hinc enim sumi non potest lateris nomine aliam præter costas regionem intelligi. si quidē falsò putat Vesalius grauitatem ad iugulum semper esse protensam, quæ tamen adesse nequit, nisi humor in superioribus costis reperiatur, loquitur verò Hippocrates de grauitate, non de extendente dolore, quem adesse facilè condonamus. Si igitur ab inferioribus costis humor ad superiores pellatur, is educi debet



sanguinis edirectō missione. vnde id in vniuersum fateri oportet  
vt humor qui in superioribus est costis, illis dolorē necessariō, &  
grauitatē afferat; qui verō in inferioribus est, dolorem quidem af-  
ferre potest superioribus, sed non necessariō grauitatem.

Instat verō Vesalius, & miratur quo pacto humor inferiorum co-  
starum superiores tentare possit absq; dolore & grauitate, cū  
tamen in iecinoris inflammatione, quæ remotior est, dolor, &  
grauitas illas easdem partes afficiant? Hic verō dicimus ex mo-  
dico humore, qui inferiores costas obsideat, iugulum nequaquā  
tendi, qui tamē ex copioso fortassis tenditur. Quod verō de ieci-  
nore inquit, falsum esse demonstratur Gal. verbis, qui v. libro de  
locis affectis ægro occurrens inflā matione iecinoris laborāti, ve-  
rebatur ne falsum diceret, si iugulum dolere, atq; tendi pronun-  
ciasset, iccirco disiunctim, & hoc pacto locutus est. Haud mul-  
to post iugulum ad infernas partes detrahi senties, nisi fortasse id  
iam antea tibi euenerit.

SED quoniā maximā mouere questionē solet id quod à Gal. dicī,  
qui suadente Hippocrate pharmacum dari cū dolor descendit,  
contra iussit esse adhibendam sanguinis missionem. Hic iure  
aliqua ratio reddenda est, cur Galenus ab Hippocratis placito vi-  
deatur dissentire. Mirati id fuere summi ēt viri, qui apertē Gal.  
contradicere Hippocrati existimarunt, vt & ipsi supra narraui-  
mus. Sed tamē Gal. nō aduersatur Hippocrati; immō vero eius  
sententiam moderatur, nam cū in aphorismis dixisset periculo-  
sum esse pharmaca exhibere in acutis morbis; & pharmacū præ-  
terea pleuritide laborantibus exhibendum præcepisset, sibi quo-  
dammodo contradicere videbatur. Quod animaduertens Gal.  
simulq; illa non exhiberi pharmaca, nisi paratis viis, febribusque  
non admodum intensis, & ægri natura cognita, sanguinē potius  
mitti, quā pharmacū exhiberi consuluit. Accedit quod pharma-  
ca Hippocratis tpe vehementissimē perturbabant; carebant. n.  
mitioribus illis remedijs, quæ nostro tempore leniunt, & mode-  
ratē aluum ducunt, quæ si ēt adfuissent, cū ea quæ ab Hippo-  
crate enumerantur eiusmodi nō sint, sermo suus aliquo prorsus  
moderamine indigebat. Hac igitur rōne sanguinem mitti Gal.  
ma luit, vt certū subsidium ex plenitudinis remotione afferretur,  
quod

ncil.

p. &  
l.



quod certè à pharmaco vel nullum, vel multo cum damno afferri poterat. Sin verò hæ abessent rationes pharmacū prohibētes, iam tutò Gal. ēt consentiente posset exhiberi; plerūq; tamen vehementia illa pharmaca periculo non carent. Ex hac igitur interpretatione nulla inter Gal. & Hippocratē discordia, nulla curationis varietas, sed eadē prorsus curandi ratio constituitur.

Ex his igitur ea refelli possunt, quæ à Vesalio in contrarium adducuntur, in quibus reuulsionis quoq; & deriuationis rationem videtur nescire; de quibus satis superque actū à nobis est. Perperam ēt concedit venas pedū in dolore lateris secari posse, reclamante tamen Gal. vi. libro aphorismorum Cōmēto. xxxvi. cū inquit.

» Quod autē dicitur, secare verò interiores, si de venis manūū dicat,

» caret veritate, neq; confessum est Hippocrati; Videtur si quidem

» in omnibus libri suis in partibus quæ supra hæ par sunt, ex manibus sanguinem mittere; in inferioribus verò eas quæ in genu

» vel talo sunt secari iubet. Hæc Gal. qui loquitur de vrinæ difficultate, cuius ex verbis manifestè patere potest, in dolore lateris non esse in pedibus sanguinē mittendum, nisi sub iecinore, quod Vesalius fecit, pleuritidē fieri concedamus. Minus cōcedi pōt hæc in pede venæ sectio si facultas sit imbecillis, quandoquidem magis robur deijcit quàm venæ cubitorū, ea p̄sertim ratione quòd sanguinē à suo fonte retrahit, & ab his visceribus quæ ex ipso vires accipiunt. Qua ratione bene consultus Auicenna hanc sanguinis missionē prohibuit. iij. parte, primi libri cū de sanguine mittendo pertractaret. Sed neq; prætereundum est literatorem quendam qui inter doctos enumeratur, locū ex antedicto Gal. Cōmēto pro fundamento desumpsisse, vt venæ sectionem ex opposita parte cōmendaret; inquit. n. Gal. non admodū referre, si in genu internam vel externā venā seces, nam ab vna ambæ nascuntur; Ita igitur (inquit ille) nil refert in pleuritide directam venam cubiti vel oppositam secare; nam & hæ ab vna oriūtur. Sed licebat animadvertere eandem semper seruari rectitudinem, cū interna vel externa in genu vena secatur, quæ non seruatur si in dolore lateris ex opposito brachio sanguis mittatur; ergo nō eadem est ratio internæ, & externæ eiusdē partis venæ, & eiusdē internæ quæ diuersarum sit partium. Sed in hoc incidere

errores



## DE VENIS EDIRECTO SECUNDIS

errores par est, qui mercede corrupti de alienis scriptis iudicium ferunt. Nunc ad Vesalium reuersi, reliqua dicimus positæ à nobis fundamentis, ac rationibus refelli posse, quæ ipsæ ob nouam hanc opinionem asseuerandam, & nostram confutandam fuerat imaginatus. Hæc verò cum diligens lector ex sese queat intelligere, reliquum est, vt nostræ orationi hoc loco finem imponamus.

### ERRATA SIC CORRIGITO.

- fol. 14. posint. possint.  
ibid. reulsio, reuulsio.
- fol. 15. non possunt. non prosunt.
- fol. 18. oppositæ. appositæ.  
ibid. Viēt. aucut. acut.
- fol. 29. intentissimus. intensissimus.
- fol. 41. appositione. appositionem.  
ibid. edirectò. edirectò.  
ibid. humor fluatur. fluat.
- fol. 43. et loco. eo loco.
- fol. 44. locutus uerò. locus uerò.  
ibid. inauindas. inaniendas.
- fol. 46. in ij. libri. ij. libri.
- fol. 47. snaguis. sanguis.
- fol. 50. persitientibus. proficientibus.
- fol. 52. symopes. syncopes.
- fol. 53. ene. eæ.
- fol. 55. Aptuis. Aëtius  
ibid. Galeno. Galeni  
ibid. quæcunq; . quacunque.

FINIS.

Registrum.

A B C D E F G H I K L M N O P Q.

Fr. Hier. Politius Cremonensis Inquisitor.



General Land Office  
Washington, D.C.  
June 1, 1890  
To the Honorable Secretary of the Interior  
Sir: In accordance with the provisions of the Act of March 3, 1879, relating to the sale of public lands, I have the honor to acknowledge the receipt of your letter of the 28th inst., and in reply to inform you that the same has been forwarded to the proper authorities for their consideration.

STATE OF TEXAS

Section 1	100
Section 2	100
Section 3	100
Section 4	100
Section 5	100
Section 6	100
Section 7	100
Section 8	100
Section 9	100
Section 10	100
Section 11	100
Section 12	100
Section 13	100
Section 14	100
Section 15	100
Section 16	100
Section 17	100
Section 18	100
Section 19	100
Section 20	100
Section 21	100
Section 22	100
Section 23	100
Section 24	100
Section 25	100
Section 26	100
Section 27	100
Section 28	100
Section 29	100
Section 30	100
Section 31	100
Section 32	100
Section 33	100
Section 34	100
Section 35	100
Section 36	100
Section 37	100
Section 38	100
Section 39	100
Section 40	100
Section 41	100
Section 42	100
Section 43	100
Section 44	100
Section 45	100
Section 46	100
Section 47	100
Section 48	100
Section 49	100
Section 50	100
Section 51	100
Section 52	100
Section 53	100
Section 54	100
Section 55	100
Section 56	100
Section 57	100
Section 58	100
Section 59	100
Section 60	100
Section 61	100
Section 62	100
Section 63	100
Section 64	100
Section 65	100
Section 66	100
Section 67	100
Section 68	100
Section 69	100
Section 70	100
Section 71	100
Section 72	100
Section 73	100
Section 74	100
Section 75	100
Section 76	100
Section 77	100
Section 78	100
Section 79	100
Section 80	100
Section 81	100
Section 82	100
Section 83	100
Section 84	100
Section 85	100
Section 86	100
Section 87	100
Section 88	100
Section 89	100
Section 90	100
Section 91	100
Section 92	100
Section 93	100
Section 94	100
Section 95	100
Section 96	100
Section 97	100
Section 98	100
Section 99	100
Section 100	100

Very respectfully,  
J. C. [Signature]

A. B. [Signature]

For the Honorable Secretary of the Interior



